

近代中國史料叢刊第十三輯

沈雲龍主編

朱九江（次琦）先生集

簡朝亮編

（附：年譜）

文海出版社印行

朱九江先生集

總目

序

卷首之一

年譜

卷首之二

目錄

卷首之三

詩序

卷首之四

詩

卷一至卷五

文

卷六至卷九

附錄

卷十

分ナシタラトニイニ

糸目

糸目

10/10/04

朱九江先生集序

卷首之一

學者問曰聞集之始也後人集之而非自爲集也朱先生旣沒十有六年而未有集何也朝亮曰蒐之未備旣不得遽又時將有待也然遷延之罪固自知之矣學者迺出其所得詩文百篇有奇又有數策錄所聞者問曰然虖迺檢其所得曰詩文非先生之作而妄僞爲先生者十二三焉若夫所聞則不能無異自古而然者也烏虖悲哉先生旣沒赴至朝亮父喪方禫以師喪固所奔也戴星而行及至旣斂將蓋棺家人聞來哭止之遂入哭猶及見先生面如生也行省兩院爲文祭之曰明不自翹遺書有無朝亮聞之而悲夫先生有書而無書也先生之明終不可以沒也先生七十有一朝亮在其門冬歸成昏禮反而晉拜

先生賜之酒既侍飲敬問先生著述舉所以欲爲書者而答今詳
年凡七書而自謂於儒宗性學發之而爲政術尚之而爲風俗
得失雖微卽下中國人倫之大天下疆弱安危所存者則尤屬
意而不敢草草焉及先生七十有五語其家人將定藁以成書
亡何疾作迺燔其藁踰月而沒此有書而無書昔人以服程子
之明而先生繇之者也雖然先生之書未傳於人而先生之行
之言人固得而見聞者矣况其莫年講學上辨古人下窮今日
其所以勤告者必其所以欲爲書之精意豈猶有隱而不宣者
歟先生講學嘗陳時病力闢其非以筆擊案曰卽如著述當在
斯也然則先生之明已傳者精意未及傳者文字爾古有脩身
教士生平不著述一言者而其言終布於天下士大夫得以自

艾婦孺得以交傳史氏賴其言而一朝時論之是非迺定若是者何以至斯也有表其傳而書之者也此無書而有書也先生既沒踰年同門將表其傳屬議爲書朝亮方母喪未獲承也服闋後感其意嘗欲爲先生年譜一編勞勞人事久之未成遲遲深居默坐憶當日席間所見聞者愀然有感雖風雨中夜猶必書之懼將失也雖書之而不敢遽以示人懼其或失先生意也語未及終學者視抱以思迺曰請成年譜以示吾學者使無惑於所聞且先集詩文其所未得蒐之可補也孰與局其正者而投其妄者虜若此之時能待者幾何虜朝亮以學者之請固衷於誼而不敢辭也然蹲循久之蓋以誼之至大將卒爲之苟一言之失斯獲戾矣將不卒爲之使先生不彰其獲戾者猶小使

天下不得聞先生之行之言而皆失所從其獲戾者實大矣旣不可已遂許之自夏徂冬集有先生詩五卷文四卷暨書先生事者附錄一卷迺成年譜列於卷首席讀集者先有攷焉詩繇先生家人所得原略有次今仍之皆三十有五以前爲之也文繇先生家人所得暨宗人已槩者今攷其年類而次之壯年者罕大都四十以後爲之也繇詩而文遞推終身故以爲次亦韓集例也年譜自三十有八以前据先生公車紀程暨其家人所得紀年事略以後据先生在官日記襄陵碑錄暨先生手定門人文卷也年譜以年爲次而有先敘合敘使其文不散者左傳編年之書已開其例也論語詩可以興陸稼書謂觀朱子年譜可以興今年譜錄詩則誦詩論世其所興者不勃然爲風之自

虛詩繇天性野人歌謠今猶於古百世之後微問如何詩必不
 絕先生爲詩誼原三百如古之詩人非今之詩人所可囿錄其
 大者可厚人倫固先輩以詩篇爲年譜之風也年譜例錄文譜
 居集前祇錄其題今或仍錄其文與詩同列者譜普也風誼之
 高欲普見其凡也先生年譜人譜也書其可書不可以常例書
 也學者問曰今譜之言其必沾人未有者虛曰是不可以不辨
 也昔者顧亭林爲日知錄自謂古人所先有者削之今攷其書
 章句名物之微其自謂者略是矣然其書之用不係虛其微也
 凡所言天下大瀆則其書之用存焉皆古人所先有而顧氏申
 之者也夫既申之則古人之言始終復明天下雖有邪說而不
 能蔽若不申之則古人雖已言猶未言也歷世以來獨立不懼

之君子天下所爭言而一人不言天下所不敢言而一人獨言
皆申古人之誼以勸後人之明何者天下之變無常變無常而
誼有常君子得其公誼續其公言無不孚驗也不知者醜曲誼
以爲新斧小言以爲斷謂之古人未有焉其於天下不適害哉
既而學者羣請曰書成吾學者傳錄之難且易譌今備梓費請
棊之遂如其請學者校棊於讀書草堂

光緒二十有三年冬至日 門人順德簡朝亮謹序

謹案先生詩文今未蒐得而待補者
代兆撫軍請襄陵臨汾水田屏照東
南升科摺檄西山神驅狼文晉聯關
隴禦賊三難五易十可守八可征奏
記兆氏功臣三世家傳黃木灣觀海
詩今具錄題以冀補棊亦以免妄收

朱九江先生年譜

卷首之二

嘉慶十有二年歲在丁卯八月辛卯二十日先生生

先生諱次琦字稚圭一字子襄先世子議居南海九江方明

祖龍興設不為君用之罰子議終身偁元處士不改度焉七

傳至夔州知府讓仕萬曆時以治行第一拜璽書之賜詳四

志廣州是為先生八世從祖讓孫實蓮以戶部郎中受特勅

與陳文忠子壯舉誼殉節高明 皇朝賜諡烈愍詳明史

是為先生六世從祖父贈公成發贈如先生秩蘇人有主於

公者年七十歸休以佗人所負三千金俾公自收之公陽諾

四千里外卒反其金嗜觀邸報災患必歎嘗謂諸子曰凡人

有力在己而不及人非天命富貴意也汝曹識之矣母張

太宜人知文史族子爲盜魁瞰贈公歸颺言索之金太宜人
語贈公請與諸子佗適旣行盜夜嘑叔門太宜人扶媪持燭
出從容詰曰嘑叔者誰何遽也叔偶出盍入而待之闔闔納
盜魁其黨數十人簇於門外盜魁踞上坐解佩刀錚然太宜
人嘑婢瀾茗復詰嘑叔何居盜曰將亡命假數百金門外盜
皆譟應太宜人正容曰汝佻叔屬雖遠猶骨肉也有急當告
我何遽若是迺入探釵珥數事解腕中條脫益之曰汝將去
不足可復來何待叔也盜大慙竟棄去繼母關太宜人拊諸
子如腹出先生嘗病十旬閔鬱忘勞體爲之敝伯兄士琦與
先生同舉於鄉能詩以粵中西江水患繇沙田石壩上書大
府議除其患

詳南海縣志
朱氏傳芳集

仲兄炳琦季弟諸生宗琦叔者先

生也

十有三年歲在戊辰先生年二歲

先生周晬甫學語張太宜人抱諸剝上授以唐人絕句代小

兒歌謠

十有五年歲在庚午先生年四歲

張太宜人問曰兒願多錢否曰不願願高官否曰不願何願
曰人盡愛兒兒則願爾

十有六年歲在辛未先生年五歲

冬先生始入塾受書叔懿脩先生既自塾歸夜寒雨雪張太
宜人藉先生寢篝火温衣先生遽曰如今窮人可念也

十有八年歲在癸酉先生年七歲

長江先生集 年譜

先生能爲詩

二十有二年歲在丁丑先生年十有一

贈公腹疾治之不瘳先生幼惶恐手疏祝竈陘搏頰流血贈

公遂瘳

二十有四年歲在己卯先生年十有三

先生同里曾勉士廣文說先生幼敏以先生謁制府儀徵阮

文達命作黃木灣觀海詩文達驚曰老夫當讓此子出一頭

地過子彩旗門作矣擊經室集有乍浦彩旗門觀海詩

道光元年歲在辛巳先生年十有五

冬十有一月丙辰張太宜人卒先生執喪居先廡東廂杜門

三年默思而純於是強識踰素巨簡之書循牴者三軌誦不

忘

四年歲在甲申先生年十有八

春二月先生服闋肄業羊城書院山長謝里甫先生能書嘗曰書雖小道非僞悟者不能通其意吾友教歲數百人僥學此者朱生而已迺授筆灑辟咀詔之曰實指虛掌平腕豎鋒小心布真大膽落筆意在筆先神周字後此外丹也手輒筆頭重此內丹也又曰晉辨神姿唐講閒架宋元以來尚遁峭之趣矣然神物無蹟易於羊質虎皮以趣勝者卽有所成祇證聲聞辟支果耳不成終身遂流魔道不可振揅初學執筆折中祛弊其諸顏平原歐陽渤海閒虜繇是先生工八灑先生幼而端靜彈碁六博諸戲不一游日讀書之餘略求八

灑而已凡書百家耽讀采市典衣如不及聞藏弄家有其書
婉借之必得迺適

夏先生赴院試如 功令不挾一字先生連試席者紈袴
家子也倩遞失排律迺出金條脫乞作維筍及蒲詩先生不
納

七年 歲在丁亥 先生年二十有一

夏常熟翁文端來督學先生試皆第一補邑弟子員再試之
日先生橐筆入文端命升堂屬藁數行輒先取紙點首而誦
比藁藁未脫文端親然蠟炬勞日勉竟若長毋躁也

先生念母不已過先孺人慕詩云頭顱爾許人猶昔愴絕人
間二十年

邑人李孝廉鳴韶先生總角舊也欲爲貲郎先生贈詩風之
云名士貧來有宦情聞諸先輩李黼平吾道貧非士也苦苦
以無力振貧故錦衣怒馬僕曼胡君昔視之不如奴歎然欲
起六月息身落南蠻心注北芭蕉戰雨碎可憐仍扈江蘿障
蘭蓀宏獎之風近來少休文休進彈蕉表

新疆回部張格爾久爲亂至是猶未平先生有感詩云敢以
烽爲戲須明國有權整疆光舊物不擬勒燕然又云廩藏資
先事安危在正供似聞司會議有藉世時雍

八年

歲在戊子

先生年二十有二

秋先生赴鄉試將試先生檢舉子業曰韓退之云旣爲之欲
有所就已而報罷先生讀書囂囂自若也曰朱子云非科舉

累人人自累耳

九年歲在己丑先生年二十有三

春正月丁巳贈公卒先生執喪居先席東廂絕不爲詩文血誠致哀三年如一日

十有一年歲在辛卯先生年二十有五

夏四月先生服闋

十有二年歲在壬辰先生年二十有六

先生肄業越華書院山長桂林陳蓮史先生一見異之曰天下士也嘗以天中節燕諸生命賦新松先生詩云棟材未必千人見但聽風聲使不同陳先生爲吟諷者久之

秋先生赴鄉試報罷有以幸雋告者先生曰不勤而祿死望

而得唐李景讓之母所以憂也吾今事母奚可幸辱

十有三年歲在癸巳先生年二十有七

邑人徐大令台英佩韋與先生交先生曰佩韋爽直人吾執友也故先生於大令風誼尤勤大令長吏才會試報罷儕輩將資之俾借一官先生獨止之夏五月寄徐子都門詩云一第溷人信茫昧十年養氣從掀揉京雒緇塵自古嗟君有素衣無恙否大令得詩遂止先生之詩古所謂執友稱其仁也
佗日夢讀佩韋近藁卽寄懷落第南還詩云故園尚有冬青樹歲莫山寒共往還亦其風也於後大令卒以名進士宰華容調耒陽克馴莠民均垸隄正錢糧花戶湘陰左文襄奏

聞其事 國史館立傳耒陽人祀之龐士元祠

夏五月庚辰大水隄決李邨先生奉關太宜人緣岡避水先生赴李大招飲百韻詩追賦之曰驀報西潦至五月日在庚降割方鞠凶洪口決李邨嗟嗟十二戶原注地名盡室為魚鼉比鄰聞號咷誰知其死生我家三百指乘屋如鴟蹲膳飲波面炊雞狗牆頭眠高漲更未已滅沒驚我顏昏黑扶老穉一一下破船室人莫涕泗我有好弟昆緣岡互房廬足以相援攀可憐非柁工尾掉船頭橫滉瀆涉中流上有星月明喜達賢主人舍我在高閔色定見憔悴老親蹙額歎弱妻授我食執箸不下咽脫我淖中衣易我犢鼻褌展視著股處血痕已朱殷憐惜不出口泣睫淚漣漣搖手使勿聲吾母腸斷問民生正摧挫我敢自求安願以膚髮勤易此骨月完知詩者以是

爲杜子北征之遺也

爲大水故撫軍上元朱莊恪行旼勸分且問士焉勸分三君子鄧鑿堂觀察區仁甫考功何樸園職方皆以先生對先生館西郊莊恪將就見之屬考功申意先生固辭曰生方赴試不敢涉嫌貽口實也迺不果制府涿州盧敏肅遣吏徵寫先生詩敏肅曰天下雖大人才有數敢不勤之虜嘉興錢給事儀吉來粵年已七十聞先生名就見西郊於後序先生詩九江少穀豐魚桑先生謀於鄉迺建義倉大水之役萬口嗇嗇先生食之也

十有五年

歲在乙未

先生年二十有九

阮相國詒書盧制府言選高才生肄業學海堂於是選者十

人先生爲舉首先生以疾辭不赴

田祖有神曾孫所以思古也先生蝗蟲歎詩云回首

仁皇晚季時不在人間在天上

白華之絜孝子也祿不逮養孝子之傷也先生客中雜憶詩云突梯古有戒奉檄世亦賢審知出處誼固以父母年壯且不如人此後空可憐

采蘋瀆度季蘭尸之今猶多先王之澤庠先生守歲與閩人

夜話詩云高懷吾媿汝卒歲恥言金

原注宋真山民詩貴無可買恥言金

十有六年

歲在丙申

先生年三十

先生館邑六榕寺同舍生謂之曰君論事不易聞及聞之則疏折鴻鬯傳以古事意豁如也賈長沙馬賓王君之倫也

十有七年歲在丁酉先生年三十有一

秋先生赴鄉試獲薦試文用史主者以麤棄之報罷主者發卷眊其名迺先生也悔之先生俳體戲答友人問詩美人秋心道其事也

九江周數十里如 功令建鄉約所薦鄉先生司約焉
龍雜之居君子不樂就也陳大令信民梅坪惟先生一言而就
里門羣德疆疏薶蹤武舉某老矣猶縱博爲姦利先生首謀
於大令曰鄉患惟甚梅坪其可已虜迺鳴官寘之灑先生感
事詩云數百容公輩其如扞網終敗羣愁害馬亂眊惱飛蟲
事以心平定機先日聽聰不文嗤絳灌黨論本來空蓋感於
斯也

冬十有二月癸丑陳大令卒先生寓書馮愛之孝廉籌卹都門曰陳九身後無子寡妻弱女慘慟鳴號近識遠交異聲同歎至乃里父村僮寵姬走卒亦用惘然昔一國輟音春者解哀五穀百身可贖詩人以痛三良以古方今伊其信矣吾兄儻亦有聞而心惻者邪迺者總幃虛掩四壁風颺食蓼捋荼不言而喻竊意渠同年世舊官京朝赴上計者咸萃都下得否會知賄賂遲速叨收嗟乎東里西華有後遜任君之殉素車白馬舉喪遲范叔之來讀者感焉故事搢紳卒於鄉未有籌卹都門者大令名進士賢而有文重以先生書故勦舉而人從之郵數百金卹其家是歲鄉人岑績熙卒母劉年九十矣家貧遺幼孤五男三女先生以布鄉人卹亦忘亡也

十有八年歲在戊戌先生年三十有二

邑學三舉優行先生爲舉首皆不赴先是列優籍者多納金先生以士望得之猶謝去

十有九年歲在己亥先生年三十有三

夏五月大水鄉隄瀕危先生與孝廉馮愛之明次卿馳赴之列丁夫豐餉犒啤黏土橐杙連雲萬杵陡作越四日而隄復完當是時風雨暴來飛濤及面足下洶洶作聲鄉人色駭先生山立而奠之皆相慶也隄趾故多叢莽築者疑畏先生手椽其上日隄決地且瀦焉冢骨何有如彼不諒惟予之崇迺卒工鄉人以多先生而先生不居焉先生憫潦呈兩孝廉詩云大隄如堅城浮照同輜毛延緣一綫泥障壅千丈濤是時

萬家命呼吸人鬼交又云吁惟此邦人真不可與明不自有其土樂禍如佳兵費我借箸籌曾無算痛情是地豈閒田虞芮兩勿爭不爭事猶可不救瘡痍成三五垂白叟叩頭厥角崩藉非明公惠百室魚頭生

先生常曰天於兆民之中獨畀一二人人才蓋兆民苦樂皆寄之矣父傳業而先長子所以字幼也徒竭吾才自爲計何異吞產棄親傷其父命天心不其然也吉凶與民同患聖者出之安賢者體之勉當官舉其事下士盡其心又曰人必思所以自居術術度日生無益於時死無聞於後雖活百年猶殤子爾

秋涇陽張文毅江甯潘忠毅來典試先生與伯兄同舉於鄉

時人稱之曰南海明珠同時入貢矣

冬先生與伯兄北行會試抵清遠縣寄季弟宜城書曰五弟無恙征舸旣邁遽逾十晨願言之懷昔人所喟愛而不見如何如何吾弟內娛諉背外隆德聲雖曾輿齧指而動操召南樵山而振佻絜其勤勞無以喻之也曩東裝後待友佛山鎮兩日迺得成行舟師謳櫂若汎鳧鷺游子寄音眇望魚雁是夜宵半衝風驟激頽波彌厲元雲靄空夙夕不解雨雪告零先集爲霰曙發盧包之汎莫宿黃巢之磯嚴霜隕而葭茨淒元冥深而若英晏鼈頸之灘迷茫虜津逮龜手之藥歎惻虜水工行路之難諗我端倪矣家累凡百弟克當之回睨舊鄉心魂慰藉惟吾弟續昏一事軫結未忘上有黃髮罷勞晨夜

下有雛稚噢咻哢笑茲事之亟豈煩覩縷顧鄉土是諮亦云
省便而此邦之人內教陋習錮既久庸計門戶宛宛處子
或有季蘭之好悠悠靡俗恐入齊咻之教天下多美何必是
求權輿弗戒後懊焉集行子過計是用悽悽風水蹇逆行邇
遂淹以今二十七日到清遠縣兄弟健好餐飯猶昔兼多徒
侶解誨憂虞諧誠家人勿我爲念從茲度嶺浮汭西下楚歌
千些湘波萬重背湖涉江釋舟趣陸更復馬首斷雲千里隨
夢雁足飛雪崇朝灑襟七聖皆迷之野惘惘而驅車耦耕不
輟之鄉栖栖而問道山川合沓息影何時靜言思之百變集
矣夫人情迹接則多忘景逝則恆憶歲華不居游讌未極往
時家術羣從如龍齋居盤盤言笑晏晏東方未明已對牀相

語西柄之揭猶露坐未眠論難紛起聲與百舌競蠻觴詠橫
飛酒微 斗亦醉魏文有言當此之時忽不自知其樂也絲
今以思曠若屋漢儼諸形容尚繪心目每當落帆江汜擁衾
無寐清角朝厲游鴻夜吟我懷云勞不可說也自惟寡薄豈
辦任官此行邀福或叨一第思遂南歸寄迹丙舍將吾叔仲
長奉板輿對鵲占門徙魚築宅陸機之屋不閒庠東西何點
之山略分庠大小時及霜露三言羅雞豚祀先之餘兼以速客
雖甑生塵而日晏風吹籜而歲寒而風詩教睦取鹿食之相
噉金石歌商結鶉衣而不恥明明如月長照其素風溫溫恭
人永垂爲家灑閉門養親至於沒齒雖三公上袞百城南面
何以易此哉其許我庠非敢望也有問訊者達此儻言音塵

未積風雲逾闊家食餘閑奉助光采勞人草草筆不抒心讀
者皆曰天倫之至文也

二十年

歲在庚子

先生年三十有四

春先生北行次德州作塵沙行詩會試報罷旅都門高平祁
尚書數請相見不至又屬梁編修國琮何騰錄鼎彝申意曰
朱孝廉子撫粵時書院首選士也先生復編修等曰尚書遇
我厚矣願以素士見則分有不敢以門下見則義有不安請
謁之誠願俟佗日

二十有一年

歲在辛丑

先生年三十有五

春先生會試報罷旅都門先生自北旅以來居邑館泳珠堂
時借書士大夫家昭代憲章名公行實采獲之勤申旦不寐

雖欲假片刻餘閒補平生所未及那可復得昔范希文以先
憂後樂爲已任讀書長白寺垂十年晝鬻而餐斷齋而食雪
案無寐燔敗葉自溫孫高陽作諸生授書關外年四十矣布
衣徒步往來飛狐倒馬閒數從塞下老兵問陝塞險易士馬
強弱之數是二君子者伏則泥潛出則霆震發皇耳目驚爆
天下非偶然也某雖無似志事豈後於古人是用辭富居貧
使故業可理然且廣廈細旃我冠坐論供養過二公遠甚恐
將來藉手不中與二公作廝養僕耳凡此悽悽不足爲外人
道也遂銘成言於坐隅曰我輩常人分陰當惜儒者所恥一
物不知

陳氏歲餽餅先生舉以詒所知而不歸其家人所知問之先

某曰是不宜母疾者也婦子獨餉母雖安之吾何以自安庠
故先生之事關太宜人也繼母如母動於其天一器一役喜
躬親之如嬉兒之爭承母不以壯佼眠也母疾有所求雖風
雨跣足衣短後皇皇而赴其求也

或曰頻年河決東南多大水何也先生喟然曰宋蒲宗孟有
言臣陰象兵陰物夷狄陰之方佞邪陰之黨姦臣陰之極繇
今觀之兵燹雖衰羣陰何如也

冬十月先生與伯兄北行會試庚申祖道爲文祭之曰曩游
萬里跋履風塵南浮北走起憊亨屯匪曰予智惟依於神三
年不鳴又及茲辰昔丞相宏謁公車者再迫欲求伸緣飾經
術嗤點千春亦越昌黎兩舉有聞爲古碩儒爲時貞臣是二

君子一蕪一薰子矢諸夙夜神知其勤於戲不可知者遇不可信者文不敢負者學不敢玩者身風飄車偈江汜河濬尚勤相予宏濟關津

二十有四年

歲在甲辰

先生年三十有八

春先生與伯兄會試報罷初先生北行之資斧溫氏富人奉重金乞擘窠大書先生不納鬻藏書而行繼母關太宜人於其行也簪髮飲酒命二子曰予宿羸疾猶自適也行矣毋予憂旣行久之疾革春正月丁酉關太宜人卒未葬待公車之二子也都門旣遠凶問又紆不相直焉邑團拜日先生心悻小憩夢衣冠髯丈夫數謂之曰君胡不歸先生異之已而報罷伯兄旅都門先生南歸秋七月甲戌先生至自公車及門

聞喪嘯號哀絕三日勺水不入口咯血殯前仲兄懼迎族叔
知醫者曰明著先生哭謂明著曰背親圖榮卽於大故不孝
之人人天斯絕尊者何川生之慮又哀絕遽見二毛毀甚旣
成服止草居西潦方退暑溼蚊蚋家人設敝帷席先生麾去
曰吾母今獲安宅邪比葬先生歆齋寢苦於地者五越月冬
十月乙巳有采虹垂於其家魚池光華儼然終朝迺已觀者
歎曰孝通之徵也

二十有五年歲在乙巳先生年三十有九

先生執喪居鄉正覺寺喪食二年家人嘗以肉進先生不卽
卻旋以昇其門者

二十有六年

歲在丙午

先生年四十

冬十月先生服闋繼母之卒先生五越月而聞喪故於是月也服闋

二十有七年歲在丁未先生年四十有一

春先生與伯兄北行會試先生成進士卽用知縣籤分山西初先生之試與貢士焉遐邇驩聞斬之一甲及廷試方日昃主者遽趣卷試者乞緩或揖之先生以屈節非士也非所以爲出身地也卷未完呈之而出邑先達在官者聞之惜其才闡追之使完卷先生不服闋不願也先生少日書趙歐北年譜詩云男兒自有千秋業堪笑平生志大魁然則先生之志皎然已豫矣

秋先生假還宗儻來賀先生曰科名適然耳爲官譚何容易

今而後何以宣
上德何以達下情諸君子殷勤教誨

幸書紳作活人經也

二十有九年歲在己酉先生年四十有三

春正月先生之官山西不挈家而行丁酉祖道爲文祭之曰
某惟不佞行業未揚奉先臣之清白飲下士之編章數辱公
車一對明光乃荷
丹毫遂縮銀黃俾汝牧民唐魏之疆

假還不日待罪方將星言首涂吉日辰良神尚相予龔行四
方思敬楫於大川敢騁轡於康莊守道守官民幾民康夫惟
捧檄重眷維桑故山鬱鬱宰樹行行昔宋相等邊屢吟想於
圭峯月下人龍開濟亦倦焉於歸臥南陽蓋馳驅可以許而
父母之邦良用不忘也於戲肅肅
王命悠悠天常日

月照臨臣敢懷鄉旣行次漢口先生欲取道汴梁以舉主潘忠毅方爲豫撫嘗爲晉藩將問晉政於潘公也道過所知宦楚者咸迎謂曰君往汴梁邪今晉撫與潘公同鄉同年深有雅素今首府亦潘公同年也得此先容賢於十部從事矣先生遂不果往於後寄兄弟書且自訟焉曰昔晉人欲加禮於王丞相馮懷以問顏含含不答退而有憂色家人問之曰吾聞伐國不問仁人曩者馮祖思問佞於我我豈有遺行與今茲之事某不敢薄今人也惟媿省身克己根氣淺薄使別嫌明微之操未能卒白於天下皆某之罪也君子立身行事當昭昭如日月之明離離若星辰之行微特較然不欺其志而已安能隨波靡犯笑侮招逆億以察察之躬爲當世所指目

邪且卽不敢自作身分而世旣未能免俗一槩以相量矣將
 或枋柄在手又安能昌言正色直己而直人邪冬十有一月
 丙辰先生抵太原城僦次僧舍蕭然獨居出則徒步入則齋
 鹽所嗜一僕晉中人也先生曰卽地選僕習其方言將有所
 訊庶幾吏民無壅虐嘗有客至適僕出小僧爲持刺入客迺
 大笑先生答康述之廣文書曰昔魏敏果官京師不攜眷屬
 王漁洋尚書作戲詩嘲之云三閒無佛殿一箇有毛僧今有
 佛勝環翁遠矣自是先生在需次五年或訊獄讞局獄無留
 者

三十年

歲在庚戌

先生年四十有四

先生在需次迺歎吏事之難鮮討求者寄伯兄書曰人人以

一官樣作官民生何賴焉先生迺自重蒐武備倉儲河渠地利諸書雖游宦如游學也

咸豐元年歲在辛亥先生年四十有五

先生在需次晉中多士爭從之游先生卻其摯與之言學如古士相見禮無敢以私于者撫軍兆那蘇圖時所傳世襲一等子鑲黃旗松崖兆公也其先人從

龍入關列功臣

選兆公知先生善屬文衙參日留燕先生兆公拜於筵下乞作先人三世家傳先生不獲辭攷其功載屬蒙以獻兆公嘉之命吏歸羊酒貂錦朱提五百玉虹鑑真帖先生皆不受吏難於反命以聞之潘忠毅時潘公方左官晉臬也遽使人謂先生曰卻長老之賜何以爲恭辱先生迺受一帖

二年 歲在壬子 先生年四十有六

初晉北邊歸綏古甌脫地絕蒙古幕南晉邊毗輸租耕其地歲久衆數萬人遂不輸租蒙古忿之約期與鬥邊毗先期乘夜邀擊殺遞札薩克者七百餘人蒙古控於 朝未獲平章咸豐元年冬復控且言將用兵幕南 詔責行省迅治

二年春撫軍兆公議剿邊毗邊毗颺言拒捕先生聞之夜見臬司潘公問其事潘公曰兵將動矣先生曰此激亂也今南方盜寇有魚爛之憂又使北方軍興以重兵釁以生盜心中原自此多故矣不如遣一能吏親諭邊毗俾獻罪魁執以說於蒙古此一介使事耳潘公以白兆公兆公遂寤顧念晉員無足任者潘公薦先生曰言者其人也兆公以先生奏

問請代平章漢蒙事夏五月先生銜

朝命馳至幕

南訊其耆老縛罪魁十有三人乙卯衣裘絕大幕及蒙古盟
界王出迓曰天使大人何幸來也王迺先馬抵所部將

命王遣人策馬千里走戈壁外市鯉張燕大會諸王咸以
抵罪者少未肯解鬻先生具宣 天子德意且言死者

雖多迺自相蹈藉而死援刑律檢骨灑折之又因其俗言血
刃尋仇不如喇嘛禮魂諸王微動諸王中灑福善者嘗居京
邸知詩久慕先生於是因灑王以諭諸王殺十有三人而鬻
解先之行也 挾五臺黃喇嘛德徹以行卒用葺事諸王說

先生贖裘二百 襲謝弗受使還兆公將以知府花翎奏請先
生聞之以議 發自己且薦自舉主潘公有銜售之嫌請潘公

爲固辭於兆公迺已會及班夏六月壬辰署孝義縣未赴丙午襄陵縣待署諺所傳金襄陵者也兆公以易孝義笑謂潘公曰朱三兄脂膏不潤易之可也

秋七月戊辰二十先生子身赴襄陵以儒爲治而績成繫囚

趙三不校劇盜也介薛令去官越獄奔逃薛令須先生至以相屬先生謝病三日不至盜遂不戒先生陰出重貲購知其所適亟假郡役前半夕疾馳百二十里至曲沃郭南酒家盜方登樓羣飲役前持之盜麾刃死拒顛墜者數人歟而樓上百炬齊環則皆襄陵縣鐙也盜迺就縛比邑人迎新令則繫原盜入矣河東歲患狼俗愚謂爲神物不敢擊席氏女將出閨爲所噬訟者兩造噬其一先生憂之募獵戶禽狼獲者與

錢萬猶無獲迺親檄西山神祠民患狼而祀之者也約十日
驅狼盡不則毀神瀆其地邑人皆恐時方秋肅天迺大霧旬
日人得迹狼所至攢火鎗擊之無脫者得狼百有七患遂絕
邑久不雨先生雩之雨則告足佗邑以雹傷稼邑則大有年
旣霜降衡汾輿梁成潦又至將沒先生禱之則潦退平陽總
兵某驕橫挾軍與勢以八百里台符行縣調吉州兵先生曰
襄陵至吉州二百三十里雪峰漲谷道險傷行邑故不置驛
營有急當發塘兵曷以台符行縣爲遂不納總兵牒大府劾
之先生言於大府曰台符妄擾民不堪命其不效南方盜者
幾何合甯以誤軍興待罪不敢激民變大府無以難先生下
車脩鄧伯道祠崇風教也親教士養中堂頒讀書日程色笑

而教士皆醉誼忘歸邑試士日皆自校文案夜忘寢讞獄不
輕及士鄉者邑士補弟子員凡五十有二人摯於邑令人率
二十有四金犒從四金謂是棚規之助也先生曰是何以處
寒酸皆免之迺蠲棚規鑄石學門邑故晉腴壤後稍疲矣有
司備壽告幫猶不爲殺輦金千百先生至禁之一縉不事邑
民無夜守涂車載金河舟居貨皆眞焉先生行夜讓其慢藏
里甲曰民固然也先生異之蓋邑有唐風而民褊兄弟因異
財訟者不絕先生以骨肉之間非佗也吃虧而已且訟決益
怨論之歸旋復訟先生憂之已而悟曰言兄弟者必溯妻帑
常棣之誼也迺訊訟者訊兄兄曰吾友也訊弟弟曰吾恭也
先生曰若兄弟所言胡爲虐訟哉必生自婦人也當先懲之

先生讞獄不輕及婦人至是嘑役於庭速婦人至既退役不
卽行越日訟者具悔狀乞罷請爲兄弟如初邑遂無異財訟
關氏錯居河東解州世襲翰林博士某數以訟脅族人財越
竟而干先生先生榜門揭期弊獄壯繆侯庶許百姓聚觀及
期日日闔庭闔觀者數千人埃階下日中先生袷服入升堂
博士及其族人皆從先生抗聲祝曰侯誼烈百世鄙夫羞顏
今侯之子孫不念侯德至以屬令令涼德不能化誨使有門
內之獄以爲神明羞此令之罪也某懼乞罷先生流涕責之
曰若祖異姓如骨肉若迺同室如敵仇若祖不以金帛易恩
誼若迺於門內索金帛敗官不忠忝世不孝雖積賄人將不
食汝餘吾不難請褫汝擇賢繼侯世願罪狀出且辱州里輕

朝廷汝迺醜然蹈之虐於是觀者唾罵某媿欲死搏頰自
罍邑遂無親屬訟殺人囚劉長輻淹獄久先生至迺引伏出
就市刑泣謂觀者曰死自吾分恨耶來遲吾致陷此爾平陽
西三十里曰平山亦所傳壺口也平水出焉襄陵與臨汾受
平水分灌其田豪右龍斷爲奸非有買水券弗予之水無地
者擅水之利而有地者反無水於是爭水而鬥者歲百千人
大獄數起咸豐元年邑人京控 詔以歸行省先生至
廉獄事獄成旣抵罪活百四十有七人貸數百家先生曰嗟
爾邑民利餌於前刑糾於後雖曰不罔民誰欺哉迺革其弊
定以地隨糧以水隨地之制會臨汾周令履畝兩邑田若稅
相直也定平水爲四十分縣各取其半竟內建四綱曰水則

水二十分醴八及渠所分灌既壤廣狹爲差曰用人渠長司
水之禁令溝夫察分灌堰長守陡門皆聽於渠長違約者渠
長罰之不受罰者有刑誣者坐如律曰行水晝夜有程通閉
有節傳牌有部淘河有式動破有候曰陡門築門筦渠渠上
廣七尺下廣三尺門廣一尺其夾深尺有二寸榘石插板鑿
以書識稽以守訶四綱既舉水利迺均凡得水田十萬畝有
奇愛棠錄云十萬八千畝先生且言於兆公曰襄陵水利民捐民脩乞
奏請毋照東南水田升科兆公命先生爲奏藁奏上

詔曰可繇是地皆水利相生相養民無所爭風俗遂變邑人
銘碑頌之先生宰政吏役無以貲爲之者又罷所私獻籌贍
其用戒毋受賕吏役皆馴官廚無特殺草具自給市肉共慕

賓而已幕賓治官書嚴而後行或更其藁先生曰邑令者親
民之父母也父母之於子何時何事不可以聞迺與民約民
以事至則自擊鼓不問旦莫聞鼓則坐堂皇從而鞠焉告無
成期狀無成式或不知書口訴可也時出行縣老蒼頭控蹇
衛一吏囊筆札一役負衣糧無佗騶從所至拊循姁姁老樛
暱如家人迎路獻茶芥瓜果笑取少許俾享其忱民不知有
共億也有遮訴者索木倚坐道遽與判牘命甲噉乙無敢不
至民引伏則已常終日不答一人曰細故毋傷夙好也杜門
莊士風聽造廬諮民疾苦耳目無窮凡百美政思一一自我
行之禁火葬罪同姓爲昏剝保甲新令追社倉粟二萬石丞
丞嚮治風樸無囂優人百戲不戒而遷其所布令質直纖悉

野夫臧獲皆能道之流聞郡國傳爲美譚

三年

歲在癸丑

先生年四十有七

春二月癸未日先生去襄陵在任百九十日及代而去邑人
籲大府乞留不獲命舉邑皇皇如失慈母投文字徽蓋者絮
絮薦積雖慰遣之弗止也乞留畫像養中堂出署之夕萬眾
攀留遮馬首不得前及城門門爲之圯度汾橋橋爲之陔父
老持觴楹伏餞頂蹠相舐里婦邨媪亦縑小兒遠至匍匐跪
道乞摩兒頂曰耶試拊之兒好育也距郡三十里迺兩晝夜
然後達當陔橋時郡邑弟子襦衫博帶百十人掖輿而過先
生遜讓諸生謂輿僕固弟子職弗舍也先生旣去邑人遽祀
之鄧伯道祠旋築祠而祀之晉人郭學士景僖曰山西賢合

程明道後一人其先生虜賈太僕克慎曰良吏出晉陽者有于青天先生來若相還也晉人稱之曰後朱子初咸豐二年冬南方盜東下破武昌安慶據金陵北至揚州先生在襄陵驚曰賊巢金陵非羣飛四掠不定其巢晉今雖遠吾懼其飛掠而來如明之流賊也迺爲晉聯關隴三難五易十可守八可征之策其略曰雍冀爲天地積高之府踞建瓴之勢我力能合從則腹背無虞顧瞻關隴唇齒依之矣晉中富實甲天下內而馬牧金鐵硝磺芻粟之產外而蒙古察哈爾之兵踊躍徵需可饒軍實長安偁陸海豪戶不減晉中河西武力關外防秋皆緩急之資也一旦有警甘督出商漢陝撫據潼關與吾爲犄角吾撫軍則率北鎮勁旅扼河爲固踞茅津太陽

之閒命廉使率南鎮控太行以防河北其餘若遼州之十八盤平定之井陘口五臺之黑山龍泉諸關可丸泥封也北邊幸無事將軍引綏遠旗兵入鎮行省與藩侯居守副都統移駐大同以筦北門我師之出平蒲爲正澤潞爲奇正扼其亢奇拊其背以守則固以征則彊是故漢南有賊甘督爲主秦晉赴之河北有賊我師爲主關隴赴之豫中有賊我與甘軍之赴陝撫者亦如之堅瑕一氣折衝千里此常山蛇勢也於以鞭箠楚蜀控引河洛援中原以屏蔽 京師豈不爲桓文之烈哉其條目又有止徵調請便宜嚴賞戮作忠誼右軍謀選鋒銳講拊循禁科派保殷富息流移諸政纒纒萬言窮日屬藁以平陽太守何維墀撫軍哈芬所信也陳策干之再三

不用及代瀕行先生告襄陵人曰賊將至矣賊之勢必渡河而晉無備必入晉旣入聞襄陵富必窺襄陵今爲之策燔汾河之舟毀城外之室賊至旣不得渡又無所掠此城必可完也邑人以賊遠且燔毀始難之以先生來則旣惠去則必哲終從之迺籌金合以水利捐餘凡所燔毀估其價賊退復之信鈐邑印而行代還迺自奏記哈撫軍如所以告何太守者尤加切焉哈撫軍素不知書旣先生策若無覩也納策韉中遽退幕賓教之言迺出謂先生曰子之策謂之先事豫防也可謂之未事張皇也亦可卒不用先生遂引疾亡何揚州賊由鳳臺趣豫跨河撲懷慶八月折而西入晉逕陷垣曲絳縣曲沃進屠平陽又殘洪洞潞城黎城以出喋血千里蹂躪及

畿輔

天子遂以輦轂爲憂何太守闔門遇難哈撫軍

聞難先逃革職遣戍而襄陵守先生遺策其城特完先生避居五臺待給咨未南歸固束手而眠賊之來矣先生方去襄陵幡然有南歸著述之思猶自奏記事無如何迺決引疾蓋以去就力爭先生之仁先生之誼也安邱王棻友孝廉宰晉鄉甯七十耆儒邂逅而說先生春二月甲申先生答書云僕南歸之議往復自決然江楚阻兵未卜戒涂何日大箸未刻望分錄給若行篋攜有家集及鄉先正名集亦分數種拙輯國朝名臣言行錄所取資也此書成後尚欲做黃梨洲明儒學案輯一書以著我朝一代儒宗願不欲分漢學宋學如江鄭堂師承記云也見聞隘陋未知果有成否此先生去

襄陵後一日書也

四年

歲在甲寅

先生年四十有八

先生猶在山西既給咨未南歸盜氛故也夏六月乙未先生答王棻友書曰近雖栖尋舊宇譬如池魚籠鳥時有山藪江湖之思設秋後內地仍不可通決意道津門航海歸矣幼安危坐巢父掉歌古之人有行之者丈人聞此必謂生好勇過矣過矣哂之邪悲之邪世難方殷靡知所底項領之歎詩雅以嗟然竊惟自古泯棼之會元黃戈馬之秋天命民彝必不可以一朝絕不絕則宜有所寄寄斯鉅者宜在脩學好古之儒秦氏以還如伏勝申公許鄭二劉熊安生之倫是也閤下勉旃自愛而已

五年歲在乙卯先生年四十有九

先生南歸夏六月至自山西初先生西行謀於宗郈行貲雖苦載歸貲而行日士大夫以宦爲家不克歸休甘心奸巧吾疆項令也不有歸貲可若何於是居晉七年歸貲不佗動也及引疾歸道上兵荒豫貲不足次贛州典裘度嶺迺至其家

六年歲在丙辰先生年五十

先生居邑學尊經閣宗郈舊游之子弟皆從學焉夏六月伯兄卒先生聞喪哭失聲既虞檢其遺詩曰昔伯兄云佗日吾詩之序敢以煩舊游毋句諸達官貴人也今當從之秋九月英人來寇先生謂從學者曰劉季有言公等皆去吾亦從此逝矣迺歸九江已而寇深且北犯先生悲之成疾結筋項下

於後粵中鄉屯數十萬人主者請先生襄其事先生不赴謂鄉人曰吾人微言輕非所溢也且當路之常今日言兵明日言款若天使之然者人豈能與天爭虐其究如先生言

七年

歲在丁巳

先生年五十有一

先生居九江先人敝廬方筵而已自構茅齋皮書萬卷歌饗其中鄉人從學者苦無分舍也請先生居別墅焉是歲而後先生鄉居不入城市蓋九江先生之儔自斯始矣先生幼年家少有贈公鬻四子終乏先生宿用脯脩則從學者之禮也謝從學者西行七年行者一身居者一家皆籌金於人而贍南歸不載晉一錢又用脯脩償金先償其無子錢者鄉人關承遠貸金三百先生償之貸者亡矣其子不受曰將毋誤邪

先生笑曰豈有窮措大而誤與人多金者虜遂償之既歸二十有七年越先生卒前一年償金迺畢卒年築寶綸閣以移茅齋所度之書

八年

歲在戊午

先生年五十有二

先生居九江遠方從學者日至先生講學禮山下有古大夫歸教州里之風於是講學終二十餘年每聞先生曰烏虜孔子歿而微言絕七十子終而大誼乖豈不然哉天下學術之變久矣今日之變則變之變者也秦人滅學幸猶未墜漢之學鄭康成集之宋之學朱子集之朱子又卽漢學而稽之者也會同六經權衡四書使孔子之道大著於天下宋末以來殺身成仁之士遠軼前古皆朱子力也朱子百世之師也事

師無犯無隱焉者也然而攻之者互起有明姚江之學以致
良知爲宗則攻朱子之格物乾隆中葉至於今日天下之學
多尊漢而退宋以攻据爲宗則攻朱子爲空疏一朱子也而
攻之者迺相矛盾虛學術之變古未有其變也烏虛古之言
異學者畔之於道外而孔子之道隱今之言漢學宋學者咻
之於道中而孔子之道歧何天下之不幸也彼攻据者不宋
學而漢學矣而獵璫文蠹大誼叢脞無用漢學之長有如是
哉孔子曰德之不脩學之不講是吾憂也吾今爲二三子告
蘄至於古之實學而已矣學孔子之學無漢學無宋學也脩
身讀書此其實也二三子其志於斯虛脩身之實四曰惇行
孝弟崇尚名節變化氣質檢攝威儀今之學者其聞古之孝

弟則曰吾心固如此也其事則不能矣及其有失也則曰事如此吾心不如此也然則汝心則是汝事則非孰使汝心不能達於事邪抑汝心未誠耳誠以行之如古之孝弟也家人且化焉鄭濂舉治家之道曰不聽婦言而已夫有言而不聽豈若化之而無言虐且骨肉之間學者動以理爭也夫烏知爭財者罪爭氣者罪爭理者亦罪禮曰門外之治誼斷恩門內之治恩揜誼蓋不可以理爭也有變則以仁術全之可也孝經曰立身行道揚名於後世以顯父母立身也者名節之謂也今天下之士其風好利而鮮名節二百年於茲矣學者不自立非君子人也昔者伊尹辨諄武侯謹慎辭受取與出處去就之間昭昭大節至今照人如日月之在天也張子曰

形而後有氣質之性善反之則天地之性存焉鴻範曰沈潛
剛克高明柔克變化之道也能自克而勝氣質則剛柔濟事
是攸好德也攸好德則宜在五福不能自克而氣質勝則剛
柔害事是弱也弱則宜在六極此學者之元龜也今之學者
輒曰不羈威儀鮮自力詩曰不弔不祥威儀不類言亡國徵
也以言學者亦亡身徵也故鬼幽鬼躁管輅猶規之矣雖然
脩身者不讀書不可也讀書之實五曰經學史學掌故之學
性理之學辭章之學夫經明其理史證其事以經通經則經
解正以史通經則經術行掌故者古今之成瀆也本經史之
用以參成瀆則用瀆而得瀆外意矣性理非空言也易曰翰
音登于天何可長也性理者所以明吾學之大皆吾分也用

之無所驕不用無所歎古來才大而器小或矜伐自用若管仲姚崇李德裕張居正者猶譏焉吾以爲性理之書誼如懿戒足以自箴矣歐陽氏曰文章止於潤身政事可以及物夫信以文章非及物者虜君子之學以告當世以傳來者書以明之詩以歌之非文章不達也皆及物者也孔子曰言之無文行而不遠南宋而後古文之道浸衰天下必當有興者二三子其志於斯虜烏虜有明季年流賊乘之今吾衰矣金陵之盜憂方大也孟子曰下無學賊民興可不懼哉

以上講學大旨

先生曰讀書者格物之事也王姚江講學譏朱子讀書曰致良知可也學者行之流弊三百餘年夫良知良能皆原孟子今舉所知而遺所能虜既不讀書何以致良知也不讀書而

致良知宜姚江不以佛氏明心爲非也此心學之弊也子路
佞於孔子曰何必讀書然後爲學則孔子之讀書爲學其常
也昔者姚江謫龍場驛憶其所讀書而皆有得姚江之學繇
讀書始也故其知且知兵其能且能禦亂

先生曰陳文恭之學非不宗朱子也文恭自謂於古聖賢之
書無所不讀也其詩曰吾道有宗主千秋朱紫陽此其所繇
入德也明英宗北狩弟景帝立及英宗歸景帝錮之英宗太
子皇太后所立也景帝廢之而立己子人倫蔑矣於是虜文
恭不赴禮闈憲宗卽位復赴焉此其知出處之大誼也昔者
定公元年孔子不仕而仕於定公九年當是時賊臣意如旣
卒終使昭公合墓二子無猜道成孝友春秋之變而得其正

也文恭足知之矣文恭之學讀書而靜養也朱子所灋庠孔子者也文恭之教使學者端坐澄心未讀書而靜養則所養者未必端倪之正也非朱子所灋庠孔子者也

先生曰六經者古人已然之迹也六經之學所以踐迹也踐迹而入於室善人之道也所謂深造之以道欲其自得之也子張問善人之道子曰不踐迹亦不入於室陸子靜善人也未嘗不學然始事於心不始事於學而曰六經注我我注六經雖善人庠其非善人之道也

先生曰顧亭林讀書亡明之際抗節西山日知錄遺書繇體及用簡其大灋當可行於天下而先王之道必不衰

先生曰紀文達漢學之前茅也阮文達漢學之後勁也百年

以來聰明魁異之士多錮於斯矣烏虜此天下所以罕人才也

先生曰小學非六書而已也紀文達必從漢志非也朱子小學小學之道也大戴禮曰古者年八歲而出就小學學小藝焉履小節焉束髮就大學學大藝焉履大節焉尚書大是故傳略同

小學養大學

先生曰 皇清經解阮文達之所詒也殆裨於經矣雖然

何偏之甚也顧亭林之學不分於漢宋也今采其說尊宋者

芟焉如日知錄於易謂不有程傳大書以 國朝爲日當時

之儒非皆漢學也若方靈皋者流迺一言之不錄也

先生曰宋儒言去欲漢學者以爲非曰所欲與之聚之孟子

誼也彼漢學者東既不見西牆矣人欲有公而有私也樂記
所謂滅天理而窮人欲者也漢書黥布反高祖諭謂布曰何
苦而反布曰欲爲帝耳然則布之欲也其宜去虜抑不去虜
先生曰荀爽九十五日而登台司眠鄭君何如哉比牒併名
早爲宰相鄭君之素風無失也此行虜經學者也漢學之真
也

先生曰經誼所以治事也分齋者歧矣

邱文莊大學衍義補嘗辨分齋之非經

學所以名儒也分門者室矣

近人著書有以經學名儒分門者

先生曰儒有君子小人然儒林傳外立道學傳焉則宋史之
失所尊也漢書鄭康成唐書韓退之皆列傳也奚必標異虜
先生曰今之子弟所志者科名而已所力者八股八韻八瀆

而已故今之所謂佳子弟皆古之所謂自暴自棄之尤者也
以上甲古
之實學

先生曰讀書者何也讀書以明理明理以處事先以自治其
身心隨而應天下國家之用

先生曰古之學者六藝而已矣於易驗消長之機於書察治
亂之迹於詩辨邪正之介於禮見聖人行事之大經於春秋
見聖人斷事之大權

先生曰漢書藝文志云古之學者耕且養三年而通一藝存
其大體玩經文而已是故用日少而畜德多三十而五經立
也吾聞經師之灋日誦三百言數以貫之荀子誦數以貫不
之言重習也不
及三年雖在中人五經皆辯辯同昔者東方朔年二十二上

書自言十六學詩書誦二十二萬言十九學孫吳兵瀆亦誦
二十二萬言凡已誦四十四萬言繇今攻之朔六年之中日
誦二百言有奇中人無不能也少苟失學何患於無年庠
先生曰王制樂正崇四術立四教順先王詩書禮樂以造士
此古者大學之教也左傳韓宣子適魯觀書於大史氏見易
象與魯春秋曰周禮盡在魯矣吾乃今知周公之德與周之
所以王也夫春秋魯史也周官以大小掌易故宣子晉之賢
大夫也猶於是始見其書宣子之所見者周之制也而歎之
若此况益以孔子之文庠史記孔子以詩書禮樂教弟子蓋
三千焉身通六藝者七十有二人孔子曰皆異能之士也是
故六藝之學不可無序

先生曰樂經亡而不亡也樂章存乎詩樂節存乎禮孔子雅言非不及樂也有存乎詩禮者也

先生曰注疏者學十三經之始也古今名家聲音訓詁去其違而終之經誼焉可也

先生曰漢興諸經復出秦火之殘釋者難之漢制治經專經也國朝初制未改專經今之困學者師焉或拘而失矣以眊荒經不猶瘡虍

先生曰韓子云士不通經果不足用然則通經將以致用也不以執一也不可以嗜殫也學之而無用者非通經也董子云詩無達詁易無達占春秋無達辭此董子之能通經也孟子言詩皆無達詁班氏云後世經傳既已乖離博學者又

不思多聞闕疑之誼而務碎誼逃難便辭巧說破微形體說
五字之文至於二三萬言後進彌以馳逐故幼童而守一藝
白首而後能言安其所習毀所不見終以自蔽此學者之大
患也今之漢學其免班氏之譏否也

先生曰朱子師程子者也朱子釋經不或匡程子之失虛志
遜而辨辭恭而直朱子事師之誼也今之漢學喜攻朱子蠲
沸者無譏矣將或中焉惜夫其不如朱子之事師也

先生曰六書小學治經者所時資也必謂先盡讀不學諸書
而後可通聖人之道也將徒蔽之也爲其書之不能無鑿也
先生曰傳云易有聖人之道四焉以言者尚其辭以動者尚
其變以制器者尚其象以卜筮者尚其占是故後之易家執

其一焉則賊也

先生曰書僞古文亂經也

先生曰詩序傳之子夏而不皆子夏所傳者也學者辨焉

先生曰春秋之作懼邪說也孟子其通春秋之微告戒於百世者矣左氏公羊雖佐春秋惑邪說者十二三焉穀梁頗鑿然罕惑也故春秋之學舍傳不能通經違經不能正傳

先生曰記云禮時爲大學禮者宜何如會通也

先生曰史之於經猶醫案也

先生曰書與春秋經之史史之經也百王史遷其流也正史紀傳書也通鑑編年春秋也以此見治經治史不可以或偏也

先生曰二十四史讀之者其要可知也四史史記前漢書後漢書三國志

史之冠也明史史之近也史記六國表序以其近已而俗變相類

先生曰明史屬藁有布衣萬季野焉史局諸臣鴻博選也越

六十年而書成故史誼之精獨踰羣史

先生曰資治通鑑史學之大用也雖百世可為王者師矣畢

氏之續未逮也然續者獨推焉

先生曰通鑑立文先書之要後書之詳蓋綱目存焉矣若夫

綱目非朱子成之也纂於門人趙師淵諸人其文竄而疏

先生曰通鑑書戰者詳兵謀之蓄也

先生曰紀事本末其尋之也易不亦宜備虜

先生曰孔子雅言周之掌故備其中矣詩商頌而外皆周詩

也書則周書爲多夏殷之禮微所執者周禮也

先生曰九通掌故之都市也士不讀九通是謂不通

杜佑通典鄭樵

通志馬端臨文獻通考續三通

皇朝三通

先生曰掌故之學至曠也繇今觀之地利軍謀斯其亟矣

先生曰知掌故而不知經史胥吏之才也

先生曰古無所謂理學經學卽理學也顧氏之言是矣雖然性理諸書翦其繁枝固經學之佐也

先生曰易尚文言後之語錄則無文矣

先生曰人有鄉黨自好之人文亦有鄉黨自好之文君子不爲也

先生曰經史之誼通掌故而服性理焉如是則辭章之發也

非猶虛文人無足觀者矣

宋劉忠肅每戒子弟曰士當以器識爲先一命爲文人無足觀矣

先生曰有古誼然後有古文明之七子學古文而未能無古誼也韓子讀三代兩漢之書志其誼濃其文文成古文誼求古誼也學者爲文志過其師迺及其師故學文不徒自韓子始韓子以來名家輩出皆有可師然莫如韓子唐以前之文多華唐以後之文多樸唐以前之文多曲唐以後之文多平唐以前之文句多短唐以後之文句多長散文駢文古無別出堯典申命孔傳繫辭可類明也故曰駢文有氣卽爲古文壽文非古也君子謂之詔古詩三百今之詩澹通焉李杜韓蘇詩之四維得於詩三百者尤多

先生曰爲韓侂胄作南園閱古泉記者陸務觀也爲石亨作

族譜跋者吳子傳也爲嚴嵩作鈐山堂集序者湛元明也皆君子而失之者也故曰許人一文猶許人一女以上申讀書之實先生曰居父母之喪不可以居講院也功合之所嚴也然而知之者罕也哀哉

先生曰易坤爲吝齋處婦人者宜知也

先生曰予昔居南沙陳氏賓館其主人今所稱埽地北也予聞諸徐佩韋之尊甫曰北少貧爲埽地傭既而市利家少有厚懷其弟妻子一布一粟兄與弟平兄奔走而日蕉萃弟不知艱難食兄之力嘻嘻虛僞僞腹而游兄妻弗說夫歸私告叔過夫搖手陽驚曰汝未知也汝勿言汝眠吾貌貧人也汝眠叔貌富人也吾以弟名入市市利三倍若吾名則耗矣凡汝

之食皆叔之福也妻改禮其叔家孫富有而不睽繇是觀之
埽地北一市人耳不愛千金而愛其弟又能使家人之相愛
也孟子曰是乃仁術也

先生曰雖有國賊敢不畏直節之士哉淮南王安日夜爲反
謀曰漢廷大臣獨汲黯好直諫守節死誼難惑以非至如說
丞相宏等如發蒙振落耳資治通鑑然則漢之丞相苟有汲黯之
風也淮南必不動矣

先生曰士之於名節也終身之力豈一日之幸虐宋史盧秉
謁蔣堂坐池亭堂曰亭沼麤適恨林木未就爾秉曰亭沼如
爵位時來或有之林木非培植根株弗成大似士大夫立名
節也

先生曰施彥執有言今人或處已廉然培克百姓上以媚朝廷下以諂權貴輒得美官雖不入己其入己莫甚焉此劫盜

也

北窗炙
輟錄

先生曰今之學者甯爲其介毋爲其通

先生曰朱子稱呂伯恭變化氣質何哉伯恭之少也性暴怒及讀論語曰躬自厚而薄責於人遂自克也朱子稱之將以告吾學者也讀書自克吾學者之事也

先生曰吾聞西門豹性急佩韋以自緩董安于性緩佩弦以自急韓非子何古人之善變虐吾宦晉所知者有王令性急五板卽殺人也人稱之曰王五板有陰令性緩三年不澣衣也人稱之曰陰三年烏虻若二令者不自治而治人邪

先生曰宰相者士之所為爾士無威儀雖與之宰相非其器也鄭縈曰歇後鄭五作宰相事可知矣新唐書○以上申脩身之實○凡講學所

常言者舉要而書其餘條辨經史詳論諸說當別為錄今以年譜之例未獲盡焉

九年歲在己未先生年五十有三

春季弟會宗人脩朱氏家譜先生述序例授之先生編朱氏傳芳集於後家譜成先生為之序其略曰譜牒之學史學也周官奠繫世辨昭穆掌於小史史記紀五帝汜夏殷周秦並詳其子孫氏姓而世本一書漢志隸春秋家蓋先王譜學之設實與宗灋相維而表裏虞國史宗灋立而士大夫家收族合食至於百世不遷而奠其繫世辨其昭穆朝廷且為之庀官司藏冊府是故黃農虞夏之胄閱數千祀而可知也世祿

廢宗蠹亡譜學乃曠絕不可攷漢興天子奮於葦茅將相出於屠牧率罔知本系所繇來魏晉至唐仕宦重門閥百家之譜上於吏部維時官之選舉必稽簿狀家之昏姻必等門第而譜學復興歐陽氏脩唐書有宰相世系之表隱示國史家牒相爲表裏且謂世族之盛諸臣克脩家蠹致然跡其編纂論述若扞前史所無然通人碩儒咸許其湛深古誼能探先王制作精意蓋扞而實因也五季喪亂圖牒盡湮一一儒生迺欲掇拾補苴冀存古宗蠹一綫及夸者爲之攀附華腴虛張勳伐或至不可究詰譜錄一家遂爲識者厭薄而去史益遠矣君子讀先生之序謂譜學今足明於天下也先生與宗人言常曰浦江鄭氏江州陳氏世世通財號爲義門載在國

史天下所共聞也吾宗數千人豈多讓辱方今 功令瞻

族例 旌何其美也於是宗人捐產贍族帑四萬二千金

有奇先生為之脩范氏義莊之灋完稅祀先養老勸學閱蔭

卹孤抹喪賑款皆有其章上於有司奏 聞如例率宗

人脩祖祠動金鉅萬翩翩敷資宗禮斯行咫物鴻裁釐然無

失度者君子謂士大夫麗居室陋先廟於禮固違然敝廬自

晏而祭堂不足以觀禮呂叔簡不猶責之辱今而後挹先生

之風也

初先生西行黃太宜人未偕而西太宜人有二女伯姬與張

文學之子兆遠未昏賦柏舟 魯詩 仲姬與梁孝廉耀宸既嫁

而兄公耀樞大魁天下太宜人戒其女曰毋驕也先生行七

年寇亂不果歸太宜人憂之思以族子爲己子已而先生歸太宜人以買妾請於是巨室多來言美選者先生久之未可也邑陳氏有婢主人二子孩穉眠婢如其母也二子生未久父亡母弱家絕炊母黨及姑給之食婢忘其貧旣及笄迺自矢曰主今困弱有二子非婢不佐婢惟知佐主而已佗無所知也二子旣鬻婢年迺長主人將字之有以婢聞於先生知其氏曰霍遂往眠及門婢自外來貌寢唇赤執女工而跣足先生納焉婢之行也昧旦登舟二子箝鐙將之旣至太宜人以妾賢且勤也喜踰其望及妾子之紱生則先生年六十有一矣妾有二女叔姬季姬

十有一年

歲在辛酉

先生年五十有五

夏家人有死於外者外死不歸斂鄉俗然也先生曰孔子之
誼友死無歸猶入殯其家况親者邪遂歸斂

秋先生聞

文宗顯皇帝之喪北面伏地大哭曰國事

迺至斯虐國事迺至斯虐先生雖退不忘國事凡臣工之議
敵人之舉苟有係於天下大計者必自錄存無少忽也

同治元年

歲在壬戌

先生年五十有六

春二月先生奉

詔召用秋九月奉

詔趣赴

闕先生以疾未赴當是時

天子卽位嚮用人才萬民

喁仰天下同

召者十有六人粵中得二人焉先生及

徐大令也

徐大令見謙中
年二十有七

大令赴

召贈先生鄰女行

而別先生自名其堂曰簡書堂

二年 歲在癸亥 先生年五十有七

郭撫軍與先生同年也秋撫軍詣書先生將就見之先生復書善辭焉撫軍再詣書先生又復之固辭卒不得見

六年

歲在丁卯

先生年六十有一

廖南邨孝廉卒六年矣其子數乞墓志銘夏先生迺與之文門人問焉先生曰古文家無端之感殆謂是虜志之言曰天下之擾甚矣其端由吏治之汙居恆與馬服翫聲色之好奢麗百出且復豐於獻納參於酬應謂之開展若而人者皆非腰纏入官者也壹取之於民而凡丁胥豪猾倚勢作威又喜言官恠受賕以恫嚇其民而放其無涯之欲日朘月削怨府毒深羣相敵讎橫流遂潰此方今之大患也又曰嗚呼 國

家仁覆區宇變醯養...期使文無害者爲治中外顯僚下暨
州縣學校之司取...鄉會兩試號爲正途厥後人員回冗雜
而多端自予童時里蓋有十三年甲科而歿於需次者其鄉
科則予以道光己亥獲舉己亥以來迄於今里中獲舉者二
十有三人計三十年中無以鄉舉授官者壯佼之夫忽忽奄
就頽莫而逝者已不可作矣是可爲一世人材惜而世道之
感當何如也

七年歲在戊辰先生年六十有二

夏相國駱文忠喪歸門人問曰聞文忠薦先生何如先生曰
知己之薦漢曰舉主生則不拜不敢私也死則必祭不敢忘
也徐孺子醢酒而悲古之人有可風者矣不才奉
召

命所繇特達未獲明文大臣休休之度固不使人知也

有島族人因潮州明經求見先生以佗出辭而謂明經曰子而忘經誼虜古之大夫非有君命不私覲禮曰爲人臣者無外交不敢貳君也今雖在籍敢自貳虜昔旅都門俄人有求見者吾未之見也子其辭焉

八年

歲在己巳

先生年六十有三

冬仲兄卒先生期不與燕隱虜其戚戚也曰今而後雖周行天下豈再得一同氣邪

九年

歲在庚午

先生年六十有四

秋伯兄子衢尊舉於鄉先生鬻孤而成之者也越四年卒先生傷之

十有三年歲在甲戌先生年六十有八

冬先生聞

穆宗毅皇帝之喪哭泣成服拜而言曰衰

病之臣受

恩厚矣不能爲萬一報今又遽服此服也

哀哉先生之歸三聞

國卹必繇方喪居禮山簡書堂素冠

要經喪食以終有鄉大夫來見未易服先生驚曰子猶未聞

哀詔虘不一佗言趣歸易服

光緒元年

歲在乙亥

先生年六十有九

滇之外徼英人馬加利死焉山苗戕之也英人布七事而抵

其人主者弗與爭也先生論其事手書存之其終曰口情無

厭得寸入尺我旣弱如此彼之要求將何可問易所謂自我

致戎又誰咎也

二年 歲在丙子 先生年七十

有聞使英者以告先生聞然悲之於後先生既歿門人啟其篋衍迺得手書曰派員往英之事何辱國至此口口可謂無人口口身係安危先自屈辱損中國之威長口口之氣天下何望矣回憶咸豐之事喋血郊園盟於城下 乘輿出

遜 晏駕不還公羊所謂百世之讎無時焉而可與通也今重有此大辱之事此志誼之士所以言念國恥當食而歎中夜憤排誓心長往終己不顧者也

五年 歲在己卯 先生年七十有三

客至先生飲之酒而豐客出私語門人曰賢者固不可測始予以先生爲樸學也先生過子家子客之儉而不敢豐也今

斯媿矣門人曰客不聞先生之言儉虛先生常曰嗇於己不
嗇於人謂之儉嗇於人不嗇於己謂之吝嗇於人並嗇於己
謂之愛儉者君子之德也吝與愛小人之事也故先生之儉
小廝門者一食三人鹽菜錢二十有五枚日餐脫粟舉椀斑
然麻衣當暑三十霜而一布袍內飲兄弟外篤嫻交鄉人來
言椽喪知與不知量而皆賻客至糴稻烹薤粽其家食非從
學者脯脩不用焉貧而假貸終身未嘗負人也終身未嘗不
分人也晏子春秋有嗇吝愛之說以先生言行求之尤愈

六年

歲在庚辰

先生年七十有四

俄人有言閒伊犁也初言官奏

聞曰史記天官書云王

良策馬車騎滿野天戒將可沒虛亡何俄人遂動防海東南

秋七月甲午張制府裕撫軍遣吏齎書請先生赴海防先生以疾辭不赴已而覺解

門人問曰今之用兵如機器何先生曰兵莫患於不堅上下軍民聯爲一體我之堅也管子曰攻堅則瑕者堅攻瑕則堅者瑕敵雖機器不有瑕者在虜彼謀謀者何爲也門人曰今之機器泰西兵艦也然則先生奚取於泰西水艦虜先生曰卑高之水晷分寸而灑潤焉泰西水艦而不必自泰西爲之也我用泰西也非泰西而不必可爲之者泰西機器也漏卮也泰西用我也

七年

歲在辛巳

先生年七十有五

夏五月季弟率將斂日者宗人曰先生當避先生斥之及斂

先生撫尸兄弟七十餘矣泔泔哭淚有沾斂衣者親拭之
粵大吏歷年聘先生爲學海堂學長辭不就仍虛位待之凡
二十餘年先生終不受其脯脩

夏六月庚子張制府裕撫軍以先生奏 聞曰講明正學

身體力行比閩族黨薰德善良秋七月壬戌 詔賜五品

卿銜冬十有二月丁丑^{十九}日 先生卒及斂面如生家無餘財

門人釀金以賻行省兩院而下皆祭 國史館立傳遠近聞

者哀念皆動君子云亡之感焉先生頤表方頤聲雄以徹六

世從祖烈愍少須麋先生復然既七十須白後左頤生一黑

莖澤甚無改與人齟色決誼則渥丹張頰威不可干終身蚤

起雖退歸厥明穀食惓惓講學口中而休食頤手旋執書旣

昏如不遑也初光緒三年冬十有二月門人侍飲問曰先生
日著述者何先生曰凡吾著述有七焉曰國朝名臣言行
錄澧朱子也曰國朝逸民傳嘗仕者亦書据逸民柳下惠
也曰性學源流瀹本誼而決其支也曰五史實徵錄宋遼金
元明采以資今也曰晉乘如程大昌雍錄也其書名未定有
論國朝儒宗者倣黃梨洲明儒學案而不分漢學宋學以
辨江鄭堂師承記之非有紀蒙古者勤北邊也酒闌先生曰
著述非爲名也吾書儻成願少裨天下雖吾名不傳無憾也
然吾衰矣俛焉知新藁有未脫定藁以傳猶須暇日爾卒年
八月謝絕一切家人問故曰吾有事於書也十月疾作知難
卒事遂自燔其藁竟日迺盡惜哉朱子曰伊川嘗言中庸今

已成書漢人於易說即謂之易於禮說然亦不傳於學者或

以問於和靖尹公則曰先生以不滿其意而火之矣蓋先生

之學志於用世始不欲以著述竟其才既不可得終無自逸

庶幾虛文章報國之衷其於儒先著述常稱大學衍義資

治通鑑三通日知錄諸書為其多實用也詩書禮記古人傳

之作者之名不必盡傳著述之志豈為名虛今書不成必存

其目而不敢遺著述者天下公誼冀後人有成先生之志也

先生既卒門人猶有居禮山不忍去者遂築祠而祀之於後

門人蒐詩文暨附錄都為十卷備曰朱九江先生集譜撰欽

定明史嘉慶十有二年迄同治十有三年聖訓

欽頒平定各匪方略光緒以來皇太后懿旨

皇上聖訓國史館徐台英傳朱先生所列國史館本傳

嘉慶以來諸臣奏議阮文達學經室集駱文忠碑胡文忠集

左文襄集四川通志襄陵愛棠錄陳士枚襄陵水利碑王
朱先生畫像記廣州鄉賢傳南海縣志九江鄉志九江朱氏
家譜朱氏傳芳集潘忠毅朱贈公墓志銘朱氏宗人采訪朱
先生事實冊朱先生手書公車紀程朱先生手書襄陵日記
朱先生遺詩朱先生家書朱先生雜著朱先生手評門人詩
文卷朱先生家人所得編年舊本起嘉慶十有二年歲在丁
卯朱君生日至道光二十四年
歲在甲辰年三十有八事略

門人順德簡朝亮謹纂

朱九江先生集目錄

卷首之三

卷一

詩

與陳五二一首

過明二夜話追悼賁亨秀才

懷廖二熊光清遠縣

造梁錫不值有題

讀史

道上吟贈陳千戶

至日懷族子廷光二一首

寒食

思元一首

登雞冠鎮

謝張十二

偶感爲蘇使君

卽事

湖江

和曉崖先生次黔羊峽之作

夜泊東坡亭

書趙甌北年譜

過先孺人墓

江樓中秋夜同張十二

十六夜復登忠良山

送馮四

題里甫先生所藏劍

馮大并蒼彙詩卷屬爲點定因繫以詩

張十二秀才前見投有白石詩詞姜仲友蒼生憂樂范

希文之句比者其配王夫人次云五常譽擅眉皆白

兩社功占手有文藻異龍鸞讀終愧仄將秦徐微韻

未沫於茲卽勉訓四首

官洲渡望西樵阻潦晚泊龍津

詠西樵雙瀑詩

卷二

詩

與李大 鳴韶 夜話有贈

同李 梅 遊葉家池上作

泊勒樓阻漘候潮

題關鴻遺臺二絕句

柏林寺

絕句

出門歎

有感

贈黃處士

李大 鳴韶 過宿

重有感

登文瀾閣懷馮太學北行

賦得新松

訓廷光見寄

山長桂林夫子枉過

答李秀才 鳴韶

輓陳丈 顯鳳

九月十二夜遊東坡亭

得陳大 如琛 越南書

歲莫懷人詩

觀察陳桂林夫子

兵部何職方 文綺

中書孫舍人 鼎

馮太學 炳文

叔懿脩先生

夜坐

白菘菜圖為關丈 家駿

答廷光

七月十四夜大堤上作

寢疾兼旬遠邇交親頻仍存造賦謝言懷有作三首

和梁三江臬寫望

有憶二絕句

越秀山憶諸子公車二首

僦屋

謝里甫山長作畫一卷爲十幀貽王謨文學屬次琦跋
之小詩未有以應也甲午春杪文學索果前諾遂拈

杜詩得非元圃裂無乃瀟湘翻二句爲韻題其端

夜過談太學子粲歸次作四絕句兼訂太學見枉小齋

寄廷光村居

寄徐子台英都門兼簡馮六汝棠陳九信民

初九夜作

消夏雜咏

食春餅招關郭二生舍弟宗琦

卷三

詩

樂昌韓瀧祠

泊游絲汎

歸渡大通津望廣州

答談太學子粲見詒四十五韻

述懷二首

宮保盧制府遣吏人徵寫拙詩述德摠情賦呈四律

泛舟至花埭

寄舍弟宗琦

兵部何職方文綺坐聞熊鎮畿亡

春旱答廷光

丈人

赴李大孝廉

鳴韶

招飲百韻

城市一首再寄廷光

寄蔡瑄文學士司往蔡以鄉闈報罷西行不通耗兩寒

暑矣客有適粵西者宛轉寄之

寶華坊退思別廨早起有述

夏日卽事

半塘晚步

諸子同遊荔支灣作歌

客中雜憶詩

太平門門卒行

蝗蟲歎

乙未閏六月初一日夜記夢

鄭玉樞藏邊壽民畫四首

水鶴

蠃

野馬

蜺鴨

和錢給事儀吉登鎮海樓之作

花埭翠林園諸勝

河南張氏園亭贈勞翬

三山道中

過關二士場兄弟晚食兼簡張梅二生

桃源里訪關二書齋即同登正覺寺後山

典衣四絕句

守歲與閨人夜話二首

卷四

詩

春懷八首

廷蔭之廣甯五首

談太學過六榕寺寓舍二首

寄題家明經澄洲秀坡

未凡正先生集

目錄

入月來風雨總至隄圍西
派向覺可憂感書二絕句

和錢給事春思曲

寓齋詠物三首

竹

鳳仙花

瓜

憶弟

夢讀佩韋近稟卽寄懷落第南還二首

寄衣

六月十七日談太學招同陳秀才

文瑞

家明經

澄湖

北

郭郊游晚集明經秀坡山館四首

奉陪山長陳蓮史師登粵秀山至山亭胡太守方朔設

樂置酒

西園郊居

廷蔭到得舍弟宗琦消息作長歌寄之

雜題絕句

喜宗琦至二首

俳體戲答友人問

晨起海棠見一花矣詩索舍弟和

過粵秀書院是杭大宗編修舊講地即呈區仁甫先生

李孟夔鳴韶明次卿倫馮愛之汝棠南歸同枉城西寓

舍有作兼簡徐佩章台英李愷儔彪元

過瀾石追悼劉崧孝廉六首

贈馮六愛之明二次卿時二君相約假館城西僧舍

六桂山樓望春之作

峽山寺四首

寄宗琦弟正覺寺山居

韶州曹溪口有制府盧都堂遺碣慨然賦詩

有憶

古勸酒

寄劉九潭州

卷五

詩

贈馮四 炳新 復試京闈

感事與馮六 汝棠 孝廉陳九 信民 大令夜話大令抵足

同寢卽追懷尊甫心農先生二首

山閣夜

丁酉九月十八日廣州歸村泊甘竹西岸

北邙山行

送屠使君還楚中

陳九明府走書借讀二樵山人集卻題

南漢宮詞倣李義山隋宮

憫潦詩呈愛之次卿兩孝廉四首

象山社緣麓行至鬱水上沙溪乃反夜已嚮殘

門人老上舍 鶴年 送酒二首

諸子同遊海目山還舟沙口關四兄弟留讌作詩

宿鄭中書 景祚 西郭書莊

何兵部丈枉過寓齋言懷有述

借居正覺寺蘭若雜詠十四首

松逕

榕社

月臺

山塘

藏碑亭

南國祇園

佛堂

讀書齋

西閣

南窗

藕花池

香積廚

霏菴室

山靜堂間處

與廷光小飲懷馮四北行未還卽事四首

晚出歸山館有作

小除夜書懷四首

張太學饋歲有水仙花普洱茶二種詩屬諸子和

水仙花用黃山谷詩韻

普洱茶用水仙花詩韻

塵沙行

良鄉題壁

卷六

文

代兆撫軍請襄陵臨汾水田毋照東南升科摺

擬請復漢儒盧植從祀摺

論馬加利事

論派員往英事

格物說跋

澹泊齋記

卷七

文

寄馮孝廉爲陳九籌卹書

北行抵清遠縣寄季弟宜城書

癸卯在南沙陳氏賓館有勸以遷教都會者因布家人

書

抵山西寄兄弟書

寄伯兄書

答康述之書

答明同年書

赴襄陵寄兄弟書

答王棻友書

又答王棻友書

去襄陵後答王棻友書

答徐次功書

復郭中丞書

又復郭中丞書

與老爲謙書

答吳澄溥同年書

答求書者書

答李鞠圃太守書

卷八

文

南海九江朱氏家譜序

南海九江朱氏家譜序例

朱氏傳芳集凡例

朱氏捐產贍族斟酌范氏義莊章程損益變通規條

卷九

文

明贈嘉議大夫兵部左侍郎原任四川夔州府知府朱

公神道碑

皇朝 賜諡烈愍明贈嘉議大夫兵部左侍郎原任戶

部郎中奉敕團練水陸義師朱公神道碑

贈奉政大夫府同知銜朱君墓誌銘

清故朱少府墓誌銘

廖南邨墓誌銘

賜進士出身分發湖南知縣梅坪陳君行狀代曾勉士

劄作

重修四世祖墓祭文

公祭陳梅坪大令文

祭陳大令文

北上會試祖道文

南海縣黃鼎司南沙二十鄉鼎建石隄祭河神文

之宮山西祖道文

祭毘旗岡后土文

祭房祖白岳先生文

卷十

附錄

平河均修水利之碑銘

稚圭先生畫像記

愛棠錄

祭朱子襄先生文

禮山紀聞

クニノツキムノトニキ

十二

卷三

詩序

卷首之四

僕甫至粵訪士於涿州盧后山制軍制軍爲言南海茂才朱次琦稚圭莊士也顧才氣無雙子聞而心數之已而代校此邦文字茂才率爲舉首與鄉者制軍之言若契箭之呼而春牘之應也竊喜老眼頗未昏瞶因介李繡子太史曾勉士學博求與交其爲人偉瞻視嶷嶷然氣純以方其論說縱恣滂葩有鼂賈之覈其詩無弗學亦無弗工往往於轉捩頓挫處得古大家神解梁簡文有三言斯文不墜必有英絕領袖之者其不在斯人與僕行矣七十老公何所求粵中諸君子他日乘輶擁節豈無道鄙人之門者復能守孟德隻雞之誓否茲之借鈔此卷慰長途操先券也嘉興友人錢儀吉

朱九江先生集卷一

詩

與陳五二首

蒼兕嘯驚風浩然滿南山豈爲憑高力聲洪能自傳宛彼同舍
子欲達無由緣夙夜亦勞止將意何拳拳襟抱各有適挽推良
獨難孤蓬託吹噓驟入浮雲端浮雲無根蒂一隕卽深淵君子
崇令名豎立靡所干

去者未可留來者未有涯茫茫造化運使我心傷悲朝才黃口
出莫還華顛歸向所親樞樹攬條皆十圍氣結不能言逝欲與
俗辭洪喬不在世快惘終何之矯首望八荒孰是長年姿所願
崇令名不朽以相貽

過明二夜話追悼賁亭秀才

秀才赴試
溺水死

颯沓愁雲墮古祠吟猿唳鶴有餘悲
笙篴樂府公無渡金錯佳人我所思
何處招魂歸屈子可曾穿冢傍要離
清才例使蛟龍得千載哀歌爲涕洟

懷廖二 熊光 清遠縣

直北風聲勁平西日氣迷秋從雙峽
老天入百蠻低異地容龍性前程信
馬蹏行人例回首肯聽子規嘯

造梁 錫 不值有題

椽葉鬱飛翻無人江上尊我攜邛竹
杖訪爾桃花源凍雨不成滴荒雲流
到門兩三松宛在倚徧更何言

讀史

破碎羣雄六駕回甲兵土木總爲災可憐一炬咸陽火不及詩
書有劫灰

廿載深裁車服費百金終缺露臺工君王自惜中人產獨有銅
山賜鄧通

長門宮怨久煩紆禍起泉鳩慘重誅聞道至尊慕黃帝不妨脫
屣視妻孥

故劍關情竟亦忘拌留一眚玷朝綱宋宏儻道無心語聞否糟
糠不下堂

背芒驂乘久滋疑厚毒殲旃實隱私堪歎分封頻晉秩受恩卽
是受夷時

氣盡漳江七十墳分香賣履復何云堂堂白帝傳遺詔天下英

雄獨使君

道上吟贈陳千戶

亦知驛程苦頓頓策征鞍秋色關河莫灘聲水石寒風塵淹客
易衣食累人難遙指西南道龍山路渺漫

至日懷族子廷光二首

日至繁陰積天涯舊雨多性情廷吉尺心事魯陽戈宛宛凋殘
景怱怱俯逝波行吟怨勞者風雪大江沲

及爾一揮手臨風空斷腸乾坤餘聚散身世閱蒼茫朔吹零孤
館江聲碎夕陽愁心驚晚序連夜夢河梁

寒食

母背頑兒去回頭又七年隻身今異地寒食一漉然未學羈明

試勞人悔汗篇弟兄家薦酒曾否及重泉

思元一首

寸筋不控弦拳石不障川矧我思元子而能馭世緣性畸天不
弔愁重酒無權誰爲滋丹棘忘憂耳目前

登雞冠鎮

雄拔雞冠鎮容光照四圍壁空青不斷鞭石赭橫飛厓後千峯
伏春前一客歸異花開更早點點滴征衣

謝張十二

百妄紛紜不自芟須眉磊磊語誦誦古人不作吾安放世路將
深骨已凡每苦儒風侵任俠人因騷雅惜彭咸多君遠惠長生
訣哈糗羹藜勸老饒

偶感爲蘇使君

吳儂載桃葉桃葉竟成歌一棹滄江去春風楊柳波路人驚欲
絕君子意如何誰念空谷裏天寒牽女蘿

卽事

鶻嘯亦已殘花落更如注餞春春不歸飛上刺桐樹

溯江

風悄夜冥冥沿波拾遠馨煙平山帖岸潮落水流星龍女張華
蓋仙雲下翠輶招吾鵙鵲漢躡彼鳳皇翎

和曉崖先生次羚羊峽之作

江聲急斷猿行客曉投村潮湧神魚見風喧野馬奔洶洶天影
溼黯黯石牀昏賞景行沾得懸囊五斗尊

夜泊東坡亭

槁葉颯如雨蕭蕭墜客舟雖無隔船笛已動四山秋古事文章
淚長江日夜流還攜一瓢酒前渡上層樓

書趙甌北年譜

早向戎樞側足來海涵地負見天才男兒自有千秋業堪笑平
生志大魁

微倖科名意氣紆然灰難認此模糊鳴狐篝火成何事總是人
間小丈夫

過先儒人墓

遙遙屈指恨重編滴滴酸心淚到泉不堪斷卉荒苔感又入嚴
寒洹凍天亂蟋吟邊秋似夢慈烏聲裏雨如煙頭顱爾許人猶

昔愴絕人閒二十年

江樓中秋夜同張十二

今夜西樓月離憂感慨多酒悲與詩興一夕滿關河我亦行吟者扶闌發浩歌翻飛問羈羽戢翼竟如何

十六夜復登忠良山

前十四日與馮四穎標登此時十一月

今宵仍作月圓看刷眼憑臨忽改觀百粵山河迷積氣萬家魂夢送狂瀾山靈可笑重來急人世無如獨立難絕頂峯頭拌作主年時原不懼高寒

石面團團凍欲冰最荒涼處倩誰爭窮溟雲重天無力哀壑風高月有聲揖鶴正思疇昔夜棲烏頻報短長更厓顛恨少梅花國留住行滕臥玉英

送馮四

海日落人面北風江上來慶君一卮酒明日故園梅勢飽飛帆
利寒生大壑哀傾筐盈卷耳歸及酌金罍

題里甫先生所藏劍

王者今無戰杜神淵欲蛻形斂雲宵練白照眼血痕青忽漫三
年別摩挲幾字銘頭顱重如許一夜鬢垂星

馮大弁蒼彙詩卷屬爲點定因繫以詩

嬾人減睡夜看月睡醒矐矐白生室天公爲我洗羞顏一霧漲
霾三丈日是誰剝啄警尸寢發簡吟哦紛玉屑豪猛或餘螭蚓
雜芳菲未許蘭蓀歇記識君才何日始泥飲吾廬得酒別醉客
風交亂竹影詩人穀轉生蓮舌蛟龍出紙雷聲碎璜琥霏光玉

花徹大巫壓已魂怛怛小別催人波泐泐錦章竟缺七襄報斗
柄虛仍三載揭太息前塵春一夢豈謂國工肱九折我今臥病
山海深倦眼昏花書卷撤白日終然怯牛鬥碧海何因歎鯨掣
將無錯認馬識塗爲遣澄清魚有孽日不見日固其理心以印
心更何說晏歲恩恩寒暑急霜風凜凜冬山嶮次君詩卷憶方

山

馮方山先生傳經堂集其族子侶笙明府屬余編校

我亦門庭滿枯葉

張十二秀才前見投有白石詩詞姜仲友蒼生憂樂范希

文之句比者其配王夫人次云五常譽擅眉皆白兩社
功占手有文藻異龍鸞讀終愧仄將秦徐微韻未沫於

茲卽勉訓四首

十載吟秋客狂歌倒接籬精神空滿腹混沌乃書眉豈謂潛夫

論題來幼婦碑山公原量勝底用隔屏窺

昭質靈均傲繫余猶未虧幾憐牛馬走終忍鳳皇飢舊下梅花
拜人傳翳葉癡通材隨地愧持爾報心知

昔日移居約樵峯西復西名山千古事回首萬行嘯張適掃花
僕梁鴻椎髻妻更無門內助詩卷待金鑲

天上張公子杜靈妃唱和來國風能好色吾意更憐才蔚跂金

閨彥鏗鏘玉鏡臺郵書應繼讀華露沆玫瑰

官洲渡望西樵阻潦晚泊龍津

含珠玉液未全灰倚櫂平瞻見日臺蒼嶂迴迴天影合黃流洶
洶客愁來帆鈔沙鳥孤音上風破洲蘋萬葉開爵室鸞旂橫渡
晚凡今誰是濟川才

詠西樵雙瀑詩

玉龍下碧霄盜飲樵西水銜山爲窟宅鬢鬢交角抵二龍表屨
屨細者知凡幾踞水恣婪酣藉雲爲蒙恥散沫從風翔半月雨
纏纏雲師不世情救雲上天咫尺東雲湧其脊西雲出其趾雲腳
見垂胡雲頭有掉尾雲盡得蜿蜒山青暮煙紫龍怒作雷鳴三
日聵人耳茲山本非奇奇以龍怪詭失雲龍不飛龍飛山亦死
帝昔觴百神傳聞正於此龍也醉餘瀝嗜味遂無已至今千億
年雷公呼不起我來暑雨後拚身絮雲裏狎龍龍性馴衙衙弄
厥齒余詩解奇語龍亦通畫理示我水墨圖欲拓山作紙我試
拈句答掀舞若色喜日中交易退譬趁官山市終焉此誅茅望
衡講鄰誼名山亦細事蒼生方待爾且去天際行灑潤及千里

朱九江先生集卷一終

再傳弟子校栞於讀書草堂

之
七
長
詩

七
家

身ナキ今ニ集

一

三

朱九江先生集卷二

詩

與李大鳴韶夜話有贈

名士貧來有宦情，聞諸先輩李黼平。吾道貧非士也，苦苦以無力振貧，故錦衣怒馬，僕曼胡君昔視之，不如奴歛然欲起。六月息身落南蠻，心注北芭蕉，戰雨碎可憐，仍扈江離障蘭蓀，宏獎之風近來少。休文休進彈蕉表。

同李梅遊葉家池上作

月色浴四郊，天水一氣警。坐令夜遊子，投身藐姑頂。呼吸入肺肝，照見冰玉影。坊鏗誰家石，名氏高蔚炳。百年如轉燭，薦及孫曾等。想見恤緯人，嚴節秋霜冷。厯厯封塘皎，鬱鬱松煙暝。寒流

朱九江先生集

詩

卷二

瀉微茫河漢相與永何處人語喁溪陰問漁艇

泊勒樓阻漈候潮

天風無定吹昏晝錯南北藉休勞者歌庶遂歸哉客微漸不濡
軌曲激愆挂席夕宿勒樓潮朝自珠江驛旅夢墮芒昧鄉音失
咫尺誤以赴壑蛇例茲退風鶴人語寂無寐川光盪相射迴颿
晚淒緊初曜早殉魄撈幽起沈鱗睇遠送歸翼紛予豈無涯悟
彼各有適嗜進少夷塗往蹇有安宅冥心事元牝跋胡謳赤舄
把酒還獨斟共濟知衆力與之虛委蛇無爲感行役

題關鴻遺橐二絕句

鴻邑
武生

著弁能詩鎮可憐短詞那厭舌生蓮王郎錦段無消息零落人
閒已十年

儒冠多誤豈吾欺君自言愁我賞詩何處哀鴻遺遠響碧雲日
莫倚欄時

柏林寺

萬綠足涼色脩條生遠音道人日孤往對此遙山岑鐘磬有時
響雞蟲無俗心欲參虎溪笑流水發清吟

絕句

空香入碧紗濃翠亞檐牙何處雙禽語一庭吹柚花

出門歎

壯士行何畏今朝獨泣然依人愁廡下爲客在春前老母背
熒淚臨門雪墮顛松楸指遊子霜露滿新阡

有感

謹案先生此詩紀
回部張逆之難

王度無中外恩言有歲年一方苞檠挺六月羽書傳敢以烽爲
戲須明國有權整疆光舊物不擬勒燕然

驀地驚風鶴懸軍戰氣孤櫻城猶鎖鑰報國乃頭顱慘淡歸朱
鳥蒼黃叫白鳥鬼雄應擊賊爲我激頑夫

宵旰酬天祖 皇心獨斷忙六師分將帥萬馬踏甘涼駝足傳
烽急鴉兒引隊疆抱陰噓燭火爲語日堂堂

專閫三台老旄幢待策勳師儲九節度天落一將軍卵弱知能
壓巢連未易焚韜鈴須努力 聖主日憂勤

百萬搜軍實糧儲責大農捐輸盡南海飛輓繼前鋒廩藏資先
事安危在正供似聞司會議有藉世時雍

痛昔金雞詔天慈豈伏戎忍言後鶴警莫恃馬牛風何日從羣

醜夫人怨狡童快心輟四境一示漢穹隆

動我莎車鎮微聞勢不孤蠓螭蟠塞險豺虎訖天誅
帝力乾坤正秋防士馬靡野心多反側長願控彫弧

贈黃處士

陳秀才文瑞數道
其人故遙贈之

佳人類潛虬抱寶媚幽獨以彼影迹深閱此風波逐言高耿華
皓破閒課花竹十日不啟關開關到耆宿世無鹿門龐得見此
翁足佛鎮富生事轂轆舟連舳攘攘數錢刀擾擾爭燕蝠在衆
彌見寡心骨無由俗想當汾江流孤浸方寸玉次也走熱人剔
面塵一斛堪哂郝嘉賓好聞隱車服卻似貴家屏一例畫茆屋
慕君人日笑聞君吾耳熟得遂隱者便煙霄控黃鶴

李大

鳴韶

過宿

五才
三
卷二
我本栖栖者逢君更不堪捫天窮舊夢罵鬼鑿空譚縹緲江皋
珮淒清海岳庵同心有緣法莫怪味醞醞

重有感

雄劍鳴鞘夜有聲羽書馳報氣縱橫忍思敵壘遺巾幘誰挽天
河洗甲兵都尉合摩頭曼陣將軍曾守亞夫營糜軀裹革忠良
事願納靴刀答 聖明

籌軍轉饜日交馳犁穴揜渠計豈卑果有檻車收五厲何因輦
帶重三褫負隅屢縱張牙勢射石終無飲羽奇捩指又鄰寒食
節令人目倦凱還時

羣公讜議意何如良肉奚堪復養疽未必摸金皆校尉可憐輸
粟已尚書助軍幾見蕭丞相策變今無陸敬輿不是帑藏先侈

耗洪河流患十年餘

邊風朔雪古涼州關外徬徨定遠侯
孽種可應憐馬角畜鳴何
意累人頭颺天烈燄熊熊起決地
頽波橫橫流弱冠請纓男子
志愁從鐙下看純鉤

登文瀾閣懷馮太學北行

郊行風物苦淒迷傷別傷春氣漸低
愁上高樓望鄉國大江無
際夕陽西

嶺梅昔別凍初含京柳今來影半
參蹤跡如雲春似夢可從江
北望江南

賦得新松

越華講院陳蓮
史師席上應教

分得蒼株煙雨濃滋培造化與同功
著書歲月忘年對起蟄雲

雷有日通御李漸吹寒謾謾補蘿休待蓋童童棟材未必千人
見但聽風聲便不同

訓廷光見寄

一風三日吹倒山鬼驛驛名人家朝閉關歸鴻寄聲不到地長風
送入懷袖閒故人知我狂落魄三歲黃楊閨當厄乞米虛投日
下交賣文豈壯牀頭色童蒙遶案蠅鳴細老瓦打頭蝸寄窄吹
來題翰眼忽明載讀詩篇舌尤咋上言念子貧無膠搔首欲問
蒼蒼高下言窺天天有說聊疏前聞證一一是誰賣畚長安道
是誰逆旅遭呵喝九轉鑪鞴內景鉛五瑞琤琤卞和血先吽後
笑稽古然揖我謂我相頽頽我聞此語三歎呼乾坤橐籥眞區
區摩厲庸虛使才傑如扶窮袴追錢租將毋本初翦奄豎疑似

乃及無須奴芒芒宙合成今古豐瘠彭殤竟誰主七尺臨風私
自憐寸丹照日知何補不如痛飲兼吟哦菀枯且勿爭么麼曦
月西滔東逝波昨日漆髮今爲僮典裘合辦金叵羅日歸吾及
春風和招尋過汝山之阿江流春酒筆懸河遠廬風雨酣高歌

山長桂林夫子枉過

毋抱燕臺石周客訕其旁毋掘豫章劍天漢精乃亡咄此海隅
士讀書自口黃忽漫二十年懷利儻未忘邦有必聞謗夫子更
恢張命輿出顧我聲鳴殷宮牆載誦隆棟篇載望匡時良極辱
齒牙惠恐違弓矢藏自我苦可貞觀物積始詳柔柯結根淺春
陽噓使彊小子寸鐵朽大冶躍使剛請借華陰泥淬拭生寒光

頃賦院中新松夫子極歎棟材未必千人見但聽風聲便不同之句

夫九工先生集

詩

答李秀才

鳴韶

君子惠思我我亦怨離羣
明月對眉宇流光持贈君
何時采三秀歸臥西山雲
七十二峯夜鸞簫天半聞

輓陳丈

顯鳳

積善不期報斯人我所思
天心今冥漠吾道日磷緇
家具猶爐鼎鄉鄰有涕洟
未忘前志在繼守視元龜

九月十二夜遊東坡亭

北人乘馬如乘船南人控帆如控鞭
煙帆迅瀉東風偏煙閉帆卸亭蒼然
重揩病目攝衣起三歲不覲仍嬋娟
自審插腳輭塵久勒移拌合來林泉山
靈與余頗瓜葛謝過讖以新詩篇是時
秋霽天宇圓地白人影行翩翩
綫路采入石壇凍有倚脫木枯

藤纏山魃夜出電瞥眼大魚人立弓鳴弦孤雲渡江鳥隨沒一
九月下江吞天公跋晉卿煙嶂圖謂言此景常纏絲十載渴懷
動真宰一區位置荒江邊腦環萬山川照面中安尺宅乘梯田
種魚村近可招手從公所好舟往便云何三宿牽率去至今鶴
怨猿不眠老饕得嚼肉失吻想見十日流饑涎退之磨蝎公竊
比豈識人阨非時愆卽如潮陽老太守斷嵩壓穎言徒堅古來
宦海少樂土風波有險天無權瀕行俯仰重三歎何人真叩花
源仙

得陳大如琛
越南書

驚回滄海夢有客駐征鑣將我故人意謂言行路遙林藏蛇瘴
黑山帶虎風搖異域鷓聲到南雲願手招

歲莫懷人詩

觀察陳桂林夫子

余馬首欲東東從夫子官夫子南北人從之路渺漫近者見敕
日持節監河干青天萬艘上清溜九月寒豈不實盤錯求職非
求安旬宣古王官雅頌聲未闕太上百僚化守令羅荃蘭教言
逮夷面行部戢虎冠天無五運阨民有二父權其次補其勤其
次簿牘完大臣有心事廉退乃一端夫子相君胄祖硯傳未刊
大東小東郡頌袞猶汎瀾泰山合膚寸終使宇內觀夫子前
守兗州

兵部何職方

文綺

萬物各就熱嗜進如梯階孰能遺我榮而以昶所懷陸生識止
足疏傳東門街職方壯解官道勝非時乖方知君子心竝與末

世諧守冲滿杖屨在坦忘巖崖重抱說士癖恆恐翹秀蕤脫略
皋比席慙勤鳥鳴啗南士知宗龍葛啖魚頭皆鄙人實穉蠶三
歲借高齋忘分託老輩展論饒新佳復原抱膝傲時與銜梧偕
旦晚還觀稼遲我秋水涯

中書孫舍人

鼎

前夕大火流今日朔風驚良時去如瞥歲晏心多營埋頭負郭
居席門世所輕讀書况寡效章句苦無成出門首前路何以慰
晨征長筮易汎馭孤掌難堙崩丈夫偃窮術空抱魯連生我友
湖海士橐劍連州城縱橫計不遂長揖辭公卿尺書昨報我戰
苦仍徵兵

馮太學

炳文

馮生古長者狐白無見美兼抱疆立性萬鞵金不毀識我自童
齟十載交若始君溫我質伉君簡我辭哆郭生見叔度三日爲
心死頃求仕與友攜病走千里金盡病亦失所獲良已侈頃當
背面時素書兩情跂得書輒得夢夜夜渡煙水國人皆曰賢愛
君好文理溫潤玉界尺帖妥烏皮几曹好徒爾爲君心甯數此
金臺高不極髦俊高連軌北風胡馬鳴定有相思子

叔懿脩先生

秋至瘦人知歲盡貧家病叔也苦節人窮老益天性七十抱一
甕坐深鄉黨敬須眉出古異知慮資神應貌枯中不膏晶精雪
相映雖比范叔寒允執顏含正析薪鮮克荷守硯庶或稱老棄
短後衣窘藉長鏡柄每憂藜羹糝食指矧蕃盛今秋穀不登衣

典餐屢併姝姝十餘口朝夕烏共命譬彼岡嶺松孤高風逾勁
叔言子也才三試戰不競人言叔耆德善修家不慶上有滄浪
天何時問幽篁

夜坐

欲語憑誰答身孤顧影頻城荒鳴弔月燈盡鼠欺人少壯虛殘
夜關山况老親從來劉廣武起舞唱雞晨

白菘菜圖爲關丈

家駿

秃筆蕭疏見一莖南蔬首汝亦公評

益都李文藻肇慶食菘菜詩遷地弗能良猶足壓南

蔬催來霜信西風急寫入江村斜照明莫厭酸寒同歲莫可無
豐歉問蒼生萬家供具今顛顛話到齋鹽有歎聲

答廷光

琦也田閒一男子行能可笑平平耳十載名場縱身手十載名
公與牙齒吹到浮聲浮厥實中夜捫心類猶泚黃鐘毀棄瓦釜
鳴人雖不言藉自恥惟對吾儕好議論浪謔古今車轉水有時
發憤刺時乖不可於懷口輒哆苦奉方巾蓋圓頂雖有執持裨
者幾朝悔其行莫已然不怕癡兒走折趾以茲失口思用晦深
恐急進生瘡痍自從儒服溷有司蹭蹬至今歷一紀璧凡幾獻
足幾剛敢似退之跛能履今君何事進鄙人鞭策罷牛逆風駛
國家束帛旅窮巷耆叟當關賢會軌明明大樂奏雲門豈假瘖
聾聽宮徵故人夙昔面京國千里逢迎多蔚跂
馮太學炳文掉
徐孝廉台英掉
頭不應騎馬歸還愛朱雲在槐里頗怪數公負明眼非癖非阿
竟何以多因秋士抱牢愁一見參軍令公喜只今南國困波臣

萬室嗷嗷憂食指雖屈計吏上貢日語及時艱我心死况復殷
憂半海內郎報叢殘餘百紙尋君且得片响樂中席言懷再三
起書生賦命苦窮薄何力持危筮傾否君詩導我壯我行然而
其效可睹矣

七月十四夜大堤上作

萬井蒼涼又告災憑高小立一懷開月華洞洞隨行策秋氣微
微盪劫灰海上雲雷餘漲急日南民物采風哀豪吟巨壑笙鐘
應恐有潛虬作和來

寢疾兼旬遠邇交親頻仍存造賦謝言懷有作三首

不寐盼燈花紛葩粲可數陵晨乾鵲噪喑喑響虛牖我生百不
諧喜事除聚首旦日君唁我一見詫衰朽錯莫顏不怡欲語錯

在口豈無慰藉詞言然意終否昨者走鄉試驚進恥王後進必
有所傷家人卦斯受茲理本非元吾其悔自取逝矢不怍言黽
勉謝賢友頗學馬新息羞歿兒女手誓此已十年也應感高厚
病夫如病鶴子傷梅花瘦病夫如病馬碑兀路旁埃鶴有修翎
人馬有終惠廢病夫卧江沱危檻繫鷲獸牀頭飢藥裏牀後忙
老幼燕笑無與適履綦誰復湊數月深閉門不出棄朋舊夫子
獨何者誤比匍匐救策策風林根談言再三就千里有命駕矧
赴子在疾罷驂對之泣矧於古人謬感激愧平生素交及邂逅
病人多遺忘掛一念萬漏齊物付眇芒山海月如晝

琴爨中郎歎衣故車騎尊可爲知者道難與俗子論里門二三
士守素古處敦有此病不惡病則萃邱園吾友遠歸來重寄素

心言

馮君汝棠到述
省垣諸子相訊

鬱邑得不死以酒澄其源秋花既煜煜秋

捧復翻翻朝光有舒慢夜魄無遺垣酬歌百疾愈何況會高軒
嶺海比艱食六載傷黎元糠粃苦未贖何處羅盤飡飽食消歲
晚邑里多空村

和梁三江皋寫望

浦樹晚冥冥吟歌悄未停灘迴千里雪潮劃九江青物候添行
卷情懷拾遠馨雲頭西望黑應檢種魚經

有憶二絕句

轉轉迴腸種種疑一思于役一低眉行人今在江湖上祝與東
風恐未知

白佛桑應節節抽紫薇石竹門纖柔自從唱罷驪駒曲留得花

枝在樹頭

越秀山憶諸子公車二首

花草越臺發遼遼引望勞夢隨燕月墮身與楚雲高南食千珠
貫中天眾羽豪夷音須變轉爲我唱靈歌

尺劍走中原報余江上村至今春日短苦恨病魂昏京洛眞名

在關河小吏尊經過有形勝馬上莫輕論

徐生台英託抱卷去
屬余伏枕缺爲面別

僦屋

選姬在娟好不必列屋姝選室取秀野甯須九達衢斯堂隘容
膝爽塏致有餘頗怪昌黎公絮誠城南符辛勤三十年有此屋
渠渠我生逼三十倍是雪落鬚縱償愛虛願豈免他人愉譬如
齒牙缺濟馘空庖廚僦屋獲所便鵲巢維鳩居一錢節羞囊十

束皮舊書主人沉解事不催敗興租借衣非已有足曜七尺軀
假館非終身穩占數月娛有徑疏疏椽有溪育育魚十頃玻璃
風灑面宿酒蘇夜聞菰蒲響月皎西窗孤恐有踏波人闌觀揚
清臚起視萬家夢蟲語鏡在湖俯仰識無始萬象隨空虛沾沾
我亦固天地原蘧廬

謝里甫山長作畫一卷爲十幀貽王謨文學屬次琦跋之
小詩未有以應也甲午春杪文學索果前諾遂拈杜詩
得非元圃裂無乃瀟湘翻二句爲韻題其端

雄觀失曩懷浩想創新得誰將九曲黃潑入徑尺墨
陶公遂初服今是昨來非農丈偶然對飄飄風滿衣
山中虛白室戶外蒼浪天趺坐幾何歲得參箇中元

抱甕不言機丈人漢陰圃何如避世人一瓢棄高樹

點樹如點雨截厓猶截鐵還圖入蜀詩石與厚地裂

獵獵菰蔣外長天入虛無相將拾海月借我一幅蒲

鏡湖與瀟湘清絕兩嘉乃龍伯爾何人吾將往觀海

小米學媚嫵遜他顛芾驕崖風江雨裏一夜聽瀟瀟

月黑聞山鬼蒼梧路短長湖秋波嫋嫋何處弔沈湘

讀書箝在口論詩舌瀾翻以詩想公畫應入不二門

夜過談太學子潔歸次作四絕句兼訂太學見枉小齋

蒲葵蕭緘苾衣香萬瓦扶檐滴露光大道如弦天似水追涼人

走月中央

家家樓閣上簾鉤嶺外清華數廣州怪底遊人忙似鶩此邦風

景不宜秋

夜歸孤館人窗開露坐尋詩也費才一事告天煩乞與月圓仍
放故人來

儻得城西畫舫齋前榮貯月後臨街好詩可似題吾屋荷葉遮
門水浸階

寄廷光村居

村姑手爪軟纜絲新蛹香黃上饌宜更是擊鮮滋味好鱖魚賣
趁苦瓜時

寄徐子台英都門兼簡馮六汝棠陳九信民

徐生魁壘衣短後學騎生馬京華走我病閉門失追送至今北
望餘搔首我於天下論健者口不敢言心可數夏長盼斷吉語

來火雲艷赫掩南斗屈指端陽又五日
 是日朔風驚戶牖忽捧題名一錯莫元
 後欲哭蒼龍吼前年送君隨計吏卻斥辱金
 塵以肘舊年庶下蹙依人脫略俗緣比芻狗
 今年四月讀君書塵勞遠謝同懷友首嗟辛
 苦腓無胫氣挾幽并肌肝黝次欲朝家借一
 官公等資裝儘予取君寄李鳴韶孟夔書
 有如劉季賀錢萬實不一錢持在手性命貧
 交萬里心使我失聲血幾歐吾儕賦命本窮
 薄有願到頭終不偶一第溷人信茫昧十年
 養氣從掀揉古人自戰久則肥肯為塵沙含
 淚垢知君抱才必有用清廟熒輝要罌白吏
 能官誠復所長啄菹姝姝宜齧穀雄心抖擻
 需再舉富貴逼人行已陔平生頗訝韓子隘
 欲草一經敵章綬可憐無益費精神後世揚
 雲書覆瓿丈夫趣舍自有時高爵得分圭可
 剖

不然尋我負郭田去去五湖宅三畝雲在青山水在瓶眼底煙
雲我何有君今過夏餘懽賞識曲看花問宮柳壯遊豈改還山
面豪談定約懸河口江介無風也易波壑舟有力誰能負苦士
闕人終慘淡名場幾輩曾摧朽京雒緇縑塵自古嗟君有素衣無
恙否翻憶中原攬控初合沓山川恣騰蹂今古興亡弔落暉河
嶽英靈接梧酒所亡所得知略等比似故人仍汝厚故人宄散
無處著六合蒼茫此駢拇近來近市求童蒙據按兩三鳴跼跼
閒課清齋脩五卯豈有奇書探二酉名山渺莽詎容易里人自
享千金帚側身天末再長謠暨似老馮及陳九

初九夜作

同明秀才
炳麟出遊

到憐風柳太顛狂省識淮河舊日行怪得繫春還綰別柔絲如

汝十分長

春禽選樹原無主
海燕隨波也有家
輸與金閨吳學士
東風無奈海棠花

消夏雜咏

長夏愔愔萬綠垂
石欄點筆坐題詩
蕉煙榴火尋常見
最愛當階向日葵

方牀七尺水周堂
露葉風枝竹萬行
恰好吟成人倦後
半簾疏雨夢瀟湘

第一離枝薦綠醅
猩丸落手溽懷開
達心偏要爭盧橘
博得蘇髯捧腹來

太古元都晝省冥
悄無人處碧壇扃
遐心譜入歸風操
竅滿空

山石氣青

翳影蒿蓬素舊乖
晚涼剛愛啟荆柴
客邊好友天邊月
一樣風吹到小齋

得月臺高冠廣州
畫船簫瑄會中流
華燈似海波如雪
置我江

天百尺樓

臺在海珠寺

苙衣蒲箠妙年華
約買承宣坊下花
應爲香風回首立
愁心吹滿素馨斜

食春餅招關郭二生舍弟宗琦

使我身後名不如眼前酒
平生省此語每爲一點首
硬餅釘椀几大肉相閒之
不爲佳日娛將隨韓子衰
昔踏河南村麥風賺飢腹
去飲村舍水水邊村酤熟
至今良夜夢夢落河南醉
春風

知我心吹得百錢墜我有耿介弟亦有賢友生
勲心首文府剝膚含其英胡爲狎羶腥爭食苦不飽
不如從我飲令汝顏色好白雲勸舉栢有鳥提壺
聲何不從我飲坐對千花明東舍煮芋魁西舍相
追呼不來從我飲其不農子如名士畫餅耳可聽
不可嚙何愛尺寸塗儻勝雞鳴宴

朱九江先生集卷二終

再傳弟子校棊於讀書草堂

朱九江先生集卷三

詩

樂昌韓瀧祠

臺殿鎖君蒿縣湍萬仞高江山有遷謫文字走波濤津吏留相
語村沽飲不豪排雲閭闔遠天末首重搔

泊游絲汎

借火游絲汎維舟斤竹林瘴江千里黑邊角五更深歲盡仍傷
別年荒欲廢吟稻梁謀食歎鴻雁爾猶音

歸渡大通津望廣州

昔別是何處飄然還此都水流殘夢遠身與斷雲孤山澤存麋
鹿年時聽蟋蟀百錢攜杖得况近飲屠蘇

答談太學 子粲 見詒四十五韻

慚君道我詩詩拙莫如我夢得長於論斯則我亦頗緊惟我朝
傑二百年磊砢唐聲開國吹宋派中流簸求取於古人均稱析
薪荷譬彼觀水術豈必寄一舸固揚滄海帆亦鼓瀟湘柁譬讀
種樹書菁英歸摩揣旣護挈雲根詎棄簪瓶朶云何呢門戶遽
分袒右左彼我相是非議論益叢脞何殊抱異姓况使成螺贏
又如哭佗墳勉強呼公爹此事元氣中無大無么麼時地異媾
接哀樂各權瘳或體閔以奄或羨小而橢臞或聞闔朝九賓粲
青瑣愴或宮娃怨雨泣梨花彈旬或鏗鯨鐘悄或叉魚火輓或
游空絲勁或沒石筭匯之爲泚洋澄之得澹沲導之泉斯注鈐
之鐵以裹肆恣百篇放斟酌一字安當其冥運時葛怪困趺坐

忽從天外飛下士，閔塵堞有穀。率繩墨無羈勒，韁鎖始焉踐跡。
合其後化身可赴敵，數生死證佛百因果。世俗是末師謬種流，
已夥竟使竈下姬塗抹。託嬌媚扇濁無餘清，積微恐將墮念之。
軫我懷力薄愁無那，安得光明絲蓋爾。袒裼裸安得六驥足，負
爾山鼈跛先生天機。富人老詩璨瑳以詩通，諸畫落筆春嫋娜。
與我無盡談滑稽，髡炙輓我今鍵戶。牖萬事付嬾惰，庶幾便詩
逋亦用避酒禍。旬人餉稻米園官供果蔬，惜乏耦耕儔世味。終
曳扞會當從君居，接籬圍粉堞我歌君則聽。勿用嘲飯顆土風
閱荏苒人煙增，懔懔高立萬松岡。長嘯山月墮。

述懷二首

出處各有尚，詎云吾道非。中素誠靡夷，豈必知者希。秦鞅二術

朱九江先生集 詩

鑽作法以自威沒沒鈞玉叟一日蒼鳥飛炙手有消息單寒甯
人微筦以造化樞萬族聽指揮至竟誰主尸爲晦爲光輝龜策
不告猶况以小智幾織士利速化通識重天機嚴嚴歲莫霜卉
木淒已腓亮矣鴟夷子微君誰與歸

少小學堂日解道春華遲揭來十餘載去日忽如遺心跡兩歷
歷回首空齋咨人生無百歲百歲將安施昔聞齊景君涕爲牛
山滋貴游事刺促幾不徂年悲我今守貧賤僦室城西陲作苦
分則爾日月若余私庶云就省曠亦美芳菲時被褐何足貴重
以玉自怡滌蕩放情志穩居江河塵

宮保盧制府遣吏人徵寫拙詩述德摠情賦呈四律

儒術能經世曾欽盧尚書文孫千載後邁績八州餘轉粟蕭丞

相籌兵陸敬輿清時

南顧重好是護儲胥

公辦西域糧臺旋平楚匪趙金龍之

難

餘事論風雅襟懷冰雪清萬間閑廈屋千卷饋侯鯖元老謀謨

地諸生絃頌聲淵源從古數陶尉繼劉宏

公已未會試出儀徵相國之門相繼督粵

著作千秋事銷沈幾輩才因公憐鄭璞引我哭秦灰嶺嶠扶輿
盡韓蘇風氣開登峯觀海意今古一徘徊

自信潛夫論難投光範門龍宮翻索寶馬磨遠稱尊古者酬知
已從來勝感恩海王收萬派何脈出崑崙

泛舟至花埭

春人寒涉江春溜急淙淙海日樓臺靚村香花草降烏蠻殊有
偶白鳥迴無雙令節宜歌曲聊聞橫邃腔

寄舍弟宗琦

老坡於子由相長三歲強而我與吾子其年適與方始宿懷遠
驛終領汝陰守至今餘苦語淒絕此懷舊子由剛且靜與子前
寫真我亦如阿髯怒嬉搖吻脣師古有工拙子珠我鱗甲而况
奉我謹直追曩賢及壬辰我失解毘毘秋風居於邑上子顏吾
反爲子娛菊人覩子色疑是秋風客至子失意中反無此閔默
爾來奇我作謂當於古求不計片葉迷翻云瓣香留握腕與子
別言竭情靡斷譬如坐風櫓三日尚神眩惜別恨情長憶別歎
神昏子心知我懷我夢昧子魂我行中風走子居食蓼苦未逐
宦遊人已失對牀語念茲反余素乃恐王路催急歸反風雨坡
穎一誤來

兵部何職方

文綺

坐聞熊鎮畿

功名不可爲，齋志卽霜露。行道有餘哀，况彼相與素。憐子有天性，了了自童孺。饑羸就舉選，僕遯守章句。文采雖不斐，紆徐學風度。庶曰遐福徵，取償在來暮。職方今歐陽，養士及貧涸。三年立門下，增益標良悟。奇窮天所阨，一病遂僵仆。雪霰何蕭條，郊原正寒沍。遙想宿草阡，風雲猶鬱怒。與子昔周旋，每以溼相响。解手幾月日，傷逝一號呼。在耳窮鳥篇，違心脫驂賻。信疏我知過，幹委爾何遠。職方此池館，百事未改故。桂樹脩廊陰，是子行歌處。人自接餘光，汝已長不寤。何當訪舊廬，悽薦向期賦。長風知我心，飛挂煙橋樹。

煙橋
林名

春旱答廷光

乙未三月月將闕不見農事分秧尖書生賦命苦窮薄尚有餘
痾關閭閭桔槔無聲斷匏棄漚澤出塊枯萍黏東屯西舍走流
汗噉課憊若親炮燔就中老農眼出血視天不語兩頰黔計絕
波臣乞分潤願與旱魃同焚殲幾日天氣吁可怪陰陽錯互交
攻砭寒颯夜入冰谷浴赫景晝躍崑岡炎禪袷春衣委重笥裘
襴一卸求輕縑宵分小雨差強意油雲暮暮如復幘孰知响沫
不救涸聊塞渴日裨毫纖惱公真欲訟風伯何因卻歸驅飛廉
起窺檐注星接雷屋角已挂三丈蟾時乎春及乃束手何日打
稻聞腰鎌常雩無靈天聽遠繁露有法神功兼徙市暴疋古云
虐須資長策詢謀僉或言龍嬾呼不起抱寶潭洞眠慼慼此君
前春惡作劇發我廳事一角檐飛雹掠面過強弩陰風刻膚如

刺鍼兩年入秋不可說一霖十日連城淹人民流尸屋廬盡至
今此地生葭菼錢塘暴猛信可畏與汝未有睚眦嫌年年况享
牲玉報得毋負報馨香嚴蓋愆補過幸今夕歡聲可鼓誦可箝
羅羅哇啞龜兆圻喁喁男婦魚口噉借汝唇吻尚有愛肯爲蒼
赤櫻鉅鈿學堂先生好心事預傷板屋憂釜鬻遂及其私亦真
摯長篇遠寄言詹詹那覓五升太倉米徒摩三尺書廚籤饑腸
君歎煮文字素髮我欲愁鏡奩憂端瀕洞一傾瀉幾時飯甕豐
年占

丈人

草草送春了悠悠傷遠思精神優滿腹混沌怕書眉別闕常嗔
夢窮工不到詩丈人心性好待我尚蘆碕

赴李大孝廉 鳴韶 招飲百韻

樂事每不數愁來動彌旬忽如墮煙霧及此長日辰入室儼下
帷起屨旋出門出門無所詣李生在城闔李生余汝同辛苦識
字岷豈不欲汝見嘔我一寸肝道逢祈雨人風翩龍子旛四人
昇明水披灑楊枝青泥龍水蜥蜴瑣細不一形熏熏煙已霾叩
叩額欲墳道左頂無蹠遠伏塵土昏人言一月來公私苦崩奔
亦既省刊纍亦既疏渠阮元靈西樵禡白晝南城關都邑止屠
殺鷺鴨羊魚豚祝詛引方外于嗟而吟呻天公眇何許上呼無
時聞白日徒昭昭不照千唬痕難忍見此狀欲行還逡巡君適
馳尺簡遙遞急足伴云有賣文貲可共消憂觥我屬采薪告夙
夕始得行握手一太息同視蒼蒼冥遂壓今古愁遂遺半晌閒

遂酌鄗湖酒勸我醉不醒熟知徑寸膠不辨黃河澄洽洽勺水
潤甯救魚尾頰且盡知己杯酣歌聲吐吞誤及往年事一瀉不
可扃壬辰冬之孟公車君有程我蟄守鄉閉未得送離轅風波

一失所反覆難具論憶惟世難初舍館於河清

南海縣地名

春時雨

陽若民訛無由興苗穎何舒舒條桑復英英驀報西潦至五月
日在庚蔽江下浮枕雜以柴桷椽趣歸及中夜荷鍤先黥髮寐
者呼使覺痿者走駢駢抗此一綫泥上與千濤爭崩波壓我面
其勢如壞山枯立猶束柴逆受風雨寒滂浪兩晝夜泥髀未有
乾降割方鞠凶洪口決李村嗟嗟十二戶地名盡室爲魚鼉鯨喏
以鼈駝有水無涯垠比鄰聞號咷誰知其死生我家三百指乘
屋如鴟蹲膳飲波面炊雞狗牆頭眠高漲更未已滅沒驚我顏

昏黑扶老穉一一下破船室人莫涕泗我有好弟昆

家明經澄
湘兄弟

緣岡互房廬足以相援攀可憐非柁工尾掉船頭橫千搖竝萬

兀寸寸強弓彎混濘涉中流上有星月明喜達賢主人舍我在

高闕色定見憔悴老親蹙額歎弱妻授我食執箸不下咽脫我

淖中衣易我犢鼻禪展視著股處血痕已朱殷憐惜不出口泣

睫淚漣漣搖手使勿聲吾母腸斷閒民生正摧挫我敢自求安

願以膚髮勤易此骨月完徹廬忍就棄旬日還巢櫓相守倏乏

匱乞米來大城兩地百里強早夜心凌兢天平人何辜颶雨萬

竅鳴聒甚耳目眩勢恐元黃翻平地有頓撼豈况衝狂瀾覓信

走且僵然疑半不真側聞汎濫中地塌千山平心肝墮何所難

狀此際情聞君鍛羽歸乃及江海傾尺咫胥江驛惡遇風颺猛

詰朝亟拏舟里門泊牆端指目認人別入室笑語溫我亦得書
反相對疑夢魂次第訊嫻族兼弔死問存略舉崩騫流令我吐
舌驚 天子今堯湯牧伯矧多仁請命叩閭闔借帑發倉困上
有蠲緩詔悱惻泣 王言下有挹注澤濡煦勸老慳匄爾垂盡
喘餽爾以斗升巡撫江甯公 朱中丞 桂植 萬家頭上雲攜扶先守令
併張遞薦紳至今服領南去思有餘恩旱魃又煽虐而地比悛
焚低田委白草高田飛黃塵嗟嗟龜兆圻野赤百縣盈豈無近
潮畦斥鹵齧其根居人呬無所闕視井已督料知早禾闕米戶
解索錢哀哀中澤鴻何處謀盤飧官家定正供里胥急如煎大
福諒不再未敢邀痼瘵我少負郭畝君非扶耒耕編摩手口勞
一飽羞儒冠艱食終見及况彼塗足民寤楸薦三載瘡痍互仍

因或言俗竄些奢麗襍詐諛蓄戾爲應召水溼火熱然或云往
必復五運有凋殘譬彼月盈魄終則隕其圓大造本茫昧孰能
測幽元我願剖心血淋漓通天箋稽首東南風寄上一掬丹播
穫趁時節首求逮冬春次求昶生理勿使壓溺顛尚歆郊祀心
亦願公孤卿爰暨百有位同德持鴻鈞三階正天衢作息還黎
烝勿穆貴無爲無懷與大庭是時泥君飲一醉三千齡抗慨陳
此辭吾將待輶軒

城市一首再寄廷光

城市多囂塵况逼城中豪南首望鄉國百里蒼雲高下有狎貧
士苦吟時和陶米貴不果腹羣雞日磬磬種瓜犂确場引蔓如
抽纜冒熱立草土剖此二寸毛黃葵豈汝意不見時雨膏近屬

良婦病日夜井臼操矣冷燄不然虛壁風騷騷驚波無定鱗華
幕有覆巢世難未獲已願汝親憂勞客遊久不樂虞奪風翻濤
聞聲略一概豈况日所遭我欲如漫郎江湖刺長篙投老就魚
麥勝處求其曹和子孤雲詩酌我千日醪

寄蔡瑄文學士司往蔡以鄉闈報罷西行不通耗兩寒暑
矣客有適粵西者宛轉寄之

雁飛曾不到君子乃游遨况復歲華落猶聞歸興遙夜深人鮓
泣月出虎佞騎海雪風騷首魂羈何處招

寶華坊退思別廨早起有述

浪士不舜跡五更起孳孳起踏荒雞音落日牆頭窺三丈楊柳
風下捎椶櫚枝椶櫚葉窸窸碧暈侵衣肥此莊腹數家其外垣

四圍我舍位厥中屈戌鋪玻璃照見幾家門空梁月篩篩流雲
送殘夢得知所夢誰斷角聲栗膠或夢征人歸甯識曉行驛瘦
馬衝煙馳據鞍亦得夢夢中仍別離恁况鄉井是曹騰門巷非
是時兩情悽吁惟明月知勞生故多慨局促塵者鞅道塗委容
華千願同一違咄哉端居客拊髀空爾爲

夏日卽事

西原宜落日此亦夕陽亭海雨魚龍氣蠻雲鳥獸形泉新流瀲
灩花遠去冥冥可有幽芳閱時間月裏馨
夜雨昏黃裏濃陰聚井梧電知淫潦長星帶草堂孤吹蛤譁牆
角流螢到座隅統統譙鼓杳踞上偶聞呼
度書好連屋日日鑽魚蟬略展龍威如聽鮫客談茶煙蓬葉

底硯席水花南倦讀眠指卷新涼我正耽

小住良無悶長貧祇益詩斯文騷選後此事鬼神知不病容關
病多師是汝師皇荅羣聽瑩裂遂試雲吹

半塘晚步

晚食散餘步風物靄將夕過雨流潦多隨意曳幽屐松涼望不
到爽氣生兩腋漸漸野水喧回回市塵隔孤煙接空暝一鳥入
雲白泥濘窘前賞攜坐村口石遠見歸墟人忙色上面額軫彼
衣食勞益我山澤適浦樹鬱其濛昏鴉嘯磔磔半塘蛩人家相
呼看雞柵詠歸歸路微晦月未返魄何來一笛吟蕭寥長天碧
諸子同遊荔支灣作歌

五年不遊唐荔園聞道池館增沙墩江山如此坐懶惰一榻兀

作蹲鴟蹲有客啟我荔之然饒興忽涌不可捫投袂未起覺神
注如渴馬脫銜而奔拉襪素心四三輩白鷺潭左波濤掀板橋
三折入流水帶以十頃荷風暄照眼戎戎春雲熱落腕的的涼
珠翻色香味盡三百顆恐一顆一妃子魂婪酣不飽亦得醉高
枝恨少穿林後軒窗盤迴俯明鏡畫舸登頓奉花旗景蘇何人
園數椽白日乃閉闔者闔那無題詩嘲屋壁且可拄杖搥衡門
門前行迹如流雲花天酒地來軒軒前榮已棲比翼鳥後從又
擁攢頭黿驚鴻照波珮玉儺翠鬪珠被何續繡甯識浣紗越溪
裏天寒日暮愁煩冤人情自私愛所愛譬寶鄭璞珍紀獻卽如
荔子秀遐裔俊物自比江鱈尊君謨譜之始興賦強立疆界編
籬藩閩人袒閩粵袒粵莊周齊物難平反何如當場取發興事

有附麗皆情根江山與我作賓主簫管且侑開壘尊眼前行取
萬里別李大鳴韶將以秋盡計偕此日可惜須臾嗽西蟾東烏
莽奔屬南鴻北燕分伏鴛後頭待得水歸壑攬鬢恐笑非僧髡
林神川后亦領首是何作達爲此言歸風持贈回檣邊虛齋落
日傾金盆酒醒前塵杳何處浩浩煙空吹夢痕

客中雜憶詩

廣場五情悅隻坐百慮縣客去掩我關忽已弦望遷精爽戰哀
樂迅入中年先中年亦已逼舊物長一氈貴誠不如賤向聞向
子平織絢與緯蕭作達取自然先世有遺志敢以家食傳北堂
况頽暮急雪墮其顛秋秋桂花落盼盡西風天存者能幾時逝
者永黃泉突梯古有戒捧檄世亦賢審知出處誼固以父母年

壯且不如人此後空可憐損益聖師訓三歎推遺編

二月魚兒粟三月魚兒秧四月魚兒眼星五月魚背蒼六月魚拍
頭欲競人指長我里下澤稅繭箔參漁榔歲歲牧人夢家家鷗
機忘舍弟苦士最棄俗如蛤蜊甯讀種魚經不入騎馬場有得
閒稱詩月計無幾章未知古獨行肩列誰輩行阿兄走塵土處
處持虛筐名翼或拚飛增口隨謗傷膏火同烹煎輸汝雲水鄉
所愧拙生埋家具遺汝將往憂藜羹糝兼餼親串糧懼此百石
陂難可干費當將毋苦將茶病矣嗟子桑君子道固窮金石振
歌商近况諒有述側仵雁翅翔

友朋豈不好燕笑時易闌李生

鳴韶

總角舊有文炳龍鸞十年

耐離合今年攜手歡旬日必過我一過三日殫問君何數數將

著遠遊冠勿惜相對頻預償見面難對面了無語終勝干書看
亦知十月交君踏北雪鞍此後明月輪兩人頭上圓亦或風雨
聲兩孤心頭酸君貧那棲遲我去愁婆姍人靈非鹿豕胡得一
處完匪不達茲理數子我所安徐生 台英 近失第寄食燕雲端
馮子 炳新 病早眼難坐更鼓殘忽忽獨寤歌附吾於考槃吾其
汎滄浪料理秋風竿

作客不還鄉藪蔓傷獨處不還居者痲南日亦愁予將雛苦無
成晨夜改寒暑晨興視老姑夜擁鍼神炬汝得堂上憐頗謂婦
職舉無以恩私故恐違長少序吁嗟百里闊日月墮深阻遠注
黯秋蛩孤心怯墜鼠是汝所生性弱小易愁緒尚想吟中閨教
汝歌白紵一字厄推敲每及寒雞語勸我惜宵分禁我嘔心膈

至今吾眼中見汝顏色楚以知此夜腸迴轉若機杼機冷無盡聲碧雲眇何許投杼望明河盈盈見牛女

奴星不偶命阿橘爾卽冤皆坐我窮薄速爾入鬼門白爾叩我堂去冬除夕昏豈直糞除潔兼惟行步奔我家咸玉之道其黠且敦平生江海人行笈暨朋樽爾伺醉人色解領中酒言文句雖不通亦能亂書繙求取百順遂至竟成我尊卽茲誤爾呼恐有欲出魂前榮移鐵樹其樹今已孫樹孫爾則槁爪痕皆淚痕替人旣大謬事事思爾存虛無主人惠慘怛嫠母恩母恩委如遺主慙那復論小物觀大化牢落容乾坤

古者士未遇名公首識拔惟其心鏡精是以譽之絕君看一部史此類幾人物奈何庸虛子老輩多項說隆隆獸殿材未合貢

株柷輝輝鴻飛袞獨蛹云胡綴高下各在心詎謂朝日隳夙昔
千卷皮往往欠終帙息影眇交遊未盡當時傑浩浩江湖深悠
悠歲月瞥小生顙有泚羣公眼如月茆齋階基旁有鶴片影雪
青冥得蹭蹬仍濯寒泉泐爾豈愛羽毛恐孤識者悅相鳥猶若
斯踟躕至明發

太平門門卒行

太平門下人僣僣太平門者耆且髯右髯垂乳左禿頷其禿貫
腦煙煤黔頻年過翁口頻咤翁始囁嚅漸傾瀉一生心事畢秋
風卅載行藏引宵話自言少小血氣頑射生擊劍無不嫺從軍
遂隸鴉兒籍簡卒時拔騶虞幡一朝烽火辰州路王旅嗶焯阻
淫霧驚心設砮蠻雲高附翼難飛楚天去奴僕功勳樹莫由由

來石堡要人收入穴仲升期取虎乘城潁叔奮持螯五更毳垣
響鬚策雲如車輪月如漆縛鞵從我十猛士緣上梯衝過猱疾
礮牀似有呼紅衣警慘腥風九人灰我驚拊頸頭故在始聞落
面轟崩雷趁煙直斫守陣首迴向吾軍亂招手大師壓入猶壞
山竟使壺頭返吾有此時顛面櫻瘡痕此時勇氣千人知共懼
河西白袍將那誇鄴下黃須兒事平守戍梅銷廟掌管北門尚
年少峩冠孔翠一翎風仕版象屯三品料無端洋孽橫鮫島海
氛甚惡稽天討祇應祈父爪牙非肯信健兒身手好上書欲効
前鋒塵羣兒謠詠成吹毛始知宦海風波險勝似沙場矢石交
從此失官編士伍衣食蕭條一環堵抱關擊柝寄餘生七十龍
鍾仍作苦話到淒涼言斷續言不成聲聲欲哭解衫示我舊戰

痕創癥覺體斑鱗鱗磅礪袒衣唐鄂國激昂束髮漢將軍我始
悲翁爲翁惜旋睨凶門意還釋幾得通侯印繫肘已歎征夫尸
裹革翁今頭白有孫扶眼看儕輩多郊墟禍福難知同塞馬英
雄老去有湖驢勸翁往恨休回首與汝作歌傳不朽弔客青蠅
此日來冠軍金爵他生受惋我清才愧杜陵難將文字繼丹青
瀕行徒訂監門約弊衣吾亦老侯嬴

蝗蟲歎

一年決堤砦齧糠乘屋居一年內河漲水宿糠粒無今春亢陽
達夏節行人泥沙滿脣舌拜乞天公雲腳雨難過農夫眼中血
低田十不三四收高田草土枯成鐵得雨遙遙盼晚禾命短心
長五中熱從來蝗旱定相資斯語吾聞老坡說果然黑雲西北

來青芟無芒木無葉海邦稀疏見此物相呼鐵螻驚蹙踏上游
走檄急坑捕縣官奔踰力空竭嗟嗟造物豈不仁薦至鞠凶坐
誰闕去冬冬盡除夕旁眼見鄰里愁口糧衣裝典盡到家具持
匱挽櫝相扶將市門擠積無人望日莫歸來涕相向村墟寂歷
煙火微餞歲不聞爆竹颺回首 仁皇晚季時不在人間在天
上嗚呼二十四年游食人三年投足皆荆榛何況懸耒閉門相
對貧

乙未閏六月初一日夜記夢

天風抱瓊臺盪作江海聲手拓西北窗水遠天崢嶸階礮石
璀璨活與鏡面平明月自出入雲扉長不扃起蹙冰絲絃坐鼓一
再行得非飛龍引雜以寒雁鳴聲希月流素梅朵霏英英嗅梅

得馨逸有語無聲麇粲者何人斯忽與予目成斧冰持作糜飲
我碧一泓戰吻吐復嚙肝肺餘孤清長揖粲者言忍寒我則能

鄭玉樞藏邊壽民畫四首

水鶴

似聞折葦聲沙水靜晶晶飛墮一點明青叢窺已了潮落月黃
昏煙漫江白曉縱少漁篷過得食何微妙忍飢西復東不見杜
陵老

蠃

昔者王文簡堂皇治爰書書有螭蠃名觸公饒涎濡遠言津門
秋今年足團臍僚屬皆胡盧饕悟眞起予儻遭老邊畫豈籍逢
麴車

野馬

野馬棄廣漠日莫散不收主恩亮云薄得毋汝愆尤龍姿自矜
寵嘶齧鞅轡柔躑跌苟害羣不如服箱牛慎矣當門枝助哉駛
風舟

蜺鴨

蜺鴨原家鳧厥名能自呼放逐羶腥久本性因模糊豈惟忘爾
名兼樂趨潢汙江湖有稻梁飲啄未云迂落日肯回首久立呼
歸奴

和錢給事儀吉登鎮海樓之作

積雨彌半月臥榻寒生苔坐使羈旅人履綦旬日乖晴雲吹笑
聲忽落山城隈公也備九能健可賦強臺枝撐出深窕遂栗層

層階檐危鐵鳳翔漏盡銅龍催獨立浩茫茫用惻曠土懷越岡
互脩蛇綿絡鷺潭枯肄江白一髮飛舞城面來日月鼇背行東
西墮塵埃人事何攘攘日夜聲般雷番禺古都會蕃貨稱奇瑰
闐闐咽歌吹組練曜輿儻腴壤帶千里下與滄溟開五管茲大
府俯仰增紆徊民氣比少隘辛苦告汗萊古者堯湯年罷人不
言災實仁春陽惠嘉聲流海涯遺愛石可懸表廉珠可回憑高
集遐喟勘難思雄才一翻變徵聲和入天風哀

花埭翠林園諸勝

綠樹朱欄碧瓦溝菊英葵燒坐中浮何因地主逢迎美比似星

輶警欬留

園中楹帖多諸當道往來手蹟

舊曲蒼涼花月夜新波搖盪海天秋

素馨斜外斜陽遠未許羈人一散愁

河南張氏園亭贈勞翬

塵熇里門外夫子自名家水遠雲常態秋深月正華敲鏗聞折竹窈窕見幽花問字揚雄酒侯生何處賒

三山道中

歸鴉點江光寒聲散遙野輕漪溶溶嫋側景亭亭下柴扉八九家積稿高隱瓦下帶獨木橋瘦樹不盈把略辨松與杉落影江面寫秋原白晚晚風日正瀟灑帆檣信波折勢飽舟如馬苦逐衆人行年年去里社江山豈不懷貪嗔勝情寡故居有茅蓬物役胡爲者

過關一士場兄弟晚食兼簡張梅二生

孤往亦有適冬心翻浩然峯嵐低入夜海雨急成煙交道狗屠

重詩聲鳳味圓拌將二三子泥醉燭花筵

桃源里訪關二書齋卽同登正覺寺後山

栖栖欲何爲坐闕佳日適意行無深阻庶遠物態逼澗岡陰竒
窾阡陌古開墻枯槎寒未黃安竹泣猶滴颼颼答風泉潭潭轉
雲壁之子荃蕙芬洵美花源宅林塘得幽引農畝寡塵色水車
哀彘鳴山吹候蟲寂枝格曖嶽岑靡蕪緣咫尺層宮眇煙閣綫
路入雲直觀魚識淵沈羨鳥泝空厯谷聲豈虛傳井渫嗟不食
大堤人正亟流水轂以擊去住紛有懷推遷日何極終當挹希
夷移家邇三益

典衣四絕句

典衣原不損丰裁簞篋筠籠取次開我喜他家收拾好未因金

盡降顏來

思量雜珮拋何所約略陳書失已多到底敝裘能戀主歲寒時節祇饒他

別久相逢意倍憐記從何處話前緣春衣與我同飄蕩南北東西寄歲年

綿袍贖得當金貂恰是梧觴不寂寥袖底雨花襟上酒可能留到上元宵

守歲與閨人夜話二首

漸漸衣棱凍娟娟鬢影深鏡匳今共命燈火此愁心萬態趨殘

夜孤思殿苦吟高懷吾愧汝卒歲恥言金宋真山民詩貴無可買恥言金

近恙亦良已遐憂方缺然與卿俱省恨明歲入中年事往疑尋

夢親衰每禱天翻憐株守好說笑展春筵

朱九江先生集卷二終

再傳弟子校栞於讀書草堂

朱九江先生集卷四

詩

春懷八首

孤生短褐走風塵，偶息蘧廬見在身。
抱膝敢言天下事，論心長待眼中人。
燈花耿耿照聽雞，夜驛柳將縈去馬。
辰只有緗梅解娛客，迎年饒放十分春。

贈履投簪跡豈疏，蓬蒿休學閉門居。
題詩人日煩常侍，作賦童年擬子虛。
近稟叢如牛網大，遠方書及雁歸初。
筆干氣象吾何敢，多事羣英載酒車。

怱怱枯燒動陳芳，漸漸飛花落酒杯。
有用年華虛攬鏡，不勝今昔強登臺。
流連佳日供多病，省識名心愧不才。
文字起衰思七

發向來那遽薄鄒枚

人海波瀾日夜浮無心我自汎虛舟飽經憂患豪懷減弔徧興
亡古淚收讀易正須明損益著書何必待窮愁開編好趁花時
節古意今情一闡幽

從頭歲月去崢嶸臥看天階轉玉繩老輩憐才同命鳥散人羈
跡在鞴鷹大科眇莽知何許小技吹噓記得曾多少捩心辜負
處扁舟江海望觚稜

月落烏嘯昨夢之舊時高李動相思天橫古塞雲隨馬風刮平
沙火炤旗道廣星辰同里聚氣豪湖海有人知居游兩地成何
事二鳥吟餘鬢已絲

謂徐佩
韋台英

稽天浮漲倒江河往歲南雲涕淚多大澤魚龍爭陸地中田井

稅委盤渦瘡痍甯免三年艾禱祀都先九穗禾今夕語聲合樂
愷元生于蔦緩聞歌

光風又逗海棠陰千里韶華一寸心春日易兼殘夢短江流難
寫別懷深但遲鷓鴣鳴芳草何害鷓鴣去故林不是江南傷宋
玉明時擁鼻本高吟

廷蔭之廣甯五首

披豁生平事能狂亦可哀文章甯造命飄泊益增才悴羽噉音
變華桐鬣尾灰防身有長劍寂寞拂塵埃

雨泣麻衣雪那堪作遠遊巫咸終古恨天地此生浮蠻嶺重重
樹風檣故故舟寢興頻記取霜露滿松楸

壯士行何畏君行一失聲小人同有母何日息勞生浪跡衣中

綫卑栖舌本耕月輪應照見永夜有餘清

旦旦催明試侵星戒學徒艱劬僑眾母束縛布黔奴復此傷於別難知化者樞倒衣趨執手三歎問虓蛄

擲我驪駒曲江流應向西休論百回讀恐放萬行虓棄吏惟耽麴初昏重纏笄定心齊去住高臥視天倪

談太學過六榕寺寓舍三首

垂虹飲城南南海三日雨羈人帶不出坐送日月古遙識靜者意卻跡染花譜翠墨灑欲滴庭綠相媚嫵而我亦掩關萬卷照愁緒小屋如鳧鷖汎汎風水渚久失蟾窺夜亦聞雞唱午午長點茶網遠背擢煙縷近聞新水活干啞碧掀舞豐年已在目一飽先自許逕欲覓故人勞慰倒瓶甌開門一笑逢叫絕不能俯

嵇阮去千載投分輕鴻毛寂寞黃公壚無人繼石交遠彼陳驚
座陳秀才肅客離堂劫略欠酒家胡聊分麴戶曹清懽飲文字
俊謔窮詼嘲坐久落檐花萬竅號調刁依人少稱遂盡此片晌
豪夜禁畏昏黑晚鼓統如敲命輿急油幕曲折隨低高眼瀕轉
燈火耳鳴過波濤翹坐有頓撼况爾昇者勞已矣付夢痕靜對
挑蘭膏

思君適見君失喜前相持見君還別君對面顏色低如遺萬金
劍意氣無憑依我落城北隅君去城西陞三月一相見終歲能
幾時人生無百歲念此吾將噫鄙人昨南還月墮流黃機入門
自芳草竝鏡茲容輝惜哉春華晏去若風輪馳平生意可人會
難苦多離天地信逆旅浩浩陰陽移忘情若草木吾行元子師

寄題家明經

澄湘

秀坡

山半明經宅溶溶落碧陰江湖隨地遠花竹閉門深雲氣切書
幌詩聲流玉琴一邱子亦得昔昔寄遐心

八月來風雨總至隄圍西漲向覺可憂感書二絕句

萬室郊原稔識災連雲隄砦亦堪哀傷心屋角纖纖柳三見衝
波照影來

短堞高牆洙淺痕二儀積雨又黃昏哀鴻病鶴知何限才說東

風總斷魂

潦時東風則漲甚以決邦人憂之

和錢給事春思曲

春筍扶釵紅玉香灑窗茜影朝曦涼倭嬌成
放弄刀尺裁碎冰
綃破春碧銅鑿呀鎖金葳蕤黃鳥交交撩夢思微寒入翦妾先

怨明月墮懷君得知紅豆飛花應結子青陽不歸時暮矣珂馬
丁當天路長紫乙北游南雁翔煙絲香銷雪生禿陳草夢歸花
滿堂堂閒蝶懶游絲卷今時晝長舊宵短春懷迢遞春波輒照
人斜領亦可憐淚落空波暮雲遠

寓齋詠物三首

竹

暑地涎綠陰如渴覩雪盃誰割瀟湘雲清餉蓬萊館筵筵魚尾
垂兩兩鴉角纂呼奚急揮土奈何值乾暎眞作孤生根其一已
枯斲瑰材苦培護况乃傷擊斷負手對微哦煩吁一蕭散想當
踰歲後攢戩風柯滿指爪偶然蹟去去良晤短夜雨鳴秋堂誰
此搦吟管

鳳仙花

條苗鳳仙莖風日華色舒吐花如玫瑰
浥浥媚我廬七尺麕眼籬籬表窺扶疏
匪輦而自致實恐往歲餘不然屋山雀銜子於
前除遂有蜨翅來嗜瑣眠蘧蘧野莧不自穢
潛根抵其虛昔聞害蒿苳杜老增歎歔
白苳不甲折茲花曾晏如邀客問元理兼
煮中園蔬

瓜

我昔請學圃青碧日照眼甯似此牆角瘦
藤檨竹綰是時瓜豆棚接屋手編剗吟
蛭嘒檐牙秋蟀切牀版科頭黃篾底亦得
理積簡口實良可求那慕萬金產自從走
塵土辛苦蟲蝨蝨足跔竟何成達者爲笑
莞遙遙漢陰甕惻惻劉瑀限不食匏繫茲
吾

生一歎報

憶弟

恨別殘半月別懷今故園桑田豐益歉梅雨晝長昏齒弱行藏
決情高笑語尊有人傳鄴谷煙柳不開門

夢讀佩韋近稟卽寄懷落第南還二首

東勞西燕兩怱怱落日無端賦惱公遠夢警回雞唱後華年消
盡馬蹏中迷漫京國三書恨寥亮江城一笛風猶道文禽同困
羽可能擇木穩春叢

近計梁鴻出漢關五噫不唱唱刀環異鄉詩句勞人淚落日塵
沙壯士顏合出素衣朋舊見莫催清鏡鬢毛斑故園尚有冬青
樹歲暮山寒共往還

寄衣

省識紫薇樹姍姍近繡幃日長雞報與花落鳥銜飛獨夢悄無力怨心疲累歛茂先亦兒女宛轉寄羅衣

六月十七日談太學招同陳秀才

文瑞

家明經

澄湘

北郭

郊游晚集明經秀坡山館四首

海風饒與盡情吹古院排闥慰所思地愛小山招隱處客來佳月尙圓時悔曾慷慨留詩諾話到平生易酒悲獨有三言情三五什邀君塵外一舒眉

難得樊川笑口開緩尋延郭問蒿萊連山莽莽飛濤下斜日荒荒大野來天海漸涼秋有信興亡如夢劫餘灰騶夷內款龍編伏莫爲山川惜霸才

移家申約太區區苦訊江鄉俵寄租耽僻客嘲揚子白望衡吾
愛丈人烏長途疲馬慙筋力暮雨離猿有嘯呼知己四明狂監
在因依爭不賀家湖

途次太學訂
移居之約

菴鬱重城萬瓦漉高齋花竹白嫵娟澱清夜色天如水搖盪風
聲屋似船草草栝盤真有味恩恩詩句澀難仙勒移且莫嘲逋
客暫安名山結淨緣

奉陪山長陳蓮史師登粵秀山至山亭胡太守

方朔設樂

置酒

到海百川匯雄觀盡此亭天空收蜃氣雨急過龍腥行憶無空
谷華鐙有落星從來盧子幹絲竹亦傳經

西園郊居

夫九工七主表

詩

六

卷四

雷暝不到地遙殷雲際音雨暘兩無朕浩然天宇深交疏反頽
景縣嶮停修陰平阿下來牧高翼集歸禽游眄有肆應會心無
獨尋紛子冀良覲溽暑力不任朱炎失炙石素月方流襟激激
水荷動撼撼庭篠吟正適佳日酌遲援涼夕琴蹟故切懷曩情
新思自今居貞北宮悵抱獨南榮心願三言繼微尚塵軫謝華簪
廷蔭到得舍弟宗琦消息作長歌寄之

江鄉暑昃滄煙嵐七十二峯飛壓檐雞栖人家帖桑樹外帶流
水山差參無田亦美山水縣全家呼吸餘清甘工愁翠袖寒倚
玉就衰白髮霜纏簪數齡雛穉嬌養久弄潮捉影尤跳憨有家
離家走乞米仰俯何有非誑談白雲在天花送淚吾輪安豐董
邵南有弟有弟年少廉粗穢既盡留清嚴刪煩汰冗百搏節入

關惟取約法三百無可詒詒汝肆念汝辛苦予顏慙自憐難及
葛藟庇廣廈枉用言炎炎况聞風戾不稱意萬家上箔憂僵蠶
愁纏似繭我心痲命短如絲民氣燿忽吹佳語踰重緘此語何
自自阿威糠粒則窄波瀾恬凡今之人弟也堪五柳閉門貧賤
足百花釀蜜中邊甜我聆頓作雀躍喜以大嚼塞饑夫貪解手
兩月萬感集遲子來吐聯牀談浮雲驚空赴急節羲和浩浩無
停驂方舟沂江吾未濟中流底處收風帆魚函晨發鄉夢澀雁
霜夜入燈光藍吟肩明日愁秋衫

雜題絕句

九衢赫日氣騰騰三伏塵勞倍鬱蒸埽地打鐘無箇事就中輸

與柏堂僧

六榕寺
丈室

無多門館自清華
蒲褐風甌白足家
長日如年底似水
隔牆吹過五楞花

幽尋一棹翦波行
分飯齋廚分外清

海幢寺
圓公房

便汲井華重洗耳

杭榔陰聽畫眉聲

喜宗琦至一首

乾鵲驚檐喜可知
解衣握手尚迷離
塵容似我吟詩瘦
古調輸君抱筆奇
江海有時龍變化
風波無那燕差池
黃齋紫蟹紅燈影
且許從容話井眉

江東誰似阿龍超
世味曹騰漸不聊
久別敘談疑夢對
佗鄉懷舊倍魂銷
山城壓瓦墟煙重
灌木排風埕影搖
試向天街回首立
元蟬秋葉晚蕭蕭

俳體戲答友人問

謹案先生此詩道秋試也秋試薦卷中用史事主者不解以麤棄之揭曉後主

者發其卷知先生名悔自失焉

請出聽來事可嗟矛頭浙米險些些定知貧賤牛衣債未了扶

風處士家

略減容光滿月痕壓驚荀令最慙慙豐容不稱詩人婦正好環

肥瘦二分

風鬟水珮動珊珊飄瞥氛煙一慘顏擬抱齊紈同玉碎爲郎名

字在中間

附和隨聲到處皆遺珠喪貝巧安排圓明三五如珪月見否團

團在妾懷

拋到俳諧笑不禁那言鄉土力難任佗生願化同心藕補種情

絲入地深

來書云鄉土無此風致佳人失扇子去恐是爲地所囿云云失扇事雖子虛其言致足感也

晨起海棠見一花矣詩索舍弟和

雞鳴庭樹白初日上何遲碧露悄含凍幽花明見姿春華歸晏
歲吟興忘調飢信口詩篇好原通以息吹

過粵秀書院是杭大宗編修舊講地卽呈區仁甫先生

槐階晝靜陰離離秋蘩滿地涼珠垂連步堂皇轉深闕夏屋具
與賢者宜咄此海邦一片席名公先後常肩差墓浦老人號儒
碩殿前作賦摩丹墀學老材鉅載翁受會希賡拜追龍夔過雨
鄰翁告牆築初昏新婦陳竈炊優容便見盛明世江湖魏闕皆
余思中朝歎惜南士喜畫以團扇繡以絲門下羅元煥陳華封
盡才俊說詩更有何西池一時推挽此焉盛韓山蘇海齊等衰

天爲南方洩瑰偉貸公手筆揚詡之波羅廓邊峯紫翠昌華苑
外波漣漪七級金塗鐵鈴語雙門花漏銅龍噫盡借登臨寫雄
快百篇在手宮商吹勝地逋臣兩激發甯比鬱屈哀湘纍後來
老沈亦耆舊椒園先生嵌壁石刻猶歲稊訓詞深厚文爾雅跌宕終
遜公風規嶺南一集在天壤名山千古欽屢屢我思山長匪官
職諸生北面環皋比有時譌頌士林口去思勝似良有司我生
繩墨託大匠曲轅三載歸工倅大小雅材共廟切人師不愧甯
經師百年文獻未銷歇今昔繼照同娥羲高山堪仰自不朽安
事元凱沈豐碑

李孟夔

鳴韶

明次卿

倫

馮愛之

汝棠

南歸同枉城西寓舍

有作兼簡徐佩章

台英

李愷儔

彪元

湖海收身客塵纓叩我彈銜杯霜月皎聽角晚風酸斫地悲歌
易登天得第難到憐空谷樹幽夢汜崇蘭

過瀾石追悼劉崧孝廉六首

纔合金華宴俄悲玉樹沈煙雲成過眼貧賤失知心楚些招何

處越吟傷至今

孝廉疾前詠白蓮句可憐君子花飄零墜殘雨竟成詩讖

那堪賦懷舊搖落

正秋深

憂是傷生事斯人不永年種情原絳樹

孝廉紅帖及門而生故小字絳生

而齋恨

畢黃泉羽翠留觀美膏明惜自煎縣厓今撒手靈氣想翛然

風骨平生傲交余首忽低集虛名士少邁達古人齊逝水齡何

促尋山願已睽趙嘉無限志悵悵唱黃雞

亦解彭殤理嗟君白髮人彌留仍子舍泉復迺慈親苟偃合猶

視元賓研又陳屢思牀下拜哀慰兩逡巡

記昔憑棺慟眞傷執紼情誅言應有作悽斷不成聲論廣朱公
叔號來范巨卿得通冥漠否我亦太癡生

咫尺過瀾石歸帆面爾居生芻徐孺祭死友秣陵書哀角清霜
裏寒江落木初煙蕪瑩草宿流恨滿郊墟

贈馮六愛之明二次卿時二君相約假館城西僧舍

一別如風雨三年閒薜蘿愛才焚硯得結客散金多閱世天如
夢平情井不波惟餘遲莫感對酒足高歌

吾生安逆旅今日且郊祠佛火幾星碧山光無數青龍蛇有藏
蟄蘭芷合芳馨頗快聯牀約幽談到梵經

六桂山樓望春之作

游鳥檐聲喧喧聲有餘澀春陰不到地暮此西景急雲膚磨未
瑩石髮泣已溼波生搖溶溶葉委涼浥浥碧草天青冥望視困
遙集百里墮深阻煙絲兩城邑相思負無力寄遠來靡咎天長
夢魂短知汝芳華泣屏營面山樓日夕光景入煙鬟渺含態窈
窕赴獨立何當飛朝晴忘憂拄吾頰

峽山寺四首

北水奪寒峽回回千里來溯流三折入鑿翠一門開阮徑蕪隨
沒禹祠筠可材添衣夜多警猿噉有餘哀

一髮尋初地

舊飛來寺

攀行頂抵尻蠻山入烏鬼人命颯鴻毛鶴鶻

排風出巖巖得路豪年來解齊物未肯置身高

栖灣古凝碧題句不能終照眼此栢水曾窺蘇長公蛟鼉寒不

睡松栝遠生風欲語無生法收心息梵宮

拱別應公去

應大師廣西鬱林州人

纜舟清我心嘗魚寒具出談虎夜燈

深雲合諸峯色風颭萬壑音江湖方滿地滅跡不成陰

寄宗琦弟正覺寺山居

高齋平割鶴巢居清簟疏簾夢有餘人語如潮無意後松涼潑
水未秋初偶因遠道猶憐我得住名山合著書坐客莫須談外
事此閒風月最清虛

韶州曹溪口有制府盧都堂遺碣慨然賦詩

昔年吐氣謁臺端賓從威儀會漢官較量尚憐三雅小論才不
覺九州寬龍門峻極青天遠鶴羽襪褫白日寒今獨扁舟緬遺
蹟西風吹淚使君灘

公嘗見謂天下雖大人
才有數至今心感其言

有憶

陳詞敷衽太丁甯贈別迴腸宛轉傾禪定可因香破戒天生何
用酒爲名橫塘曉發楊枝膩芳渚春遊蕙草生最是憶君鐙欲
施更堪江上子雋聲

古勸酒

今日良宴會急觴甯復辭令節易風雨情人多別離

寄劉九潭州

行客與秋葉漂零不轉頭華年長旅食泔水接離憂鼓瑟靈娥
怨投書羈宦愁招魂無處所最是古潭州

朱九江先生集卷四終

再傳弟子校栞於讀書草堂

朱九江先生集卷五

詩

贈馮四 炳新 復試京闈

雨餘海光闊載酒送遠離離多疲怨心那復歧路悲子旣無營
魂余亦拙言辭底須折柳歌而亂人意爲低昂江上舟飄裏舟
上旗且盡手中杯去矣如發機甯知居者腸迴轉車輪馳振觸
平生事心目來依依喉吻棘芒刺吐卻理亦宜兩生總角交膠
漆謂遜之子才明光玉表裏無磷緇言當設九賓席上呈葳蕤
高歌眼中人此世舍汝誰身事有反覆天平安可知風帆入大
海一發收何時一歲折將離一歲寄當歸自此波面萍各賦長
相思相思厭離合十有二年茲失作駟負歷輒用虻憐夔長風

夕
送天衢今當一鳴飛一鳴豈不慰至竟悲無涯容華閱塵土未
老潛凋虧昔爲朝華妍今作秋陽萎酒紅辭面顏霜縞尋鬢髻
還家拂不去其白猶差差里嫗不敢認道是誰家兒是時驀回
首怕汝涕兩頤差喜北堂諶留及春風吹堂前荆樹林窈窕華
其枝閉戶益然足遂樂南山飢以茲強人意去去從此辭杜陵
遺贈言更當慎其儀客途有明月遠逐征鞭揮故人指月輪迢
迢溯心期

感事與馮六

汝棠

孝廉陳九

信民

大令夜話大令抵足同

寢卽追懷尊甫心農先生二首

數百容公輩其如扞網終敗羣愁害馬亂視惱飛蟲事以心平
定機先日聽聰不文嗤絳灌黨論本來空

舊日梅花帳丰裁故不高里豪歸拊背海盜失如毛州邑尊王
烈宗風續孔褻摸牀同不寐聽徹曉雞號

山閣夜

集樹昏鴉定松門夜已分波光涼似月人意懶於雲衣鏡窺來
悟瓶笙靜裏聞叩關誰剝啄或有訪論文

丁酉九月十八日廣州歸村泊甘竹西岸

利涉吾何有賊船感不勝海風搖噩夢潮氣入昏燈浪作鮫人
泣終憐龍斷登師峯迎面立對酒兩峻嶒

北邙山行

北邙山顛松柏桐坐閱人代生悲風華表荒荒日將落牧童敲
火牛礪角宰木爲薪事猶可昨日豐碑今柱礎誰家發引從如

雲輜車會葬來千人此千人者衣冠素丹旒厥旌照衢路金鐙
不熱三泉寒塵世變滅隨風煙石人不語語應淚眼見官人卜
穴去

送屠使君還楚中

使君子身需次
來粵近復悼亡

送暑迎涼過雨天歸風剝剝促行鞭自君之出踰三歲此別無
家又一年駟牡倦遊長路半孤雄尋夢故巢邊漢南試問親栽
柳如此長條已泣然

陳九明府走書借讀二樵山人集卻題

一盞寒泉供養來楚騷餘裔亦仙才

我師昌谷頗
能仙集中句

前身合是梅

花骨流水空山獨立開

南漢宮詞倣李義山隋宮

紅雲宴罷火城回丹藥方嚴水殿開五色羊珠收寶去四門魚
鑰斂錢來朝中卮酒恩猶渥海上樓船事可哀豈獨花田弔陳
跡鷓鴣飛徧越王臺

憫潦詩呈愛之次卿兩孝廉四首

連宵發奇凍中人毛髮灑預憂水氣盛西潦驚里社數日聞訛
言滿耳雜侈哆忽傳高漲及矜峽三丈瀉倒屣往視之駭目汗
盈把激盪風雷鳴渾濁天日赫古潭眾窰戶滅沒出寸瓦一漲
三日期一日百憂寫幾時誓安瀾刑牲斬白馬

急流既呼洶長風復蕭颯大隄如堅城浮脆同輜毛延緣一綫
泥障壅千丈濤是時萬家命呼吸人鬼交鷓鴣爾何物白日聲
鳴驕得無鬼伯使作此絕命妖野人聽其聲一寸魂搖搖有飯

不暇炊有機不得縑重憶癸巳歲淚落連珠拋

中夜鼓柝來告急踵相貫既潰曲爭頭磯又報河清岸賢哉兩

孝廉吉凶與同患肩輿弗及待僵走泥至胥武力來什伯椿埽

亦億萬一夫抱其根投沒奔湍半一夫椽其頂飛空奮椎健剽

疾過竿戲勢上切雲漢奮搦各就理出險發深歎覆巢與完卵

其間不以寸去時五更霜歸時二更飯

壤地各有疆護助亦有盟吁惟此邦人真不可與明不自有其

土樂禍如佳兵費我借箸籌曾無篋犒情是地豈聞田虞芮兩

勿爭不爭事猶可不救瘡痍成三五垂白叟叩頭厥角崩藉非

明公惠百室魚頭生揮手謝父老我亦識字氓肉食從古爾請

勉秋稼耕

象山社緣麓行至鬱水上沙溪乃反夜已嚮殘

水國森夜涼明河落華甸羣動淒已寂萬象悄彌禱村春晚凌
厲成火寒隱見行野忻有適發興乃忘倦高陸石切額迴溪路
彎綫仰登屢蹠局俯遶乍蟲緣浦澈漁家艇松根網絲罨趁樹
約鄰多吹萍行汲便晚食瓦盤酒兒女雜嗔怵世態苦喧卑此
樂讓汝先席草接輶語月破川浮練落葉散魚背清霜厲人面
更永不可留回蹤帶幽眷

門人老上舍鶴年送酒二首

初日上檐聞鵲喜開函起舞動比鄰便思說劍邀豪士大好攤
書對古人蘿月涼添江上夢花枝紅入鏡中春卽看臭味從同
處交道文章信有神

平生快意說堯鍾荏苒中年百慮空世態漸飛言似雨

易林尊
空无酒

飛言似雨 懽場銷盡氣如虹灑沈力困華離國珮璫人憐大小東最

擬中山千日醉鳴磬四野正哀鴻

諸子同遊海目山還舟沙口關四兄弟留燕作詩

僕身出風檐去去不留行從容理襟帶洗面塵一升始覺天宇
高又見星日晶交親喜我歸提挈觴榼盈餽餽雜軒轅進辱償
退榮三子益標勝把臂山水程入耳顏忸怩我曩何所營得無
巖隴笑亦教猿鶴憎誨我達者言合軌匪逕庭古有占利涉亦
有不字貞鳥還與雲出兩兩無虧成促袖出青蚨買舟千丈泓
如浮博望查去問牛斗星隔波望松翠頓豁雙眼明兩崖如斷
玦後者窪以平綫路達前崖漸漸生圭稜前崖兀然高回顧若

有情平吸萬里江削立一點青終古流不去未屹滄洲城崖趾
穴龍淵牙角實峻嶒難測支祁鑠屢通雷電靈至今鼓角夜髣
髴疑出聽緣崖徑寸樹盡作蟠虬形尚想區中允有誓留元扁
明區用孺先生大相愛其地謀歸老焉集名海目以此鶴路失退飛山價亦已增君正健
腰腳我又老笠簦曷不此誅茆來結江面亭海風中人猛五兩
難久停回頭數行蹟步步鐫心銘重邀主人惠一盪饑腸鳴沈
飲自展放談諧四坐傾昨者何局束蚓竅鳴蒼蠅今茲何勇銳
膽犯蛟龍腥乃知人一生位置非有恆譬彼手鏡照愠喜本自
呈先迷不可諫後得庶有徵行編海日集兼訂酈元經

宿鄭中書 景祚 西郭書莊

柳絲容裔碧波紋繫榜搗門犬吠雲詩做柴桑陶處士人呼齋

茶盃嘗君秋蟬翳樹風初定老符眠花日欲曛慚愧鄭莊頻置
驛賦閒堂上息勞筋

何兵部丈枉過寓齋言懷有述

望見須眉一灑然得從冠蓋儼神仙追懽我憶重三節好士公
如六一賢神物久慚金躍冶名山敢怨玉生煙五湖三畝皆臣
志恨少貧家負郭田

借居正覺寺蘭若雜詠十四首

松逕

一行松吹中百體共淒警羨爾鶴巢安罡風吹不醒

榕社

不見象山人空餘象山社合抱榕蔽牛曾識吟詩者

前明黃觀
察應秀岑

司馬昌運等及先叔祖烈愍公結
社於此陳文忠子壯亦時與會

月臺

滅睡立文階
偃來石闌滑不為
秋夜涼惜此故山月

山塘

夾澗松濤瀉方塘
一鑑明勿為泉水出
終保在山清

藏碑亭

宋桷未崩摧汗萊
何蹇澀披莎展殘碑
野鼠作人立

南國祇園

士來南國聞根兩
不居菩提本無樹
何處覓精廬

佛堂

帝釋只垂手
修羅徒奮兵
詩家自在慧
吾服古先生

讀書齋

桑國愁潮蒸山居信埏爽開函索蠹魚初旭照書幌

西閣

拾級孤響簷鉤簾遠原集日落未落時隱見征帆急

南窗

對宇桃源里推窗雲樹涼但能忘魏晉白日到羲皇

用杜句

藕花池

風林纖月墜煙靄浩茫茫童子舉簾入微聞風露香

香積廚

僧去灑葷腥我來潔鼎白儒墨兩可忘也共真一酒

霏藪室

誰抱冰絲絃，猗蘭調重按。美人遲不來，彈出瀟湘怨。

山靜堂閒處

悄悄無人語，平檐日未西。晝長煙縷直，時有竹雞啼。

與廷光小飲懷馮四北行未還卽事四首

斐几團欒對松堂，笑語新子諒人似玉。澱豔酒如春事去，謀生拙心閒得句。眞杖藜能數過，觴詠不知貧。

歲晏寒淒緊，庭空夜渺漫。有人當短至，罷酒憶長安。白日中原盡，青山一髮看。離亭舊楊柳，搖落角聲殘。

秋風動關塞，之子悵何依。已閱炎涼候，應隨鴻雁歸。新霜凋旅鬢，落葉滿征衣。晚臥滄江者，憐君一累歎。

翳盡初三月，霑衣細雨塵。梅花村僻路，竹炬夜歸人。故舊多行

笈平生一岸巾
回頭山院閉
煙樹鬱嶙峋

晚出歸山館有作

掩關歲云莫
迺息輪鞅
恬夕陰
諒已繁
放歌出叢樾
冒徑饑飢
竄投林蒼鶻
沒松涼
落衣裾
灑潤及膚髮
何必入山深
芳華無時竭
古糞一矢遠
滄泓乳湏活
傳聞老頭陀
布金搜井渫
闕此甘露門
眾生飢瓶鉢
至今風雨昏
僧眞見泉穴
事往陵谷遷
緣來香火結
我出尋素交
歸步夜光闕
慮澹追古懽
趣超得新悅

久立寒杵沈西指
銜山月

桃源非事見九江鄉志

小除夜書懷四首

大高醉後欲橫參
人事侵尋感不禁
名士本來如畫餅
窮交從古重分金
一鐙促席殘年飯
孤枕空山此夜心
息盡塵機飯淨

士明春相憶薜蘿深

不及高柔少宦情紛爭雞鶩太營營拈毫我自無中壘擁鼻人
多傲洛生蘇季陰符成底事孫宏經術各知名翻身且詣和神
國料理觥船待麴卿

平原歎逝賦何多短夢輕塵跡漸磨感舊情懷如中酒遣愁詩
句比降魔門前風日都無賴眼底山邱喚奈何莫使流離怨充
耳東來長葛恐月人

巖栖此夕稱閒身誰憶平生漫浪人青鳥不歸前日使蒼龍空
轉隔年春唐花欲放先容折魯酒能賒且未貧差勝爾時逢臘
尾雁行債客惱比鄰

張太學饋歲有水仙花普洱茶二種詩屬諸子和

水仙花用黃山谷詩韻

一錢取看鴉頭鞮腸斷千秋馬嵬月何如招得洛川魂賦就微波歎情絕清泉手瀹煩傾城膽餅襯帖參梅兄湘簾不開水沈暖修眉淡對遠山橫

普洱茶用水仙花詩韻

鄧林狂夫腳不韞渴日急如牛喘月癡魂忽落天西頭矢與眾生解煩絕誰困吟壘兼愁城探囊欲致愁方兄海雲墮砌春風笑穩待今宵斗柄橫

塵沙行 德州苦水鋪作

北行之苦莫如熱北行之熱與南別熱惱酷矣塵擁人眼耳牙須喉鼻舌乘竅而入達肺肝欲吐不能類癥結此塵乃若煙非

煙湖所從來不忍說牛溲馬矢委路塙攬入灰土吹平田輪蹶
日日蹴成屑乾風一簸腥聞天炎天不雨地欲赤輿夫汗垢膠
如涎和塵一揮落焦土雜蔥蒜臭爲臊羶車中屏氣不敢息擁
鼻分作僵蠶眠日光矍矍眼火鑠渴望赫景低虞淵千辛萬苦
慙站徧投肆日昃期息肩覆面積埃厚一寸茶鏞飯甑皆平填
舉甌吹沫勉一呷黃沙礪齒聲鏗然槃盂渾濁匕箸怯翻思家
食安鬻饘仰面青冥向天訴何當夜雨鳴潺湲謂天蓋高聞不
徹得聞天亦厭其聒意東而東西而西且聽行人自回轍古來
回轍知幾人可憐滾滾塵隨身百千萬億恆河數一綫蟻逐窮
昏晨八紘砥矢歸皇極暑不停趨寒不息大賈營貲士策名下
吏高官各于役故人下澤愁且吁栖栖謂我何爲與有田可耕

館可假何因蕩析長離居未能免俗我亦恥宦情何日銷塵滓
北窗高臥羲皇人此際黑甜酣未起

良鄉題壁

憧憧塵躅幾時刪
荳店蘆溝十往還
贏得泥沙添面頰
年年馬上看西山

朱九江先生集卷五終

再傳弟子校棐於讀書草堂

朱九江先生集卷六

文

代兆撫軍請襄陵臨汾水田毋照東南升科摺

謹案摺藁今未蒐得

當待補稟其未蒐得而待補者又有檄西山神驅狼文
晉聯關隴禦賊三難五易十可守八可征奏記兆氏功
臣三世家傳黃木灣觀海詩今特
錄摺題者舉所尊以見其餘也

先ノ

一

文

1100

三ノノノノノノノノノノ

一

擬請復漢儒盧植從祀摺

奏爲漢儒功存聖經道備人倫請

旨准復從祀以光

大典恭摺仰祈

聖鑒事竊聞禮有五經蓋注疏之功大士有百行惟忠孝之道
光尋墜緒愈景遺徽表人彝斯隆祀典伏攷漢儒盧植涿郡涿
縣人剛毅有大節與鄭康成同師撰尚書章句三禮解詁而所
注禮記與鄭注並行後代謹按禮記一書爲羣經總匯其間兼
言三代之制不無純駁之分而後儒立解大約推尋義理則易
考釋名物則難惟後漢鄭康成盧植二人得師說於不傳之餘
深文奧解迥絕拔躋誠經學之大師聖門之宗子也有唐貞觀

二十一年增定孔廟從祀二十二人植與康成實在其列當時
敕撰五經正義前儒傳注何啻百家諸臣攷訂異同至詳至晰
從祀之典獨取此二十二人亦可謂是非之公矣代厯千年未
之有改至明嘉靖九年從輔臣張璁之議以盧植鄭康成學未
顯著改祀於鄉我

朝崇重經學雍正二年

世宗憲皇帝詔復鄭康成從祀迨乾隆中儒臣杭世駿著議請
復植祀與康成一體議未果上士論惜之夫植書今雖不存據
鄭志答艮模云注記時執就盧君則康成注禮亦嘗就問於植
矣孔穎達唐代通儒其撰正義自蕭望之許慎賀循而外南北
諸儒若庾蔚賀場皇甫侃熊安生諸人莫不挾其疵謬疏其結

輜而禮記疏中所根據於植者凡二十九條皆與康成顯然爲異而不敢少加評駁至詩疏續漢書禮儀志注通典諸書均多援引植注而有宋朱子亦亟稱之則植之於禮純矣粹矣焉得以學未顯著少之也夫康成閉戶釋經其節概在逃何進之辟避董卓之徵而植當漢祚式微中人構禍拙白刃嚴閣之下追幼主河津之閒造次必於忠義爲東漢宗臣第一暨乎卓議廢立揚彪袁隗之徒皆喬木世臣坐而結舌植獨抗論不同舐觸兇骸僅以人望獲免此非服膺聖教博習經訓能若是其見危不奪乎是故荀爽推九家之易愼墨而就三公蔡邕正七經之文依侗而參末議未有若植之勁節彪炳熠燿史冊者也推其經術則如彼條其行誼又如此當復從祀似無可疑查自咸豐

同治以來漢儒毛亨宋儒陸秀夫明儒方孝孺等或以傳經或以仗節先後列入從祀况植專家之學足範千秋徇國之誠亦風百世所謂隆禮由禮經師人師切應請

旨准復從祀以光

大典於以還千載崇德報功之舊於以正前朝懷私變古之愆風聲所樹士類奮興使天下儒紳之徒皆知遺經之可尋大節之當立矣所有請復漢儒從祀緣由繕摺陳明伏乞

皇太后

皇上聖鑒

敕部詳議施行謹

奏

論馬加利事

案馬加利之事何難答之應云差官命吏中途遇寇之事中國向來恆有滇撫鄧爾恆入覲爲盜所害咸豐初事也江督馬新貽閱操爲賊所刺同治初事也當時不道命該省查辦必責以罪人斯得而已馬加利於雲南緬甸交界處所勘實非雲南地突爲山苗戕殺

朝廷震怒不特嚴飭該省督撫急辦且特命湖督李瀚章馳往嚴詰眞兇盡法懲治以慰馬加利等枉死幽魂此正

朝廷壹視同仁視英使過於己使處亦足見我

皇太后

皇上至仁大公不以遠近異心也假如英國境內或有此事試

問舍哉盜正誅更有何法乎云云果如此說彼雖化外獷頑亦復何辭以應□情無厭得寸入尺我既輒弱如此彼之要求將來何可復問易所謂自我致戎又誰咎也

見所索七款中之第一款欲由紫禁城出入一條尤堪髮指

論派員往英事

派員往英之事何辱國至此□□可謂無人□□身繫安危先
自屈辱損中國之威長□□之氣天下何望矣回憶咸豐之事
喋血郊園盟於城下

乘輿出遜

晏駕不還公羊所謂百世之讐無時焉而可與通也今重有此
大辱之事此志義之士所以言念國恥當食而歎中夜憤排誓
心長往終已不顧者也

牙ナヅクノトニ

ノ

卷ノ

格物說跋

格物說三篇定古經之正詮屏羣言之底滯匡謬正俗辨僞得真使程朱確詰復明天壤泰山可移此案不動矣中明陽明王氏倡致良知之說不求諸事而求諸心由是心學盛興波蕩天下三四百年餘風未殄可謂烈矣謹案漢書注良實也孟子良能良知不過與良貴之良同義本無深解不聞以此爲七篇宗旨也况摘去良能專稱良知謂千古聖賢傳心之祕在是虜大約王氏言吾人爲學不資外求良知之體皦如明鏡妍蚩之來隨物見形而明鏡曾無留染無所住以生其心佛氏曾有是言未爲失也明鏡之應一照皆真是生其心處妍者妍蚩者蚩一過而不留卽無所住處其平日論學指歸往往如是然試問良

知作此解說果有當於孟子論孩提愛親之仁否蕭梁之世達
摩西來始厭棄經梵直指本心不立文字陽明祖述其說並稱
佛氏之言亦不之諱欲使儒釋相附害道甚矣此說中篇歷剖
心學之誤條辨如稼書桴亭而出以名通證明如清瀾北海而
去其僑激儒者有用之言所謂闡道樹教縣日月而不刊者也

澹泊齋記

果堂衙齋顏以澹泊二字蓋取諸葛武侯誠子書澹泊明志之語或曰志儉也或曰漢人喜黃老武侯之云殆亦無爲無欲之旨是故取之也次琦曰非也嗜欲之熏心如水之浸種萌動坻溢致無窮已不自抑制則起居服食聲色玩好之緣雜然而至於是夤緣機巧果其貪營而肆其求取其在內也干國之紀而恣睢其在外也形民之力而醉飽而惡可至於滔天故自來名臣德行建豎不必一途要無不本於澹泊者謝太傅功高百辟心在一邱范希文斷齋畫齋先憂後樂王伯安日與門生對食孫高陽飯麤糲忍饑勞至於我

朝圖文襄之啜豆腐粥一盂湯文正之莅江南未嘗食雞臠張

文貞之白果數枚山藥三數片高文良之紙帳蘆簾卻掃一室
終日若無人皆此志也吾聞果堂秩滿朝

京師公子友有饋食者值錢萬君不擇曰饋食費萬錢禮食當
何如觀若材地故出彼人上平昔相餉饋亦有踰此者乎我家
餉饋若此進而郎署而卿貳而宰執宗藩何以行禮乎公子懼
然領訓退兄子某官某部堂主事衣弋綈謁君袂袵且敝矣君
詰之曰若居要地接要人願被服如此安之乎將以爲名也兄
子跪謝曰非敢然也兒旦旦趨公無暇晷偶忘焉耳君則大喜
曰是吾志也賚袍袿一襲嗚呼觀君之庭詰可以知君矣抑昔
人有言聞人譽之以卿相則喜必非喜其鞠躬盡瘁可知也嗚
呼果堂其同此感也哉

朱九江先生集卷六終

再傳弟子校栞於讀書草堂

朱九江先生集卷七

文

寄馮孝廉爲陳九籌卹書

愛之足下舟車無恙邇者陳九梅坪悲於臘月丙午遘疾越七日癸丑流隨暹往身後無子寡妻弱女慘慟鳴號近識遠交異聲同歎至乃里父村僮竈姬走卒亦用惘然昔一國輟音春者解哀五殺百身可贖詩人以痛三良以古方今伊其信矣吾兄儻亦有聞而心惻者邪乃者總帷虛掩四壁風飈食蓼捋荼不三言而喻竊意渠同年世舊官京朝赴上計者咸萃都下得否會知賙賻遲速叨收嗟乎東里西華有後遜任君之殉素車白馬舉喪遲范叔之來

北行抵清遠縣與季弟宜城書

五弟無恙征舸旣邁遽逾十晨願言之懷昔人所謂愛而不見如何如何吾弟內娛諉背外隆德聲雖曾與齧指而動操召南樵山而振稱絜其勤勞無以喻之也邇束裝後待友佛山鎮兩日迺得成行舟師謳櫂汎若鳧鷖游子寄音眇望魚雁是夜宵半衝風驟激頽波彌厲元雲靄空夙夕不解雨雪告零先集爲霰曙發盧包之汎莫宿黃巢之磯嚴霜隕而葭茨淒元冥深而若英晏鼈頸之灘迷茫平津逮龜手之藥歎惻乎水工行路之難諗我端倪矣家累凡百弟克當之回睨舊鄉心魂慰藉惟吾弟續昏一事軫結未忘上有黃髮罷勞晨夜下有雛稚噢咻嗟笑茲事之亟豈煩覩縷顧鄉土是諮亦云省便而此邦之人內

教隨壞習錮旣久庸計門戶宛宛處子或有季蘭之好悠悠靡
俗恐入齊咻之教天下多美何必是求權輿弗戒後懊焉集行
子過計是用悽悽風水蹇逆行郵遂淹以今二十七日到清遠
縣兄弟健好餐飯猶昔兼多徒侶解誨憂虞誥誠家人勿我爲
念從茲渡嶺浮泝西下楚歌千些湘波萬重背湖涉江釋舟趣
陸更復馬首斷雲千里隨夢雁足飛雪崇朝灑襟七聖皆迷之
野惘惘而驅車耦耕不輟之鄉栖栖而問道山川合沓息影何
時靜言思之百憂集矣夫人情迹接則多忘景逝則恆憶歲華
不居游讌未極往時家術羣從如龍齋居盤盤言笑晏晏東方
未明已對牀相語西柄之揭猶露坐未眠論難紛起聲與百舌
競蠻觴詠橫飛酒微一斗亦醉魏文有言當此之時忽不自知

其樂也繇今以思曠若星漢儼諸形容尚繪心目每當落帆江
澗擁衾無寐清角朝厲游鴻夜吟我懷云勞不可說也自惟寡
薄豈辦任官此行邀福或叨一第思遂南歸寄迹丙舍將吾叔
仲長奉板輿對鵲占門徙魚築宅陸機之屋不閒乎東西何點
之山略分乎大小時及霜露言羅雞豚祀先之餘兼以速客雖
甌生塵而日晏風吹葶而歲寒而風詩教睦取鹿食之相呼金
石歌商結鶉衣而不恥明明如月長照其素風溫溫恭人永垂
爲家法閉門養親至於沒齒雖三公上袞百城南面何以易此
哉其許我乎非敢望也有問訊者達此甕言音塵未積風雲逾
闕家食餘閑奉勛光采勞人草草筆不抒心

癸卯在南沙陳氏賓館有勸以遷教都會者因布家人書以周公之上聖日讀百篇以孔父之多能韋編三絕學者殖也不殖將落况庸虛如某者乎某非不知遷地爲良或可多出僮石然學子百輩終日卒卒豈復有須臾暇邪今孝廉船便冬杪復擬計借萬一僥幸此身遂非已有爾時雖欲假片刻餘閑補平生所未及那可復得昔范希文以先憂後樂爲己任讀書長白寺垂十年晝鬻而餐斷齋而食雪案無寐燔敗葉自溫孫高陽作諸生授書關外年四十矣布衣徒步往來飛狐倒馬閒數從塞下老兵問阨塞險易士馬疆弱之數是二君子者伏則泥潛出則霆震發皇耳目驚爆天下非偶然也某雖無似志事豈後於古人是用辭富居貧使故業可理然且廣廈細旃冠坐

夕才...
論供養過二公遠甚恐將來藉手不中與二公作廝養僕耳凡
此悽悽不足爲外人道也

抵山西寄兄弟書

隱石三兄宜城五弟鈔得鄉錄知吾弟疆臺又躡垂翅秋風怛
惋何如也雖然君子藏器於身俟時而動艱貞之志有待而行
究亦無所容心耳嚮者次琦旣耗廿年曾無一日之戚吾弟所
親見也匪曰冲襟獨遠亦見夫天下事苟非我所能自主憂焉
無益卽亦任之而已昨九月十五日在漢鎮上車擬取道汴梁
卒亦不果蓋次琦之繞行之汴也亦以睽違函丈垂近十年且
江甯公在晉日久可以慰謁恩門可以諮請地方所急耳而世
俗遂以爲持之有故竊從有相稱促在臨湘時夏憩亭太守迎
謂曰君到汴梁甚好貴師木君先生與新晉撫季公同鄉同年
素稱契密首府郭公亦潘公同年也得潘公爲君先容賢於十

部從事矣泊過湖北訪謁宦楚同鄉諸公議論與夏太守無異
或且羨師門得力嘖嘖稱歎者有之昔晉人欲加禮於王丞相
馮懷以問顏含含不答退而有憂色家人問之曰吾聞伐國不
問仁人曩者馮祖思問佞於我我豈有遺行與今茲之事次琦
不敢薄今人也惟愧省身克己根氣淺薄使別嫌明微之操未
能卒白於天下皆次琦之罪也君子立身行事當昭昭如日月
之明離離若星辰之行微特較然不欺其志而已安能隨波靡
犯笑侮招逆億以察察之躬爲當世所指目邪且卽不敢自作
身分而世旣未能免俗一槩以相量矣將或枋柄在手又安能
昌言正色直己而直人邪十一月初三日恭領部照十八日到
省廿三日稟到日下晉省人員冗塞候補知縣積至八十餘員

丙卽用班亦多至十五員未補連次琦在內彼中人僉謂捐遇缺者多故各班俱壓捐指省者眾故候補日繁積壓甚卽補缺難候補多故署事亦不易大約署事總要年餘兩年補官則三四年不等然祇據目下情形而論將來捐輸花樣無窮卽亦不能懸斷也并州之域少燠多寒舟楫不通物產騰貴需次其閒器服薪水之資芻馬僕賃之費居大不易總之

君父之身旣不敢自屏寬閑偷安於昕夕平生之學又不敢苟圖微幸自墮其廉隅去留久暫之閒必稍需時日乃能自擇此際政難臆決耳有訊予者爲我謝之一官萬里嵯峨太行身遠日窮白雲何處家食餘閑幸勛光采已酉十二月十四日次琦頓首

夕ナシクニ

フ

糸

寄伯兄書

弟到晉以來涉厯吏事深知此事之難且暗悼邇來講究此事
之人之鮮人人以一官樣作官民生何賴焉又竊見邊方日賊
時事多故實不勝杞人漆室之憂恐將來謬當事任喪所懷來
故於武備倉儲河渠地利諸書不得不重加搜索有可借者無
不往借至無可借處猶出候補勉強之錢購之也次琦謹稟

イナシラノイ

十一

答康述之書

弟晉中需次補缺尚無其期然自省庸虛正須閱歷卽稍稽時
日爲將來遠慮筐之誚固可以少安無躁耳兄知我者以爲何
如弟見住山西省城浙江會館館後室爲典守僧禪堂西偏屋
數間卽其出息弟賃居之出則徒步入則齋鹽作官是何物事
不過與和尚們隔壁耳昔魏敏果官京師時不攜眷屬王漁洋
尚書作戲詩嘲之云三間無佛殿一個有毛僧弟今有佛勝環
翁遠矣一笑

答明同年書

珠江別裏握手無溫鱗羽旣沈義望遂積願言之懷古人所喟
愛而不見如何如何接二月廿四日書知與南邨璞軒硯農共
賦北征羣雄振羽各吐鏗鏘前唱歸仁後賡賀世快慰何如也
足下外振國華內嚴庭誥展采錯事正在此時興滅之云良所
未喻碧海四丈及愛之棠邨兩公就官有期暫作六月之息原
不爲過我家小阮往爲波臣所窘驚魂未定假歸殆亦人情社
中諸君子鄉書輒復報罷玉三獻而遭別博十擲而得韃才不
偶遇足堪於邑然得南邨璞軒爲吾黨吐氣驅負則厓趨蟲鳴
則螽躍鬱鬱久居諸君子當不其然獨君族次卿溘隨運往竟
弱一个敕日將除潛舟遽悼悲夫悲夫無祿至此乎去秋聞耗

爲位以哭中間惘惘愴焉彌月自惟寡薄百不稱遂平生愉懌
乃在人倫歎去交親衰哀歧路曷日曷月孤僨獨居繾綣良辰
則停觴靡樂倦言夙契則采葛憂吟猶復遘閔人琴慟傷哀樂
知己之言在耳泣瓊之淚盈懷他日逝水知歸會言近止過斛
斯之居聆山陽之笛朋酒滿目獨闕斯人能不憤結喉衿惻剝
肝肺也哉僕留滯晉陽抗塵走俗準之道素彌益慚顏此地人
員積薪之故足下應具知之仍歲勞切家兄畹亭在都自皆詢
悉選人恆患每在憂貧歷相九州此邦爲甚僕往者家食屢空
鄰於殆庶今云釋褐代匱合於曩編東坡云獨有羈旅人天窮
無所逃僕之謂矣出接人事車馬如龍言笑掀髯飄發雲會宛
其入室無與爲驩燈火蕭然便同蘭若涼風振闥秋蟲鳴階聊

身ヲシテタノミ

一

先十

赴襄陵寄兄弟書

伯兄大人仲兄大人宜城老弟鈞喜次琦差旋反寓得宜城來
札家事種種曉悉一是來札云兄弟各人都已窮慣米薪麤給
支誑亦所不辭遠道加餐勿煩南顧至哉此言澹而彌旨非吾
兄弟守分敬身各安義命吾弟積年見道漸近自然何以有此
雄雉之詩聖者歎之矣真令厯碌勞薪軒渠一笑也次琦奉檄
訪緝郭志一案該犯旋在通州被獲此役便可銷差因續委查
辦關外事件以致留連六月十三日輪委到班於口外和林格
爾地方接署理汾州府孝義縣之檄星馳回省收拾起身廿七
日又奉委署平陽府襄陵縣告病遺缺兩缺長短優誑不甚相
懸更替之由具有緣故俟到家面陳然默驗平生事皆前定守

素之士愈知天命之有權而人謀之不能以豪髮參者卽此一事倍畏天明次琦於廿九年出山本鄉陳兆康兄送行詩中有孝義似君名易副詩書供我債難償之句羅蘿川侍郎亦有贈別詩末云平陽古帝都俗有堯民雍君來續干羽我將播笙鏞二詩見藏篚篋又可詢兩家而得數年之事萬里之遙何機關之示見乃爾邪然則人謀又何爲邪此事竟可補入唐鍾輅前定錄中見擬七月十二日起程二十日接印卽天雨泥濘不能寬期數日祈代爲昭告祖宗父母俾在天之靈庶幾一慰且藉以默相顛愚使無隕越幸甚幸甚是地土沃民醇尚稱易治且水泉疏衍人物秀良有秔稻有蓮菱有魚鰕最近南中風景卸事大槩在冬臘之間無具之身初膺民社雖加勛勤慎未知將來能勝任否勉

之而已七月十一日次琦謹啟

朱九江先生集

文

上

卷

三十一

三

九

答王萊友書

萊友先生閣下人來辱賜手函感悚無似重讀前翰知數月來眷矚鄙人甚殷甚亟且復勤勤懇懇若許爲可與語可與道古者然耆舊之推誠大賢之善誘固如是其無町畦也循誦再四至於涕零僕少無宦情又不習吏事州縣之任非所克堪此出蓋爲親知逼迫勉強一行待罪來襄奉職無狀瓜及便當棄去進惟周任陳力之義退奉柱史止足之誠不如是固不可也自惟寡薄童子未萎猥已接跡通人恭承大雅中間浪跡若驟若馳若謬若迷而終無所泊棲四十之年忽焉至矣誠甚愧誠甚懼也思欲屏跡幽遐追平生所不逮古人已遠來者難誣歲月侵尋未知果有成否先生超超出處行與道俱浹長晉城差堪

比四末學仰之政如濱海蠶人持蠶飲渤不過取飮口腹而止
莫能測其際涯也大箸鄂宰四稟謹已登領撰述日新實事求
是尚冀源源寄讀開我見聞方今士習日濫根柢倪薄不知伊
於胡底人材阨壞職此之由天不憖遺海內耆髦砥生翳然將
盡後生不見老成卽聳從昧將謂讀書學仕不過爾爾甚可悼
歎仰繼前良下覺來裔以續百年來經師之緒非先生而誰伏
惟頤性嗇勞爲道自愛欲言千萬紀綱遄發使平昔蓋闕之疑
未及貢諸左右獨恃厚愛吐罄肝鬲輒復頓盡惟矜其直不責
其狂愚幸甚幸甚壬子重九後十日琦頓首

又答王棻友書

棻友先生閣下別後刻欲走謁霽除旣承德範不意後政劉君延至二月上旬始行接篆卸署後又爲交代一節絮絮至今屑瑣凡猥最不堪爲長者告日來乃漸有成議一得蔽事便如脫鞵之鷹不復能蹙羈此地矣僕南歸之議往復自決然江楚阻兵竟未卜戒塗何日意兩人繼見之緣蒼蒼者尚猶未靳故遲遲我行邪句讀鏤板一兩月想可告竣大箬中有未刻望分錄給若行篋攜有家集及鄉先正名集亦分數種出輯國朝名臣言行錄所取資也此書成後尚欲仿黃梨洲明儒學案輯一書以箸我

朝一代儒宗顧不欲分漢學宋學如江鄭堂師承記云也見聞

隘陋未知果有成否其例略容寫錄就正大約月終乃到山川
同湫我勞如何復啟不盡悽悽二月九日琦再拜

去襄陵後答王棻友書

棻友先生閣下歲月易得違侍遂已一年子子行路閒以兵荒
賤訊遂希同此邦域輒已如是異時東海南海津涉萬里其爲
契闊可勝道邪比奉五月十六日惠書勞問甚厚益用惶媿又
省知動靜多豫且浩然決引身之舉甚慰甚慰昔人所謂其出
也若雲其處也介于石恢恢乎自我誠信與道園方者也瞻佩
無任僕去夏反自襄陵卽以不才自棄申請往復歲盡乃獲給
咨而江楚兩路均已不可行矣中間曾肅手書具述歸里後當
仿溫公蜀公故事僭爲閣下譔傳以貽學者並陳屬草雌槐瘦
賦僕遯寡韻尚須潤飾今承督促則知此簡未達籤櫛不審何
處洪喬竟爾沈置奈何平陽陷沒公私塗炭其爲酷毒如何可

言方春衙觀風日正繁冠纓之徒魚鱗雜集大守留髡送客接
栝舉觴竹肉紛流譚諧閒作白日既匿繼以脂燭當斯之時都
市如故也士女如故也春容愉衷昌丰潤澤何圖數日之間陵
谷遷貿府主寅僚溘焉頓盡甚可痛哉以此忽忽恍若有亡加
以宿食東西車不絕輓鞭轡稍休頗欲脩理故業而憂從中來
停簡輟毫感舊傷懷漼然流灘誠不復能措意文字閒矣近雖
栖尋舊宇譬如池魚籠鳥時有山藪江湖之思設秋後內地仍
不可通決意道津門航海歸矣幼安危坐巢父掉歌古之人有
行之者丈人聞此必謂生好勇過矣過矣哂之邪悲之邪大箸
釋洌補正益復精博無餘憾說文句讀刻成幸更覓便惠致世
難方殷靡知所底項領之歎詩雅以嗟然竊惟自古泥勞之會

元黃戈馬之秋天命民彝必不可以一朝絕不絕則宜有所寄
寄斯鉅者宜在脩學好古之儒秦氏以還如伏勝申公許鄭二
劉熊安生之倫是也閤下勉旃自愛而已頃何以爲娛頗復有
所造述不僕旣不作河東之行無緣復詣大治悠悠之別道阻
且長知復何時更得一面能重奉臬比開吾甑甑不南望於邑
辭不敘心六月廿有八日琦再拜

夕ナノミナノミナ

二二

答徐次功書

伴來承惠教函驚聞賢郎紅蘭委露行道傷心弟緬邈關河有
疏奉慰悚仄何如捧誦明示謂既已視事不得不忍痛辦公大
哉斯言令人欽服無地方今天步屯適時艱孔棘政使居父母
之憂猶當墨纓視戎金革無避豈况兒女之私劉越石不爲一
兇富鄭公未嘗哭女純臣之誼烈士之胸與閣下而三矣區區
跳梁竟釀作門庭之寇時事如此可勝憤歎然韓侯嶺爲首城
第一重厄塞得閣下守之正如老羆臥道太原自可恃以無恐
昔傅修期上馬擊賊下馬作露布自言年六十九張柬之年七
十舉賢良便建擎天之勳少陵云男兒功名遂亦在老大時閣
下勉之矣閣下辦理防堵軍資礮械一一齎備往後更可源源

接滄日來想籌畫有緒小醜未必能來萬一其來則我以逸待
勞以主待客以險待夷以精銳待疲乏彼直來送死而已

復郭中丞書

某於月之二日接奉由縣專人發到賜書仰叨慈注捧函祇誦
光動里閭所以委曲而誘進之者至周極渥猶復導之以舊遊
之權示之以式廬之雅雖盧毓之禮張璠主簿奉書信陵之迎
侯生市人增色以今况古光寵爲多聞命兢慙心顏罔播敬諭
大人體

國公忠受

天庥命勇惠於三山五嶺通道於九夷八蠻夙隸帡幪靡不喁
戴矧依譜未尤願趨風旌節甫臨卽儼晉瀆尊嚴貢誠左右病
軀偃蹇事阻從心伏念某海濱之鄙人也世守一經家徒四壁
疇昔苟圖祿仕亦有歲年遯尾蠹上豈伊素懷巢林鑿坏與之

殊轍屬以身嬰痼疾絲歷十載肝氣失調胛風頻動每遇顛發
涉旬逾序加以入秋痞作乍冰乍火昌黎譴瘡文字無靈潘岳
閒居聰明彌拙匪云離勞遠俗保其幽素聊欲蠲疴導和就成
省曠不交人事職此之由若謂膏肓泉石以爲名高其於乃心
翩其翻矣脫獲刀圭少效氣力稍充分卽鞠脰鈴轅恭承桀訓
鈞諭乃云當以小隊過訪深山此誠古大臣忘分下交之至懷
發潛顯幽之盛節也若某者文義不豐行能無算曾持吏版自
異幽貞大人任方國之重時事方殷日不暇給一旦勤大府之
高牙就空山之小草人聽惶惑眾論紛呶縱不疑大君子偏嗜
之奇必且重山中人虛聲之誚弗敢承也亦非所望也願垂意
而深察焉

又復郭中丞書

次琦於前月月晦接奉廿八日賜書渥叨垂注仰見大人虛己
念舊之殷有加無已下懷感激莫罄言宣伏讀頒到淺語十六
條鑄砥物情而肝膈迸露語語載隆人正俗之思以出陳承祚
所謂公誠之心形於文墨足以知其人之意理而有補於當世
者庶幾近之敬當與父老子弟誦服而訓行之也政成化光拭目
俟之爾而鈞論猶以謂苦心焦思莫知所從則誠鉅人君子
欲然不自意之深衷也古大臣昭融契合功施而澤究名成而
道昌良亦發皇耳目矣而獨其殷憂寤歎之私時若有不釋然
者流示於語言文字之表何者魁閎之士慷慨豎立之才其許
身至伉而待物至厚其憂時至深而望治至迫天時人事或不

能驟副所期則鬱伊之感易作閒讀古人著作若高平涑水遺
文暨近世王陽明盧九台諸公文集輒低徊想見之蓋非獨一
世然也次琦少無學術長益迂愚不幸任學無成又以病廢大
人過聽浮虛獎稱高躅誠許與之意厚也而實事則竊未然昔
孟陋見禮於桓公人謂陋學爲儒宗宜參府事公歎曰會稽王
尚不能屈未敢擬議也陋聞之曰桓公正當以我不往故耳億
兆之人無官者十居其九豈皆高士哉我自疾困不堪冀命耳
非敢爲高也古人成言特符鄙事比益沈繇至乃不任拜起有
孤延孽速戾何極瞻望崇轅踧躅而已伏惟含宏之度原其簡
悅而不責其狂疏幸甚幸甚

與老爲謙書

爲謙足下良久不面比想讀禮興起慎攝爲慰僕前在鄉時得明君次卿書中及足下中間違言至欲離邊一事僕殊駭貽足下天性溫良湛深名理突有此事諒非無故而然雖然不可不善處也足下在鄉黨中雅負清望望之者眾卽求之者深况庸俗之情望風逐影方今尊堂棄養大婦持家而足下適有此舉形迹交關易滋多口卽喙長三尺誰能家至而戶說之語曰非常之原黎民所懼又曰君子防未然不處嫌疑間今至戚如次卿且不見諒况悠悠行路之人哉僕與足下情均骨肉人議足下是議我也聞此以來如芒刺在喉吐卻始快少年作事爽直境過時遷每留後悔晉書王獻之傳稱其遇疾家人上章禮神

法當首過問其有何得失對曰不覺餘事惟憶與郗家離昏獻
之前妻郗曇女也又陸放翁棄唐氏後終身歎惋所賦釵頭鳳
詞及沈氏小園諸詩屢訟其事至今讀者輒爲心惻賢達且然
何況我輩聊舉一二以見覆車知愛有年心腑相照必不以謹
謹取罪次琦頓首

答吳澄溥同年書

不見遂三十年一昨枉過高軒相視須麋都非疇昔爲之撫然
然此三十年中閣下讜論在

朝廷仁恩在毗庶蚤晚卿雲重麗高掌遠躡建樹更無窮期以
視弟之學仕無成知難先退牛宮馬磨中爲鄉人沒齒其度越
可涯量邪辱書獎飾逾恆使寒窗偃蹇人不衣而暖適窗外有
霜菊數叢荼萼蚤梅一本對之展讀覺晚香幽韻同入襟懷快
何如也伏省莊居多豫風雨閉門日與古人相對尋見在可行
之樂補平生未讀之書甚矣閣下之嗜學也閣下自笑耽此是
平生痼習痼病也痼於書所謂不病病也昔伊川程子還自涪
州貌加豐眸門人問故程子曰力學之功也人不學便老而衰

每省斯言爲之惕息頃見閣下酒枵譚笑雖辭氣雍容議論猶復英發袞袞千言夜分忘勅李延平涵養服人錢世儀精神滿腹殆兼有之與卅年前促膝三館時意興初無少異則是無故則能取求於學故東坡云嗟余老矣百事廢卻尋舊學心茫然弟輩坐擁皋比真令慙顏無地矣歲暮懷人往往增劇盼閣下春融再到情在於斯子貢言盟可尋也亦可寒也弟則謂盟可尋也不可寒也蓋望公如望歲矣敬書此以當息壤謹復大安惟鑒不盡

南朝人物如蔡興宗者較之同時諸人才識亦頗可稱述始終宋代亦無一身二姓之嫌惟其濡迹逆劭之朝受其太子中庶子之秩此李充所謂不及甯生之如愚伯玉之可卷者

也毀方喪節之誚夫復何辭來教斥爲五代馮道一流誠確
論也謹按魏晉以下理道不明恥尚失所常有號稱名臣智
勇超出而委贄累朝覲顏陳力者時論亦恬然不以爲怪顧
亭林日知錄正始兩段見卷十三趙甌北陔餘叢考六朝忠臣無
殉節者一段見卷十七言之最悉嗚呼此程朱講明性道之功所
以扶天綱立人紀追配孔孟而與天地無終極也閣下以爲
然乎

朱力海先生集

三

三

答求書者書

鄙人惡札自嫌罕嘗捉筆賢契所知也近益頽唐日滋媿鄙就以書法論堪與碧玉老人充廝養役乎伏惟善辭免留笑柄卽愛人以德之事耳惟照不莊

夕
フ
シ
ム
ノ
ノ
イ
ノ
ノ

三三

夕

答李鞠圃太守書

鞠圃先生公祖大人棨下福星指與皓首黃童一盃額手稱慶
洵今人願天從也南交草木舊日皆知公名西漢循良此日樂
觀公治行繇一郡以暨一方繇一方以覃四遠杜子美所謂得
結輩十數公落落然參錯天下爲邦伯萬物吐氣天下又安可
待者也其爲殷祝可勝道邪方生回拜手書及燒春之賜恭悉
五馬邁臨吉祥止止而弟竟不獲一叩行轅脩部民之敬禮失
則愆于心有忡矣弟自送別後都無好懷五月家弟不祿人倫
之戚不言可知涉秋以後困于瘍瘡臥閣十旬杖而後起小人
薄祐福過災生周易以消息盈虛爲天行物理自當如是自今
以往惟有退藏加密思日孜孜以畢餘年而已莅郡何時報政

時來不無公暇老眼未枯接栢舉觴尚能信眉一笑特未知天
假之緣否耳祇復恭賀大喜兼請勛安惟鑒不備治愚弟朱次
琦頓首

朱九江先生集卷七終

再傳弟子校栞於讀書草堂

朱九江先生集卷八

文

南海九江朱氏家譜序

譜牒之學史學也周官奠繫世辨昭穆掌於小史史記紀五帝
汜夏殷周秦並詳其子孫氏姓而世本一書漢志隸春秋家蓋
先王譜學之設實與宗法相維而表裏乎國史宗法立而士大
夫家收族合食至於百世不遷而奠其繫世辨其昭穆朝廷且
爲之庀官司藏冊府是故黃農虞夏之胄閱數千祀而可知也
世祿廢宗法亡譜學乃曠絕不可攷漢興天子奮於草茅將相
出於屠牧率罔知本系所由來魏晉至唐仕宦重門閥百家之
譜上於吏部維時官之選舉必稽簿狀家之昏姻必等門第而

譜學復興歐陽氏脩唐書有宰相世系之表隱示國史家牒相
爲表裏且謂世族之盛諸臣克脩家法致然跡其編纂論述若
期前史所無然通人碩儒咸許其湛深古誼能探先王制作精
意蓋期而實因也五季喪亂圖牒盡湮一二儒生乃欲掇拾補
苴冀存古宗法一綫及夸者爲之反付華腴虛張勳伐或至不
可究詰譜錄一家遂爲識者厭薄而去史益遠矣吾族之有譜
也自明萬厯丁丑文學公學懋始也文學溯始祖廟七世當是
時也子姓服屬未遠恩義絲結風氣醇龐其仕者精白一心以
從王事而不有其家其父老教讓教謙敦長者之行其子弟以
讀以耕鮮諛誕之失卽一二宦裔貴游徙宅省垣號稱豪宕然
日散千金親故多待以舉火一時數搢紳家法以吾族爲優微

特家桀之先立也厥後一脩於處士公昌孫在

國朝康熙丙申康熙以來無踵事者道光丁未次琦歸自京師之官山右父老祖予酒次及之異聲同歎咸豐初元亟加討論以寇亂中輟亂已次琦亦假還共申前議於是宗人朝議大夫奎元兄弟慨然願任脯糒劓劓之費乃會推吾弟明經宗琦主稟而宗人上舍士仁士報景熙佐之次琦不揣禱昧斟酌今古成序例一篇授以從事是役也寘身於己未之春斷限於辛酉之臘以今年正月鐫竣刊易再三編摩况瘁歷十一寒暑而書成實費白金二千三百兩有奇夫然後十有二卷之書繫世之源流昭穆之近遠恩榮之覃被祠廟之宗禮墳瘞之阡原菽文之津逮黜惡之登削遺軼之甄尋直而不汗信而有徵不侈前

人勿廢後觀敢云美備要其規模亦略具矣次琦行四方久竊
概風俗日益以敝而親情日益衰不啻漢史所稱斗粟尺布而
骨肉不相容者朝議兄弟獨能推鉅貲不色各近又增寘祠嘗
捐白金三千兩而宗人翰林待詔銜國恩亦捐千兩其諸義重
千鈞利輕一羽者與於以見吾先人之遺澤長也詩不云乎戚
戚兄弟莫遠具邇又曰豈無它人不如我同姓自茲以往願我
族眾咸喻於古者宗譜相維遺意而使內外有別長幼親疏有
序有無相調吉凶患難相恤腹臘祭饗飲食相周旋毋以財失
義毋以忿廢親則吾家世德作永安見不如浦江鄭氏江州陳
氏諸義門書之國史以爲美譚者宰相世系表序曰門祚之盛
衰雖視功德厚薄亦在其子孫烏虜可不勛哉可不勛哉

南海九江朱氏家譜序例

古者譜系之書天子曰帝繫諸侯曰世本周禮小史疏而通上下而

言均謂之譜桓譚謂太史公作世表竝倣周譜是也梁書劉魏

晉代降初曰某氏譜世說劉孝標注引王氏謝氏吳氏孔氏諸譜止稱某氏譜又屢引王氏譜獨王倫一

條稱王氏家譜紀尚後曰某氏家譜隋書經籍志有楊氏家譜書的疑家字為羨文

等家又有別撰稱名者如摯氏世本世說裴氏家牒裴守劉氏家史

元劉子撰范陽家志之類盧藏用撰以文心雕龍曰譜者普也注序世統事資周普則譜迺紀世之正名古所命也故不從其

異也繫以其地稱南海九江志別也有同姓而異望同壤而異

族者也趙郡東祖李氏家譜唐四明槎湖張氏族譜國史經籍志是

其例也右序名譜之例

其例也右序名譜之例

譜以合宗且有世系支派然後諸譜中諱字有可稽昭穆有可

考故首列宗支譜鄭漁仲謂三代之後氏族合而為一則以地

望明貴賤使貴有常尊賤有等威通志氏族略漢有鄧氏官譜隋志唐

有衣冠譜又有官族傳唐志氏族書第門閥有自來矣故恩榮譜

次之譜所以明孝愛作一本之思也故祠宇譜墳塋譜次之譜

所以守文獻備一家之故也故藝文譜家傳譜次之其餘遺聞

逸事不列於諸譜者散碎爬羅亦述家風脩世錄者所不廢潘岳

有述家風詩明故以雜錄譜終之也右序分編之例

古人自序如屈子離騷馬班二史罔不上溯姓原譜牒亦然漢見

書揚雄傳注引揚雄自敘唐書宰相世系表廬陵歐陽氏譜老

譜牒世說注引溫氏譜序泉蘇氏譜竝沿其例迺古法也宋朱長文朱氏世譜絳雲樓書目述古堂

書明朱右邾子世家明史藝文志今固未見然姓族源流不可不考

也近時諸城劉氏譜景城紀氏譜均譜必有圖列行邪上周譜以不著族姓源流為慎蓋非古義

例也劉杏後漢書盧植傳所謂同宗相後披圖按牒以次可知

也通志略復有錢氏慶系譜復有錢氏慶系圖國史經籍志有仙源類譜復有仙源積慶圖王介甫作許氏世譜不為圖歸熙

甫自作歸氏世圖必分房唐書世系表例也始祖下定著三房譜亦無圖非是

不曰門通志略有崔氏五門家傳不曰派絳雲樓書目有吳越錢氏分派略不曰眷不曰枝

唐表裴氏分西眷中眷東眷陸氏分魚折枝丹徒枝太尉枝侍郎枝僻也故仍稱顯觀房存著房

繹思房也圖以四世為一部服窮於四世也膠州法坤宏撰法氏譜以四世為一

部謂服窮格盡別起者重書一世明有所承也歐陽氏譜詢書第一譜之末又

於四世書第二圖皆書名臨文不諱也蘇氏譜於祖父之名加諱字歐

陽氏譜從其同譜者今從歐譜一族之公非一人之私也名記

文

原名更名一名別微使後有考也

唐書世系表宗室表棧初名

氏表遂一名從鄭

名關者唐表易稱某

宗室表富陽合某柳氏表某朔方營田副使

今代以方空古義也逸周書穆天子傳關字代以方空也名後

書字與爵古譜類然也

見世說注引諸家譜

雖別字亦載也

見後漢書虞謝傳注無

爵者魏氏譜稱處士

世說注引魏氏譜曰顛字長齊祖允處士又引陸士衡薦戴若思表曰伏見處士沛

國戴淵盜賊亦稱處士不可從

今不從惡飾也漢代碑陰民與處士別也蘇氏

譜注不仕今不注無庸注也妻前後娶必書妾亦書正家也庶

子不書所生母統於嫡也異出之子不分書統於父也

景城紀氏譜之

例立繼者所生所後必互書責為人後且不替本生也

湯敬升族譜議

之居址必書聚族也

唐表居成紀居解縣洗馬川之例

僑它境必書重出疆也

唐表徙河中異姓抱養削不書干犯刑辟削不書棄親出家削徙聞喜之例

不書防亂宗也

膠州法氏譜之例

若夫支派失傳者附書荀氏家傳例

也

世說注引荀氏家傳曰巨伯漢桓帝時人也亦出潁川未詳其始末

故登閣嘴房列於譜也後

裔無考者附書七房鄭氏表例也

唐表七房鄭氏大房白麟後絕第三房叔夜後無聞故

世絕無屬列於譜也附居址圖從類也

右序宗支譜之例

唐許敬宗李義府等奏請刪定氏族志以仕唐官五品以上皆

升士流於是兵卒以軍功進者亦得入搢紳嗤之號為勳格

唐書

許敬宗以貞觀所定氏族志不載武后本望李義府亦以其先世不見敘更奏刪正是知氏族重清門不

徒侈膏梁華腴也

郡姓中三世有三公者曰膏梁有令僕者曰華腴見唐書

然世說注歷引

諸家譜凡著錄之人靡不詳其起家歷官者即舉孝廉不行亦

具於牒

王倫一條注引王氏家譜曰倫字太冲司空穆侯中子司徒渾弟也年二十餘舉孝廉不行

而唐史

括氏族書為世系表則凡中外顯僚降至簿尉執仗挽郎無弗

其載其階資則自孝廉有道及第明經以逮陪位出身吏部常
選兵部常選胥錄焉可知有一官者無弗書官有一資者無弗
書資正古法也故都錄之為恩榮譜也若夫制詔璽書古錫命
體也旌節孝旌耆壽古表宅制也是恩榮之鉅者故以起訖斯

篇也

右序恩榮譜之例

世守祠墓孝子孝孫之心也然晉博士傅純議曰冢椁以藏形
而事之以凶廟祧以安神而奉之以吉送形而往迎精而還此
廟墓之大分形神之異制祭者求神之道至多而獨不祭墓

晉書

東海王越傳

固知祠墓有先後也朱子家禮謂古之廟制不見於經

且今士庶之賤亦有所不得為者當先立祠堂今考祠堂之稱

名義最古

王逸序楚辭天問篇云屈原見楚先王之廟及公卿祠堂畫天地山川神靈奇詭之狀因書而呵問之據

此則祠堂蓋起於周代我家祖祠建於明嘉靖時當夏言奏請士庶得通

祀始祖之後見王圻續文獻通考蓋非直無借古經正善承朝廷德意為

之江陰楊尚書名時曰祀始祖則族有所統足與譜系相維然

則祠廟譜系義相成也附以坊表第宅園亭樓閣之屬禮營宮

室宗廟為先居室為後序也右序祠宇譜之例

記云大夫士去國曰奈何去墳墓宗子出疆則庶子望墓而祭

古人重墓故墓亦載於譜隋志有楊氏家譜狀并墓記一卷譜元戴表亦有小方門戴氏居葬記

塋墓非期也紀氏譜竝仿金石例為圖潘昂霄金石例引古今石例云墓圖作方石碑

先畫墓圖有作員象者內畫墓樣各標其穴某今不從族蕃不

人其石嵌之祭堂壁上無祭堂則嵌於圍牆上勝圖也圖以嵌諸墓非以撫諸譜也譜墓用羅經甲乙分正隅

非徇形家言辨方也子謂防墓不可以不識辨方所以識也右序

裴氏家傳曰榮字榮期河東人撰語林數卷號曰裴子世說是注

為家牒詳著述之始今載著述區分四部存佚俱收隋唐二志

例也隋志注亡篇唐志不復識別明焦竑志國史經籍從唐書

注者紀其實不注者昭其慎也今亦不復注也標目後揭原書

序跋文獻通考例也或附騰評亦通考例通考又本之晁氏郡

齋讀書志陳氏直齋書錄解題也右序藝文譜之例

有家譜有家傳魏晉間各自為書世說注有李氏譜又有李氏家傳有袁氏譜又有袁氏家傳

傳有王氏譜又有王氏世家傳隋唐兩志家傳入然唐志譜系

類有官族傳有孔子系葉傳則傳亦譜也傳稱世傳按世為傳

據范汪范氏世傳文也序述之文歐陽氏蘇氏皆名蘇氏乃至

名祖父族譜後錄稱吾今不從惡斥也禮子孫得稱祖父字也

儀禮祔祭之祝曰適爾皇祖某甫以濟附爾孫某甫是也又周公稱

其祖曰王季屈原曰某公據白香山家狀柳子厚叔父墓版文

也其無官者亦稱公據吳仲山碑文也漢故民吳仲山碑稱吳

物故之民婦必繫某公配妻以夫為綱即以夫為名也傳稱武

王邑姜史稱周公阿杜是也左傳昭元年當武王邑姜方震大

氏上送金釵鑷二十枚歐陽氏譜亦曰睦夫人欽夫人也有封

者稱封無封者通曰安人從時稱亦沿語類稱夫人例也朱子

無爵者曰府君夫人漢人曰原配據晉書禮志文也禮志前妻

曰繼配據王介甫葛源墓志文介甫又據儀禮也儀禮喪服傳

不曰繼室古之繼室非妻也說詳左傳隱元年杜不曰中娶中娶

見世說注引溫氏譜不曰次配次配見韓文昭武將軍李公墓志皆僻也婦詳祖父族里

竝及親串世說注引諸姓譜類然碩人首章之義也傳中年壽

可考必書卒年可考必書史家例亦譜系法也世說注引周氏譜曰翼年六十

四卒三國志管甯傳注引先賢行狀女可紀者未嫁已嫁內外

得並書唐志王方慶王氏女記例也在室者章女美出適者為

家榮也傳中專行要在不誣湯氏所謂弗錄有善錄而冒皆不

敢也族譜傳末必注所據書示信也遠法歐氏百越先賢志近

本阮氏國史儒林傳彙也右序家傳

錢易記吳越世家事蹟撰錢氏家話一卷通志藝文略胡元吉記其

家世遺事著桐陰舊話十卷國史經籍志所謂數典不忘也或資誦

法或系掌故或備譚諧括之曰雜錄以唐志孔至姓氏雜錄名

之也 右序雜錄
譜之例

歐蘇二譜以其所及知者列為譜圖其疏遠者不紀蘇氏止錄本支四世而合族人各自為譜謂各詳其宗合之則至於無窮夫惟族人不知為譜故仁人孝子慨然思作譜以合之而又合其自為族不仍歸於散乎 歸氏有光謂為譜者載其族之世次者無不載也王氏元啟曰既舉族而謀之為之譜以合之大體自當畢載無間於遠近親疏今不從存收族之遺也

史兼勸懲美惡竝書譜言勸不言懲故稱美不稱惡春秋為親者諱厚之至也唐表於張氏上官氏世系美惡不諱 張氏世系稱通儒仕安祿山上官氏世系稱漢右將軍安陽侯桀生安車騎將軍柔樂侯以反伏誅今不從不欲以先人媿子孫也婦改適舊譜皆書庶氏之母孔門不諱經義也晉王氏

譜並離昏不諱也世說注引王氏譜曰獻之娶高平郗曇女名道茂後離昏今不從隱夫凱風孝子抱無言之恫者也

儒者泥於古經動謂太宗無子則立後小宗無子則不立後無

後者古有從祖耐食之禮明儒田汝成羅虞臣國朝諸儒柴紹炳汪琬徐乾學俱據此立論新

會湯氏高安朱氏之為譜且斷斷爭之以謂夫人皆為立後不

協於古湯敬升族譜議朱軾族譜解惑是惡知古者大宗諸侯世國卿大夫世

祿宗人莫不恃以收族合食是以百世不遷今則井田世祿之

制絕而宗法廢人人可以為卿大夫則人人可以為別子之祖

禮記大傳別子為祖繼別為宗注別子謂公子若始來在此國者後世以為祖也繼別謂別子之世適也族人尊之謂之大宗

陳氏祥道曰諸侯之適子孫則繼世為君而支子之為卿大夫

者謂之別子有自它國而來於此者亦謂之別子有起自庶

而致位卿大夫亦從別子之義此三者各立宗而為大宗所謂

繼別者也陳氏澣曰別子有三一是諸侯適子之弟別於正室

一是異姓公子來自它國別於本國不來者二是庶姓之起於是邦爲卿大夫而別於不仕者皆稱別子也爲祖者別與後世爲始別子未必非支庶也而謂支庶不立後可乎而况小宗乎宗法旣廢所謂世適而號爲宗子者或貧且賤無廟與祭彼小宗支庶之無後者祔於何所食於何人何以使之有所歸而不爲厲乎金匱秦尚書蕙田著論非之是也詳見五禮通考今不從禮貴從宜亦以義起也

自廬陵歐陽氏爲譜本出於渤海而必兼載干桑之族眉山蘇氏本出於眉州刺史味道而必兼載趙郡扶風河南河內之蘇爾後爲譜者往往兼及它郡之賢以著族姓人才之盛歸氏有光爲夏氏世譜黃氏宗義爲黃氏世錄則雖其並時而異派者亦列之歸熙甫爲夏太常昝時而異派者黃黎洲自爲世錄雜記先朝蓋與太常並時而異派者黃黎洲自爲世錄雜記先

世行事之可考者及它處黃氏之賢者如石齋黃道周漳浦人與其父御史尊素並時亦載於錄其尤異者馮

氏元颺為馮氏譜四篇其第三篇臚列異姓戚鄰諸顯人以表

門閥今皆不從惡扳附之嫌也

朱子注論語孟子正文遇國諱則缺筆而不改字注則無弗避

者其注易亦然

錢氏十駕齋養新錄云見趙順孫四書纂疏及吳革所刊易本義班班可考

洪氏隸

釋謂漢人作文不避國諱樊毅碑命守斯邦劉熊碑來臻我邦

之類未嘗為高祖諱也石經邦君為兩君之好與何必去父母

之邦皆書邦作國疑漢人所傳如此不為避諱而然謹按洪氏

之說非也石經奉詔刊樹鴻都門豈樊毅等私碑可比馬班二

史及漢人著作多避邦字即所引述論語文亦然如夫子至於

邦百年一言而喪邦雖蠻貊之邦懷其寶而迷其邦邦君之妻危邦不入在邦必聞邦有道不廢邦有道則知邦有道貧且賤

焉邦有道穀之類多改邦爲國譜中凡遇應行改寫應行缺筆使石經全文尚存其悉避可知

等字俱欽遵累朝聖旨所有新刊書籍照頒行恭避字

樣書寫之論應行改寫應行缺筆字樣詳載欽定學政全書雖易舊譜無嫌也所以嚴功令也又順治七年以前廣中用故明隆

武永歷年號伏讀御批通鑑輯覽唐桂二王年號欽奉

革除故譜中記載但書唐王桂王某年不復題其年號雖易舊

譜無嫌也亦以嚴功令也

譜中文字或前後異文未歸一律蓋徵引異書采訪異手參差

錯出亦事勢使然日知錄曰五經文字不同者多矣更有一經

之中而自不同者如桑甚見於衛詩而魯則爲黹鬯弓著於鄭

風而秦則爲韮左氏一書其錄楚也遠氏或爲蔞氏箴尹或爲

鍼尹今按同一語助而書之粵若曰若先後攸殊同一人名而
 由猶或惑雜書凡若此類不可枚舉至說文一書引用尤多錯
 出如易以往吝又作以此往遴為的類又作為駟類重門擊楨又
 屏功濬擊椽書鳥獸雉毛又作澮澮距川若顛木之有粵櫛又作若
 顛木之有粵櫛詩桃之杕杕又作桃之槩槩江之永矣又作江
 之美矣江有汜又作江有涇靜女其姝又作靜女其娒擊鼓其
 鐘又作擊鼓其鏜是藝絳也又作是泄絳也衣錦褻衣又作衣
 錦然衣蒼兮蔚兮又作始兮蔚兮赤舄擊擊又作赤舄已已驛
 驛駱馬又作瘳瘳駱馬不敢不躡又作不越瓶之馨矣又
 作瓶之寧矣無然詭詭又作無然咄咄彼淮夷又作穰彼淮
 夷春秋傳忼歲而漱日又作甌歲而揭日論然則經典流傳亦
 語色字如也又作色艱如也更不可枚舉
 非一律也故未之改也

書序在後古例也周易序卦與詩書之序舊俱列篇第中而退

居於筴末

序卦移於李鼎祚書序移於偽孔傳

周秦兩漢書籍

如莊子天下篇史記自序淮南子要略越絕書敘外傳記潛夫

論敘錄鹽鐵論大論文心雕龍序志篇皆同斯例漢書之序傳
華陽國志之序志後語大序後復有小序也隋唐以後序文始
列篇首又小目列上大名列下亦古例也禮記曲禮上第一疏引呂靖曰既題曲禮
於上故著禮記於下此古本大名又謂之大題陸氏德明云毛
小目列上大名列下之證
詩故大題在下馬融盧植鄭元注禮記竝大題在下班固漢書
陳壽三國志亦然詳經典釋文唐刻石經皆大題在下如詩經卷首
周南詁訓傳第一列於上毛詩二字列於行下所謂大題在下
也宋元以來刻本皆移大題於上而古式遂亡紀尚書昉云陸游南唐書尚錄
古式語見錢曾讀書敏求記錢少詹大昕云余曾見宋淮南轉運司監刻大字本史記亦大題在下然二者於書
無關宏旨也姑從時式亦可也右序全譜沿革從違之例

朱氏傳芳集凡例

一古者著書罕標義例自漢有春秋釋例公車徵士魏有周易

略例王弼撰始以例言至杜預序其春秋經傳集解謂經之

條貫必出於傳傳之義例總歸於凡遂有發凡舉例之說

書標凡例此為權輿迺者家集編摩何關著述而抗希微

尚竊有別裁約貢數端用籤首簡

一古人文字不以集名漢志載賦頌歌詩一百家皆不曰集晉

分四部荀勗撰四曰丁部宋作七志王儉撰三曰文翰志亦未

以集名也文集題稱始見梁阮孝緒七錄隋書經籍志以

謂別集之名漢東京所勑屬文之士日眾後之君子欲觀

其體勢而見其心靈故別聚焉名之為集然則古所謂集

迺後人聚集前人所作非作者自稱為集也今蒼萃家言
正符斯指猥名曰集諒非衡言

一書曰集部有別集有總集其總集有總當世之集有總一家

之集總錄當世者始於文章流別晉摯虞撰後來集苑謝混撰集

林劉義慶撰其流也李善所謂奉中葉之辭林酌前脩之筆海

是也總錄一家者著於廖氏家集唐廖光撰後來王氏文獻

錄王氏褒肇直佐譯陳氏義溪世稟錄陳氏周振振撰其

類也陸機所謂詠世德之駿烈誦先人之清芬是也是編

專輯上沙朱氏著作聊便真懷匪云縣國揚摧古今銓衡

雅俗夫豈敢然

一古人文集祇以名氏命篇南朝張融加美號融有玉海集十卷金波集

六十而總集之玉臺珠英仿之徐陵有玉臺新詠崔融有珠英學士集其在

家集則李氏花萼集李又尚竇氏聯珠集竇羣常謝氏蘭

玉集宋汪聞集謝安等十六人作咸緣義錫名者也若夫傳芳之集編

自洛陽相君錢惟演輯祖父以下傳芳之錄定於金華學

士宋濂哀集家文名不揣卑陋濫與同稱猶之解詁繫傳

罔避雷同會要蒙求弗嫌數見思存竊比擬媿非倫

一劉勰文心明詩先列昭明文選備錄詩歌蓋詩即文也爾後

文粹文鑑諸書唐文粹姚鉉撰聖宋文鑑呂祖謙撰稟承靡異但姚氏惟取

古風真德秀文章正宗同呂氏兼遊近體同源各委稍別衡裁竊謂

五言七言造端三百劉勰謂五言召南行露已肇半章孔穎達謂七言如彼築室于道謀是其

始排比聲韻具體梁陳陽湖趙氏謂陰鏗安樂宮新宮實壯哉雲裏望樓臺一首竟是律體

謂唐律不與漢魏同風則漢魏亦未與風騷合派徑涂日
關運會攸開觀其會通理無偏廢

一昌黎古文尊日起衰王楊時體亦云不廢曰駢曰散兩藝分
馳全椒吳氏謂一奇一偶數相生而相成尚質尚文道日
衍而日盛陽谷幽都之名古史工於屬對觀閔受侮之句
葩經已有儷言道其緣起略見源流沿流似分叩源卽合
所謂古文若膚不如駢體駢體有氣卽是古文信也蕭選
渾合不分於義爲古謹循往躅不復分門

一程試之文是稱帖括昔人總集閒亦兼收英華采取律賦極

多

文苑英華李昉宋白等編

文鑑亦登經義數首其專書別見者則唐

志之宋元嘉策通志之賦苑

徐鍇所集律賦

文獻通考之宏辭總

類陸時指南論前時文擢尾策擢象策元祐至紹興科舉場屋之文皆

專書也風簷所限晷刻成文寘列藝林不無軒輊是集概不彘入別錄以行

一選家棄取古有微詮呂氏編宋文鑑朱子謂其有取於文理佳者有文雖不佳而事理可取者有文理且如此而眾人久以爲佳者有文理不甚佳而人賢名微恐其湮沒亦編一二者水心葉氏謂其鉅家鴻筆以浮淺受黜稀名短句以幽遠見收近世朱彝尊輯明詩綜或以詩傳人或以人傳詩大指在崇正抑邪與一代國史相表裏茲編錄止一家無斯干系然原集具存爰施決擇零篇散落必與甄尋固云手澤念先蓋亦匠心師古

一我上沙始祖

諱子

為元時處士明興不仕以終厥後儒學蹶

興盛於嶺表自嘉隆以迄啟禎幾如王筠所言明德重光

人人有集省邑志乘所著錄名家總集所選掄可考而知

也不幸明季省垣之變湖州公府第淪沒

諱謨有承德第在會垣大市街

五德 觀側 篇籍多湮而侍郎學博兩公舉義於鄉

侍郎諱實蓮

諡烈愍舉義師殉難詳明史列傳

欽定勝朝殉節諸臣錄

御批通鑑輯覽唐桂二王本末及各志書學博諱名

臣官高明訓導殉身殲家蹈宗族竄亡累傳文獻半就零

落雖其間瓌瑋絕特之作亦自歷劫不磨然已存什一於

千百矣可歎也今輒網羅存佚與 國朝以來之粲存者

校錄於編其有續收俟登後集

一場厲宗功光宣嗣德烜赫鴻懿多賴文字以傳蒼合戌書最

徵傳守隋志有太原王氏家碑誄頌讚銘集二十六卷是

其先聲後世風流彌劭好事益多投贈則有朝彥過顧况

宅詩編名臣贊种隱君書啟錄祥符諸賢與种放書牘艇齋師友尺

牘南豐曾季經師友書簡其子維輯餞送則有賀監歸鄉集白監歸東都

詩哀弔則有考德集強至輯韓琦薨後祭文挽詩蘇明允哀挽壽言則

有世綵集政和中廖剛曾祖母祖母享年最高俱及見五世孫剛作世綵堂奉之人為賦詩靡不

琅琅炳炳炤耀來茲它如士大夫篇詠唱酬出風入雅若

漢上題襟松陵唱和諸冊又不勝數矣式衷古誼略與按

求都為外集

一德施文選不錄生存孝穆玉臺並登見在寶常謂文選以何

遜在世不錄其文其人既往然後其文克定故所擔拾皆

前人作也謹按論人以蓋棺而允譚藝亦以沒世而公去
敝名學士之嘲譏就公是先生之筆削勿矜譁世遂議藏
山竊以不登見在爲正其存歿之例正集以作者爲斷外
集以所爲作者爲斷

朱氏捐產贍族斟酌范氏義莊章程損益變通規條

一完 國課各家義捐產業每年應納地丁正耗銀兩管事人務要埽數清完毋得分毫拖欠

一增祠祀祖祠向例每歲孟春舉行春祭祭畢族內子孫同堂合食以餽祖宗之餘頗有合於國語士庶人歲惟一祀之義其墓祭則祭畢闔族子孫各領胙肉一分惟程子謂冬至祭始祖一陽之始依其類而祭之人人皆宜自勉今擬添冬至合祭族內子孫皆令到祠隨班行禮祭畢照墓祭例各領胙肉一分其支發銀兩依牲牢時價低昂不爲拘限

一優耆老每年冬月頒給冬衣度歲銀兩七十以上每人給銀一兩四錢八十以上二兩一錢九十以上二兩八錢及百歲

每年給銀七兩其豐饒不願收領者聽又頒喪事銀兩七十以上每人給銀一兩四錢八十以上二兩一錢九十以上二兩八錢及百歲給銀七兩其豐饒不願收領者聽

一端蒙養每年四仲月舉行倍經之會於祠堂許族內學童年十五以下端重樸醕者執經求試仿唐書選舉志以禮記左傳爲大經詩周禮儀禮爾雅爲中經易書公羊傳穀梁傳爲小經各長老認真面試以倍誦如流默寫不誤者爲合式大經賞銀七錢中經三錢五分小經一錢八分以此經領賞者本年之內不許復執此經求試能通倍五經每經給賞外另加獎銀一兩四錢通倍七經二兩一錢通倍十三經三兩五錢其佻達頑劣者經雖熟記過不賞

一教成材族設家塾每年敦迎甲乙科中學行兼備者爲師其有素孚士論畜道德而能文章則不以科第論脩金銀二百兩膳金銀四十兩贄儀節儀迎送夫馬銀二十兩合子弟受業其中月課獎賞隨時散給或有茂才異等覃精經史博通掌故講求吏治脩述辭章仍仿照阮文達公詒經精舍學海堂事例厚給膏火以示優異其不脩士行貽玷門風者擯出塾塾中購置書籍用資見聞應給銀數臨時酌量不爲拘限一廣登進祖祠獎勵子孫赴考應官卷資路費皆有成例捐項下擬加子弟應試銀縣考七錢府考七錢院考七錢生員歲科考加銀一兩四錢貢監生員報考遺才加銀一兩四錢生員考拔考優加銀二兩一錢貢監生員大比入場加銀二兩

八錢拔貢優貢 廷試加銀一十五兩舉人會試加銀二十兩舉人大挑一等赴官加銀三十兩進士即用赴官加銀四十兩部曹中書回京候補加銀五十兩庶吉士回京散館加銀六十兩榜探回京供職加銀七十兩翰撰回京供職加銀八十兩其銀皆屆期支給不得探支若銀經支領赴試者無故而不入場應官者無故而不進京到省領去之銀照數追還

一恤惇嫠族內孀婦有無子無孫阨窮堪憫每年冬月給冬衣度歲銀一兩四錢係老疾顛連不能自食給銀二兩一錢若遇饑年族中義倉按名賑濟該孀婦領賑外應得之銀照常支給

一收孤露族內孩稚男女父母雙亡期功親屬無力收養者管
事人查明告知族長紳耆酌量體恤無令失所

一施棺槨族中男女亡故委係無力買棺有待鄰里攤合者管
事人查明給棺銀七錢十五以下給銀五錢十歲以下給銀
三錢四歲以下不給已殮埋者不補給

一施墳地捐產項下置義地一邱編列字號號容一棺不許寬
占族中男女亡故委係無力買地有待鄰里攤合者管事人
查明給地一號安葬屍柩久停親屬零落將至暴露者給地
一號安葬棺已歸土圖遷義地不給小口不給

一籌意外捐產項下所有田畝基塘及城鄉鋪舍儻遇水火之
厄租息減成其年應行支撥各數目卽照見年收得成數折

算支發如收租三四成五六成七八九成管事人將有成數無成數各租息通盤打算看得若干成卽以若干成支放無庸其收受者毋得以常年定額取盈致貽舉債虧產勉强補苴之累各安所遇勿替遠猷

一留推廣族屬日繁男婦約計五六千口若仿義莊事例口日給米一升歲給絹一匹夫豈易言特各家捐出置產實銀尚多將來產業陸續增置租息亦陸續增加贍族事例原可踵義莊往躅日推日廣彼江州陳氏浦江鄭氏通財世世號爲義門族鮮單寒芬流史册亦事在人爲耳

一防虧空族分三房祀嘗分房輪管每年值理到班預於上年十月責成該房紳耆將人名舉出接辦後或有侵吞虧空情弊責在該房賠補今捐產出入數目亦交本祠見年值班帶

管不另選擇賢能議定租銀一兩抽出三分爲管事人酬勞
酬勞之外不許分文挪借儻有侵吞虧空責在該房賠補與
祠嘗同

一建義倉族繁人眾現存義倉資本無多尚須子母相權厚集
其力將來遭荒放賑賑銀賑米賑粥臨事將情形察看擇善
而從若夫差別極貧次貧省視大口小口防其擁擠掖其顛
踣閑其男女藥其厲疫熟思審處事有萬端總期痛癢相關
使血屬周親不淪浩劫而已

一勸族居周禮大司徒以本族安萬民一曰媿宮室二曰族墳
墓鄭君注同宗者生相近死相逼也孟子井地之議亦云死
徙無出鄉出入相友守望相助古人勸親親固如是也義莊

規條身不住平江府者米絹錢皆不給今恪遵前典凡不在九江堡居住者一切頒給均不許引族誼分霑惟擢科第者膺仕宦者謁祖旋鄉則不應遐棄蓋策名清時爲宗族交遊光寵仰體祖宗之心尚顧而樂之耳

一脩條例天下無不做之法亦無不變之法考范文正公集義

莊規矩文正創舉以後奏請御批者再

英宗治平元年范純仁甯宗嘉定三年范

之柔之指揮脩定者十有二自文正至之柔凡五世自英宗甲辰至甯宗庚午凡百四十七年嘉定以來至於今指揮脩定者又不知凡幾而義莊猶巋然屹然赫赫若前日事遙遙華胄食德如新溥海訓行人無異望固由明德之遠其世守有人維持不墜有足多焉易曰物窮則變變則通通則久今之條

例後日有任維持脩定之責如范氏後人之繼美希文者予
日望之

朱九江先生集卷八終

再傳弟子校栞於讀書草堂

朱九江先生集卷九

文

明贈嘉議大夫兵部左侍郎原任四川夔州府知府朱公

神道碑

昔漢治多循良吏至六朝而衰矣而宋元嘉中始興從事朱萬嗣少豫獨以廉聲振海內讀史者豔稱之明初奮起布衣重親民吏吏治號不污至中葉而衰矣而我八世從祖夔州公仕神
寒朝以治行第一拜璽書之賜夔州廟祀至今朱氏自兩漢三
國以來人物盛於東南爲甲族四姓稱首而其良吏俱出嶺表
南海九江支系又始興分也然則公之經德秉哲以追配於前
人者豈偶然哉公諱讓字次夔號絅庵先世居始興北宋改曰

保昌爲保昌人南渡末季有諱元龍者奉令甲徙南海汜今爲南海人徙居七世至公考文直蚤卒公貴贈承德郎公旣幼孤敦敏嚮學治毛詩戴記能濟其精與陳參政萬言陳同知良珍從兄通判謨結侶廟切舉嘉靖三十七年鄉試公車十六載始成萬曆二年進士初授福建南平知縣調繁江西臨川再襄鄉試事作令兩考擢南京戶部河南司主事差權浙江北新關晉員外郎郎中皆在戶部以京察高第簡授四川夔州知府南平當八閩之衝困於供億公務以簡貸息民谿水暴漲壞田廬漂人畜公不俟報碾放倉粟主者難之公奮日文牒往來溝瘠何賴有譴令自當之無它及也又竭私俸四賑民獲更生臨川人苦歲運窶者至俵債妻息以應公類其眾姓置一人爲長酌里

道中爲儲計畝均輸江航漕輓往來稱便邑有金隄溉田萬頃
圯廢百年莫能脩繕公殫力經營靈谷樊水閒功成永賴比遷
邑人祝轅若失怙恃其筦戶部也辜權權衡登降偃僂與傭卒
襍作胥吏莫能爲姦差督浙關掬貪疏滯宿弊汎埽暇則校士
武林指授經義名士多出其門其守夔州也請巡按行一條鞭
法瘁心贊畫官氓帖帖不佞張而事集會大旱精誠露禱僅二
日而雨霑足夔人呼爲朱水師箚尺書躬親料量勤幹爲列縣
表率數月而夔大治頌聲謹騰院司交薦於是天子欲大用公
降璽書勞曰朕撫有方夏軫念民艱每思良二千石布德宣化
嘉子天下維新而於典郡尤亟其有治行明章薦剡茂騰者特
簡其人而畀之以旌前勞而勸來勤璽書豈有愛焉爾四川夔

州府知府朱讓惠從公溥威以廉生著鉤距擿伏之神塞奔競
夤緣之竇薦書特最朕用嘉焉茲授爾階中憲大夫爾膺茲榮
寵益當勵報稱之能果其績並龔黃將採一郡之政成而召卿
矣子大夫其敬承之公遂入覲旋至公安偶疾憩驛喟然曰余
甲戌場前夢蠶滿衣襞蜀古蠶叢地也余字次夔今次夔矣遽
引疾歸公爲人宣髮廣顙日秀而慈未嘗示骯髒之色與人言
不衣而暖然通而有執宰邑時張居正當國政尚嚴急有司迎
指慘微少恩公力持大體除苛解嬈人用大和及在曹司內閣
申時行余有丁盡反居正所爲一切縱弛公數執法曰江陵特
主持太過耳其綜核名實是也蓋公爲政無心寬猛亦不尚苛
廉志在調劑時宜拯民疾苦使廬井見生人之樂故在政不擾

既去而民慕思之當官留都澄海唐吏部伯元喜講學順德歐
工部大任稱詩公則多談吏治三人交莫逆而趣尚不同大任
嘗語人我輩喋喋甯如倉曹能及物邪倉曹公攝職也其爲名
流推服如此既歸召補湖廣鄖陽知府不赴中外交章以用不
盡才才堪大受薦卒不起惟日以福惠鄉閭爲事萬厯三十二
年卒壽七十葬鄉西南馬山改窆大望山祀南平臨川名宦郡
邑鄉賢後四十四歲以孫實蓮卹典推恩諭祭贈公如其官配
關恭人闔德最著生子疇庠生贈兵部左侍郎側室子田甸峻
田庠生贈中書舍人甸庠生更名賓揚孫十五人實蓮戶部郎
中卹贈兵部左侍郎伯蓮戶兵兩科給事中會蓮推官叔蓮游
擊協蓮儀蓮期蓮並庠生公蓮保蓮觀蓮現蓮觀蓮明蓮振蓮

世蓮女六人俱適名族長婿同邑陳熙昌吏科都給事中外孫
陳子壯東閣大學士兼兵部尚書公既以治行高天下而從子
署青州知府凌霄繼之孫實蓮外孫子壯且毀家湛族百折完
忠以終一朝報禮之局論者謂公德匪直配前人也其毅後尤
遠焉公於品秩神道當得立碑而遷延有闕迺者家牒繼甄遺
文用討於時宗英耆德相與太息曰薶石幽宮冀垂久遠墓誌
以之揭銘表阡殆將令百世後式墓輸敬想見其人用以興起
秀良扶樹風化不可廢也粵求當仁式讚先烈小子無似敢述
斯銘銘曰

朱氏二俊槐里桐鄉公起而參是日三良槐里說經公如其确
桐鄉獲民公符其卓况彼少豫奮治南中後公嗣音豐山應鐘

爲人磊磊爲官疊疊敷予腎腸痛爾瘡疔華嶽削天其麓則平
汾澮流惡不疾以清古號惟良甯非豈弟有沫而濡勿毛而鷲
帝曰俞哉卿可屏毗毋忽蠹穴庶屹金隄拱日方東歸雲忽止
止足遺榮如聃史指以其餘恩福及閭鄉舖糜與繒治寶成梁
以其餘慶賴及後昆磐石之宗忠孝之門小子庸虛易世爲令
寅守徽章懼乖心鏡隄志爰佚豐碑肆摘世有墮淚文無愧辭

夕ノ夕夕夕夕夕夕

！

夕夕夕

皇朝 賜諡烈愍明贈嘉議大夫兵部左侍郎原任戶部
郎中奉敕團練水陸義師朱公神道碑

大清乾隆四十一年丙申

高宗純皇帝詔曰崇獎忠貞所以風勵臣節凡勝國死事之臣
或死守城池或身殞行陣事後平情而論若而人者皆無愧於
疾風勁草各能忠於所事豈可令其湮沒不彰其如何分別定
諡之處著大學士九卿京堂翰詹科道集議以聞議上我六世
從祖原任戶部郎中微龕公

賜諡烈愍予祀忠義祠惟時子姓感激泥首羣願聲諸金石以
播寵靈而大書深刻迄今未果其末孫次琦泣而言曰深惟我
公純勤大節自筮仕以迄結纓靡不殫極血誠永矢存歿非奮

發一時者比今幸際不諱之朝其事狀迺未彰徹大行於公靖
獻初衷無憾也何以贊

聖清之光明而昭示於罔極哉僉曰善子其以銘謹按譜牒公
南海九江朱氏諱實蓮字子潔號微龕祖讓守夔州治績冠萬
厯時父疇廩膳生著文行公頎身頰面角犀隆起腰腹十圍少
須麋大音聲顧盼偉如神人七歲能屬文與姑子陳文忠公子
壯並有聖童之目未冠舉天啟元年辛酉鄉試第三人分考江
陰李忠毅公應昇奇其文拔冠一經久在公車時望益隆巡按
劉呈瑞提學魏浣初疏舉境內人才皆第一崇禎十三年庚辰
授浙江德清知縣時中原盜熾州郡陸沈捧檄者蹙蹙懷兩端
公謂擁循東南所以戡定西北天下事尚可爲也忼慨誓行初

蘇浙仍歲奇荒繼以旱蝗民飢無食公到官綢繆賑恤存活數萬家明年夏浙西三府大水湖州尤劇公百方拯濟顛大府蠲緩以貸災黎不省七月浙撫劾德清崇德兩縣誤漕是時政府方尚搜括遠票旨逮治緹騎洶洶崇德令趙夔自縊公奮曰唐石烈士馬前一騶耳尚思自致於萬乘之前以鳴主將之勞烈方今聖明在上居高聽卑坐使萬物顛顛而陽澤不施羣方戴盆而天光不照臣罪不容誅矣吾甯歸死司敗救此一方民遂就詔獄獄中極陳地方荒苦大略謂天災流行何處蔑有未有四五年來飢饉薦臻旱歿嗣虐予遺靡定降割繼行井邑爲墟民物將盡如浙西之甚者去年夏五甫交龍水驟發蘇常嘉湖數郡鉅浸稽天吳江德清襟腹太湖如坐釜底塘栖以西尖山

以北穀蔬淪沒室廬漂蕩人畜蔽江流而下帆檣緣木杪而渡
男號婦哭天日爲昏其有乘高駕浮幸不卽斃者驚痾飢羸有
孩稚推棄於漲中夫妻子母枕藉待死於水涯者矣微臣受任
未久四出拊循目擊情形痛心酸鼻自傷爲人司牧政刑頗僻
措置乖違無以導迎祥和覆以招災速戾使萬戶生靈顛連若
此此卽肆微臣於市朝正溺職之誅謝橫死之眾是微臣所大
願也當已兩申撫按面要道府籲懇丁糧漕白一概奏蠲發帑
截運以資接濟昔宣宗皇帝聖諭賑飢當如救焚拯溺何待勘
爲煌煌大訓我朝鼎命之隆在此也微臣方且噢咻老幼撫摩
創夷勉之以忍死須臾慰之以大澤將至而不謂漕兌嚴期突
然逼迫矣夫蘇浙數郡錢漕金花銀之偏重天下所知也接遞

庸淺諸色目穰苗撞竿等差徭取求之無藝幫貼之煩猥天下
所無也荒旱以來帶徵有三年五年添派有練餉助餉又天下
所苦也萬一明恤無聞追胥如故虎冠之吏敲吸爲能藐爾殘
黎展轉之下惟有逃亡逃亡不能因而鋌險强者旣囂而動弱
者必隨而聚矣不幸或連一二城之地有柙鼓之警國家胡能
晏然而已乎比者中原多故風聲播流保無有梟獍之徒包藏
禍心乘閒思亂者初猶煽劫繼且盜兵裏誘漸繁橫流益潰陝
晉楚豫其已事矣是可不爲之寒心哉是故欲回天意先召人
心欲保東南財賦之疆先予億兆更生之樂伏願皇上獨斷聖
衷截漕駁放徵派盡蠲或令飢民濬吳淞白茅兩江以工代賑
若此則收行水之利廣澤枯之仁答列祖眷顧之靈弭五行飢

穰之患塞姦人窺窬之竇鞏皇圖保定之基孰與屯一時之膏
釀滔天之禍而後悔無及哉若此則微臣雖膺大僇伏斧礮且
將含笑入地矣疏入帝驚歎動容踰月普免直省存留起解上
供本折錢價百姓驩呼謂公有回天之力德清漕兌旋亦報足
獄遂解謫南直松江府照磨起臨淮縣知縣聞內艱未赴累擢
刑部廣西司主事兼兵部武選司主事戶部郎中當是時帝知
公忠實有意嚮用故驟遷其官會憂歸而止亡何南北都相繼
淪陷公忿不欲生丙戌繼丁憂唐王亦亡陳文忠迺與廣督丁
魁楚援立永明王於肇慶故輔蘇觀生懷貳別立唐王弟聿錡
於廣州永明王起文忠督軍務並敕公團練水陸義師敕曰破
斧之章首爲輔臣誦之次卽及於爾矣欽哉會

大兵入廣州聿鐔執死明年春張文烈公家玉陳忠愍公邦彥及新會王興潮陽賴其肖先後起兵公亦以七月墨纒舉義盡毀其家輸軍實與文忠募旅於九江舟師千餘艘多蠶戶番鬼驍勇善戰迺約忠愍共攻廣州撫花山盜三千人僞降得守東門結衛指揮楊可觀爲內應舟師剽銳甚一戰奪西郭敵臺焚敵樓殲突將城中大震嚴詰反側可觀事洩死三千人皆坑殺兵遂剺忠愍奔三水故御史麥而炫破高明來迎迺入攝縣事以待西師九月

大兵逼高明爲十覆迭攻之公激勸忠義晝夜登陴拒守五十日而城陷文忠被執公從容西嚮再拜齧血題絕命詞遂握刀帶雙鞬馳下冑障而死年四十六公族父攝訓導事曰名臣亦

身力... 不屈死官生區懷炅舉人區銑以下從而死者一千人城中男婦皆喋血遊命無一生降者難後其城遂空實丁亥十月二十九日也次年永明王贈公光祿寺少卿廕一子入監御史饒元璜言諸忠臣賞薄晉贈嘉議大夫兵部左侍郎三代同官諭賜祭葬再廕子國子監助教錦衣衛正千戶恩卹有加焉配區淑人高明戶部侍郎大倫女有賢行子二國薦國謫公幼有大志雖長華嘸被服必於儒者工詩文尚氣誼士類歸之至性天植事君不辟難馭眾無匿誠其發也如鬱燄怒雷屈而必達常白誦曰吾曹旣效命於世有可以尊主庇民者則忘身爲之其它禍福之來有不自我者不足較也初公之亡也大兵義而掩之故國薦等能以喪還祔於夔州公兆沈薶芳曜

百有餘年卒能尊名必祀朝野具瞻蓋幸逢

聖天子表正人彝允釐皇極而亦公順受天明安行不惑故忠孝之道用光幽潛之德必發也烏虜禱哉銘曰

公以文興騰蹀稍增不究爾能銅墨是膺叱呼神君官謂僂民逢憂召屯甯丁我身養其疲羸寬其撓笞飛輓而虧吏日不治玉階碎首闕尸甘受容臣苦口臣死不朽帝有恩言一歲九遷有隕自天旋人雷淵刑天干舞盟津捧土旣獲死所安於堂宇惟天降衷惟

聖發蒙匪私於公懋以

教忠歸彼兆域有嚴

制敕騎下軾式是倣是則

シラシラニ集

ナ

ネナ

贈奉政大夫府同知銜朱君墓誌銘

咸豐庚申置閏後七月族子福元攝衣冠奉功載叩庭下懇懇
拜曰先奉政棄不肖孤踰十年不肖孤沐食麻蔭無能邁迹發
名以光揚其志業今荷 國寵靈而先緒卒沒沒未顯厥戾茲
大吾叔季哀假之遂拜且泣余曰然惟迺考奮而勤身愿而不
忘本用能延展世德以庇賴其子孫於法得銘謹按君南海九
江朱氏與余同祖者三世其四世爲同母舅弟故余與君衡宇
相望爲比鄰君祖一傳爲靈川司訓諱文錦以明倫謹身教士
有名嘉靖時司訓八傳至君大父斐章父存禮皆微在田畝君
孤貧棄讀年十八迺跳身西徼營業於龍州龍州土劣君安之
數年繼籌鹽筴於越南之河內而歲轉於滇粵往來鎮安開化

聞其後置筵寄帑不離河內休老告終終在故居將終遺言曰
吾薄祜離鄉雙親先在淺土爽塏營遷崦岷遽迫汝曹速成吾
志以贖曩愆吾有嫠妹貞苦無依瞻老篤終既吾後責餘無它
言然則君雖長爲旅人乎其積念未嘗不惓惓厥家也君卒以
道光廿九年三月廿六日春秋六十有九初厝鄉之大望山越
九載迺定兆於網帶山配同鄉張氏生子啟元遷室子奎元耀
元福元顯元啟元後君五年歿耀元後君以八年福元援例同
知顯元援例州同知女二人孫八人初君之出也僅一再甯家
於後去鄉且三十年卒獲舊里考終子孫逢吉今奎元福元等
又克式廓慶餘以不瑕於遠永懷明發以篤厚於宗皆善體君
勤身不忘本之懿而推大之烏虜可尚也已君諱庭桂字兆榮

後更曰廷貴又字慕韓同產四人君行長惟君以子贈奉政大夫銘曰

譽惟羈孤能蹶興爲山奉匪因邱陵西逝賁古南麓冷雖弗陶頓亦載羸雖弗錢聃亦有齡卅年爲世飛電驚歸如化鶴遼東丁網峯蔥鬱邱首稱降嘏兩地生甯馨丕視德載以有銘

清故朱少府墓誌銘

道光廿一年辛丑十二月照山少府無祿年三十九矣前卒召子兆鼇踴志遺訓且使乞銘於其族父次琦泣言曰吾生無善於世不自揣控歿願有庇於子孫若爾吾哀必以夫子銘是吾果不憊棄於鉅人先生而有辭於來世也爾其勉之兆鼇弱能知哀將窆則哭來請銘屬余人事攘攘始以公車繼以憂未有以應也丁未冬余歸自京師將就官山右拮据稱貸事益冗務而兆鼇每見則搏穎請如初辭加巽無怨而顏色加蹙切以悲余心愧之抑無暇以爲然自赴官以後平生文字之責以遽皆不省錄獨少府存歿兩世辭意惻款時往來於胷中當夫寒更支枕長途馬上偶然棖觸未嘗不怛怛有動神怳怳而若有亡

也少府蚤孤席温飽游里巷不敢以辭色加人平居無子弟之過假能永年或將有立獨不季死耳今兆鼇祇奉先緒助率諸弟如其謹又加才焉少府爲不死矣少府娶關氏無子側室子兆鼇曉鼇乘鼇女四人孫三人咸豐丙辰卜營少府新兆而余適解組歸迺大慰曰余今則可以銘矣蓋踰少府之歿忽忽十有六年逝者有知其將起舞樂受而彌此諾責矣乎銘曰

銘君藏姓朱氏諱祥光耀懷字小字報與號四父佐昌微無位君捐輸爵從未一命膺年遂躋鳳山麓滃溼漬徙象嶺高煥地惟有子遘祥懿我鑿石瞑君皆無後艱視茲志

廖南邨墓誌銘

朱次琦曰予讀歐陽子梅詢墓誌以謂士果能自爲材邪惟世用不用耳三復其言而悲之竊慨生平舊遊多抑塞之士而若廖南邨關璞軒兩孝廉尤有可悲者兩君同年舉於鄉俱不及仕盜起粵西關君薄遊及於難廖君考終牖下亦不試以卒其標格故不同關君疏儁才氣有過人者廖君矻矻細謹用財較緇黍行事有尺幅假而當官不失爲惻幅吏天下之擾甚矣其端由吏治之汙居恆輿馬服玩聲色之好奢麗百出且復豐於獻納參於酬應謂之開展若而人者皆非腰纏入官者也壹取之於民而凡丁胥豪猾倚勢作威又喜言官恠受賕以恫嚇其民而放其無涯之欲日朘月削怨府毒深羣相敵讎橫流遂潰

此方今之大患也然則關君推辨治材其於攘剔時弊或不如
廖君有益也君南海九江廖氏諱熊光字偉耀自號南邨父曰
鄉飲賓長松歆歆行善有掩骼葬鬻之德先世由南雄來遷南
遷諸宗故多衣冠族而廖氏世力農不顯至君始耽讀發名流
聲於代爲時聞人幼擅文譽橐脫輒驚其長老問業於邑通儒
梁教授序鏞得其指授出試有司邑令徐公香祖奇其文將拔
選首以故爲桂按察文燿所先君弗懟明年郡公烏爾恭額卒
拔君選首受知於故相常熟翁文端公補弟子員淹黌舍二十
餘年咸豐改元今尚書萬公青藜故巡道呂公倌孫主試乃以
第六人中魁選比落第南歸君年且五十矣君性靜退不爭物
先與人交不爲翕翕熱然桑梓利害亦引義弗讓也鄉人積穀

備荒築場設肆又內河脩繕隄圍增庫倍薄費皆不貲君始終其役遭亂爲惡少所窘事定眞不校人服君長者儉衣穀食而贍卹寡妹甥忘其孤女兄無子卹之尤至疾革猶分乞餘財蓋爲人深中有主不混所施如此予去鄉久假還見君里第君亟謂曰子爲令聲績旣著行見知上下萬一得所藉手一吐胸中奇偉亦可壯也胡速歸君卒之歲

詔書屢追予趣赴

闕雖不能用君言至今心媿之由斯以觀君雖不形缺缺乎其志事蓋可知也嗚呼

國家仁覆區宇變醜養瘠期使文無害者爲治中外顯僚下暨州縣學校之司取諸鄉會兩試號爲正途厥後人員回冗雜而

多端自予童時里蓋有十三年甲科而歿於需次者其鄉科則予以道光己亥獲舉己亥以來汜於今里中獲舉者二十有三入第進士者五以貲入仕者二餘或汎浮江海歲歲隨計吏或久次勅遊臥家不出甚且溘隨運往足可傷悼若君與關君者則又有李君虛谷關君雪湄予宗人梧生雲巢亡兄晚亭辰階並先後齋志劬計三十年中無以鄉舉授官者壯佼之夫忽忽奄就頽暮而逝者已不可作矣是可爲一世人材惜而世道之感當何如也君有享帚齋集以同治元年五月八日卒享年六十妻鄧孺人儉勤稱君配先七年歿子二曰安泰諸生日寬泰女子子三皆得其適孫一人其葬在宅後之龜山祔以孺人實逾君喪若干月日安泰來謁銘子邑邑悲懷數朞不能搦筆

安泰等將以今夏某月脩君墓前請乃申不懈益堅且曰匪先生無以信後之爲志乘者予言非能重君而安泰之孝不可忘也嗚呼忍不銘銘曰

南邨其有知乎南邨其有知乎銘君者里故人朱次琦也惟初有與期惟卒無所施予惡知夫所歸咎而徒貽後死之悲也

賜進士出身分發湖南知縣梅坪陳君行狀代曾勉士劉作
君姓陳氏名亨時字信民以字行別字任甫號梅坪南海九江
鄉人也曾祖叔駿祖在泮皆庠生父履恆嘉慶己卯科舉人惇
行孝弟績學綴文家居授徒歲常百十人學者號心農先生著
碧樓全彙文獻纂略四書蠡說若干卷子二人長在桑邑庠生
次卽君君生有異徵少從其祖口授詩歌輒能成誦稍長爲文
崢嶸見頭角一時父執若明監丞琢如關明府穗田輩咸器重
之旋丁外艱事伯兄有姜肱陽城風居常互相師友而君聰慧
過人一經指陳輒心領神悟發憤淬厲往往秉燭達旦文序詩
壇卓卓有聲道光甲午科舉於鄉丙申成進士授知縣分發湖
南初嫡母寢疾慮不及見君口喃喃呼君不輟已而假歸得侍

湯藥數日人咸謂孝感所致云性溫厚器量宏深切於濟人銳於任事癸巳之夏水決桑園圍三了基鄉閭乏食君駕小舟勸分沐雨櫛風不憚勞瘁不足則倡發鄉之南方義倉又不足則倡發同濟倉存活無算君故無中人產然施與恆逾於富人丁酉西潦大至隄不沒者纔咫尺淫雨百餘日內水漲溢君加築子隄以防之首捐金爲鄰里先岑紀虞陳仙儕兩茂才歿妻子無所恃君偕同人醵金以助其見義勇爲多類此陳氏於九江爲巨族歷年逋賦餘百石候補府經歷明公達周歷催科吹角持軍械捕逋賦如捕盜人皆震慄或空室逃亡君設法勸督不數月積負頓清族人無罹文網者九江地大物博良莠雜出儒林書院鄉人讀禮所也羣舉君及曾君銘勳馮君汝棠明君倫主

其事豪紳某老矣猶以博爲業至是不改君曰剛吐之柔將誰
茹乃鳴於官擒治之鄉南之山故多叢葬無賴子發冢爲姦利
官屢禁之不能改君密訪呈其主名雖族人不少貨由是惡俗
稍革良善倚之無何遘疾以十二月癸丑卒年三十有七弔臨
者相向哭失聲遠近皇皇如奪所依據明廣文離照語人曰某
自大故後老淚不滴者已若干年所矣及葬昇柩所過皆歎有
泣者初君之卒也厯三日支體猶溫輒顏色發越如平時其兄
堯燦守之不殮鄉人遽奔走相告進士君復生天以福吾等也
不遠十數里問音耗門外萬頭如黿肩以下皆隱旣卒不起則
大戚數萬戶中洶動擾亂者屢日嗚呼君處一鄉而一鄉服若
此曩令藉手由縣令游至大府建白更何如哉君之不年一鄉

之不幸抑非特一鄉之不幸也君娶關氏無子以堽燊之子爲
嗣釗與君同鄉雅重君君之主儒林書院也實釗敦勸之今君
墓有宿草不忍其行義就湮沒爰從堽燊請掇其大者爲狀將
託立言之君子而圖其不朽焉

重修四世祖墓祭文

維道光十一年歲在辛卯冬十月己卯朔越祭日甲辰宗孫某等敬以金花綵紅牲醴果品香燭楮帛之奠敢昭告于四世祖考南塘府君妣潘氏太安人之墓前日伏惟元靈煜爚山澤緼緼周家蓋祔漢道增墳風流彌劭日彪以文龜趺獸甃紺宇丹垠旣固旣完庀此幽泯神之格思有萬其春泊我焄蒿非故而新允惟烈祖誕英勝代懷寶自怡含輝未沫儉德之共勤思不匱克勤克儉昭茲來裔天鑒不誣厥後斯大人亦有言第祿惟人祖之允嗣旣庶以蕃旄倪引翼螽揖麟振非兆地靈孕秀荀陳曰由祖德道義之門人亦有言振族亢宗祖之允嗣多丈夫雄悉數乃留更僕未終門無白丁第高黃甲冑子佚佚征夫捷

牙力江夕
捷亦有旄鉞專闔巖疆亦有錦衣飭紀扶綱縮符而尹執戟而
郎薇垣待制卞府封章三魚肆席五馬分行濟濟卿寺載翺載
翔觥觥司馬載晉載揚顯榮褒大式告崇岡曰救祖功而熾而
昌人亦有言世渺象賢祖之允嗣上不辱先民伊父母
國伊甸宣澍雨隨車敷歷中邊

京室賢勞江嶺黔滇吳閩楚越東土西川匪直也人能官奏報
正氣扶倫惟忠惟孝致命遂志曰祖彝教凡諸徽德非僭無徵
四百年茲發育菁英在我後人勿替寅承載叩幽宮載摩前誌
有隕其初滋予心悸春搨旣設陞盾斯齊壹喙同磨力併心毗
歲功以時履武前規肆安且吉予懷不迷吉蠲用享濟漆升躋
求陰求陽祖無我遺祖字我人瓶壘婦子胥康而生曾孫惟主

祠祚我人騰茂蜚英噓枯吹生奮爲

國植英英射策驥首觚稜斌斌膺仕

冊府垂聲表阡誓墓先民是程勿壞爾基勿棄爾成臚忭薦辭
陟格式憑尚饗

三ノ目

三

三

公祭陳梅坪大令文

維道光十七年大歲在丁酉十二月甲辰朔越十二日乙卯闔
鄉紳士某等敢以清酒庶羞之奠虔告于文林郎在籍湖南知
縣梅坪陳先生之靈曰嗚呼先生行成家範材蔚國楨允昭士
望亦重鄉評當童牙之孤露已不師而自成越駿足之超軼乃
騰茂而蜚聲懿脫白未久甫踰歲遽謁

帝于承明信乎達人有後而擢巍科登上第蓋歷兩朝三百有
餘歲而復振其家聲何志盛而氣銳俄棟折而榱崩豈巫咸之
夕降與豈泰山之輒召與胡爲乎禱肺石而靡靈嗟夫以公虛
抑之懷縝密之慮強忍之性使馳驅于

皇路則入可以彌綸夫袞職出可以霖雨夫蒼生彼龔黃卓魯

猶是人耳充公所至庸不克與之方軌而並行今其若此

國家何以收用人之效黔首何以慰望澤之誠三楚何以馴華
離之俗五嶺何以被桑梓之榮奚怪商農弔于市婦孺弔于庭
下至竈姬走卒莫不淚歛而心怔何況某等辱得人于鄉校熄
羣議于黎蒸方脩廢而舉墜慶百度之維貞嗚呼地大則物博
族眾則寵橫故咸謂此邦之人不可與明白公爲之而父老觀
化相與忼慨太息以爲百年來無此枕席之甯嗚呼一旦奪公
以去孰與起渠溝之瘠孰與調雞鶩之爭重有憂者高山難仰
大樹飄零則四達之遠方將舞狐狸而噪鱗鱗彼血人于牙擇
肉而噬者且矚睽其並興又孰與殺其威而折其萌也嗚呼豈
惟某等知公九京之下亦爲心愴吾見風雲滄于墓道猶鬱怒

其未平誓指誠于天日守眾志之如城踵逝者之遺志勉造福
于民氓嗚呼公之目可以瞑矣盍鑒此臨風之長慟與薄醜之
維馨尚饗

祭陳大令文

維道光十九年歲在己亥三月日同研生朱次琦敬以生芻之
奠祭於亡友任甫大令九兄之靈曰吁嗟令君時之峻造民望
國華人龍天寶離彼不祥嗚呼宿草不鄙謂余幽贊先盟私我
下我貺我以誠至今我眼寫君儀形云何簪盃警欬無聲云何
椀俎不覩虧羸躋君之堂降君之庭嗚呼杳矣真不弔矣夜壑
藏舟永潛曜矣悠悠百年芒芒九紘吁嗟令君謀面來生嗚呼
哀哉尚饗

北上會試祖道文

維道光二十三年月日會試舉人朱某虔以柔毛剛鬣清酌庶羞之奠致祭於水陸道塗之神曰曩游萬里踰履風塵南浮北走起憊亭屯匪日子智惟依於神三年不鳴又及茲辰昔丞相宏謁公車者再迫欲求伸緣飾經術嗤點千春亦越昌黎兩舉有聞爲古碩儒爲時貞臣是二君子一猶一薰子矢諸夙夜神知其勤於戲不可知者遇不可信者文不敢負者學不敢玩者身風飄車偈江汜河濟尚勤相子宏濟關津尚饗

南海縣黃鼎司南沙三十鄉鼎建石隄祭河神文

維道光年月日南海縣黃鼎司紳士原任廣西桂林府知府張業南等謹以柔毛剛鬣致祭於河道之神曰滔滔北流水鉅維擘也曰瀕曰武曰桂曰湟駢支來下萬弩突也寸瀾朝增下流百也時而牂牁侵焉益怒且謹如火加薪如虎翼也吁我南鄉訝當其劇也沙走雷駭日降割也非神之不愛人消長逢其適也哀我人斯至此極也井竈田廬隨蕩播也鼃鼃斯遊魚龍宅也翦及塋瘞泣潛魄也嗟嗟我人曷以供王稅於上下何以守存歿也今之不圖民氣將墨也爰呼於衢解衣散錢大聲疾也絡石隄波漢遺法也如彼錢塘磯固羅刹也如彼吳篔圍震澤也我聞在昔畫不一策也水犀控弦波臣北也西門偃僂河伯

擲也悍而不可爲而黠不可跡也惟神茲歆鑒誠臆也牲牲阜
肥飲香穠也砥平鏡清歸墟勿溢也海復爲陸石斯泐也滄爲
祥雲蒸爲和風甘雨渥也歲功順成衣充而腹實也江漢比靈
揚馬出也永永萬年饜神德也尚饗

之官山西祖道文

維道光二十九年歲次己酉正月庚午朔越祭日丁酉

賜同進士出身文林郎分發山西卽用知縣朱次琦謹以柔毛
剛鬣清酌庶羞之奠致祭於水陸道途之神曰琦惟不佞行業
未揚奉先臣之清白飲下士之編章數辱公車一對明光乃荷
丹毫遂縮銀黃俾汝救民唐魏之疆假還不日待罪方將星言
首塗吉日辰良神尚相予龔行四方思敬楫於大川敢騁轡於
康莊守道守官民幾民康夫惟捧檄重眷維桑故山鬱鬱宰樹
行行昔宋相籌邊屢吟想於圭峯月下人龍開濟亦倦焉於歸
臥南陽蓋馳驅可以許而父母之邦良用不忘也於戲肅肅
王命悠悠天常日月照臨臣敢懷鄉尚饗

祭毖旗岡后土文

維咸豐七年歲次丁巳正月甲寅朔越十四日丁卯原任山西知縣厯署孝義襄陵縣事朱某等謹以柔毛剛鬣清酌庶羞之奠敬祭於毖旗岡朱山后土之神曰嗚呼我房祖永歸於此縣曖幾何年矣侮予之逼神實禡之謀野之獲神實啟之升靈妥魄神則祉之敢不有薦也尚饗

今ナリテ今ナリ

三三

ナリ

ナ

祭房祖白岳先生文

維咸豐七年歲次丁巳正月甲寅朔越十四日丁卯朱氏孔安
房諸孫某等謹以柔毛剛鬣清酒庶羞之奠敬祭於房祖有明
高士白岳先生之靈曰嗚呼先生德芬雪白蘭薰先生翰墨金
石不蝕先生之存蘭錡蒲輪先生之去雲霄一羽謂宜慶餘猶
有鬼神何悟忽諸乃痛斯人崇名兩間遺瘞七尺相望百年三
披荆棘眇眇末孫躋壠而號簪鳥不歸涕泗增勞昔孟軻氏墓
出宋元豐甯顯甯晦從汗從隆雖聖與賢無如命何時數有奇
於人則那嗚呼富貴何常以不亡亡大矣夫子與造化亢嗚呼
天之所奇我之所大下馬一陵斯萬千載尚饗

朱九江先生集卷九終

再傳弟子校栞於讀書草堂

朱九江先生集卷十

附錄

平河均修水利之碑銘

誥授資政大夫前兵部侍郎兼都察院右副都御史巡撫陝西等處地方提督軍務兼理糧餉平定陳士枚撰

文

賜進士出身平陽府儒學教授忻州董宇偉書丹

漢應劭謂平陽以地居平水之陽得名平水發源郡西三十里平山卽禹貢之壺口山莊周書之姑射山水經注以爲水出壺口東逕狐谷亭又東逕平陽城東入於汾是也源初出若蓬房數武遂澎湃如蛟宮歆薄爲金龍池池上爲龍祠祠西南又數

泉皆入平水水東二百步爲清音亭拱清音亭前爲雲津橋而平水分流所謂十二官河以灌臨汾襄陵之田者也田以水滋民遂以水擾據上流者專其利地未漑而漑之月率三四舉晝浸而夜潤人佚而財阜播種常及其時稼有餘沃豐茂碩好民以富囂在下游者渴其利時旱曠而水不下歲不過一再漑春蒔而夏亢人勞而財匱播種不及其時禾以槁死秕敗穉凍民用儉札坐是爭利而聚鬥者百千人死傷縲紲大獄數起厯院司觀察府之大尹臨襄二縣之大夫或竟其獄止於罪人斯得或厭其勞糺不可究詰姑顛預了之河渠遂不幸歲歲有事噫嘻豈民之多辟痹俗終不可變邪或者經畫區處之道猶有所未盡也咸豐元年復有尹紹仁京控武舉劉廷元事 詔以歸

行省省以下郡邑明年七月廣南朱公來攝襄陵縣廉獄事獄
成抵罪若干人貰釋若干人惟明克允與人翕服公乃喟然歎
曰嗟乎蠢茲蚩蚩利餌之於前而刑糾之於後雖曰不罔民誰
欺哉乃博詢訟端則謂有豪強行霸者龍斷居奇者有水無地
有地無水者有地無水者向無買水券地弗予之水有水無地
者向有買水券雖無地得以市利焉公曰強譎害良治之而已
若夫地者糧所自出水者地所滋生糧與地不能判而爲兩地
與水能離而爲二乎於是定以地隨糧以水隨地之制又會臨
汾周侯親履畝兩邑田若稅相直也於是定平水爲四十分縣
各取其半復於境內設四網維持之曰水則曰用人曰行水曰
陡門其水則之法縣水二十分八支渠分灌視壤廣狹爲差南

分力... 卷之二
橫渠六南磨渠四高石渠二分有半李郭渠二晉掌渠分有半
東靳廟後兩小渠各半分而畎澮均矣其用人之法渠有渠長
司水之禁令溝頭治澆灌堰長守陡門皆聽於渠長違約者渠
長驗其多寬之數督溝頭行罰不受罰者有刑誣者坐如律而
主伯立矣其行水之法晝夜有程通閉有節傳牌有部次淘河
有式動碾有候而制防密矣其陡門之法築門筦渠渠上廣七
尺下廣三尺門廣一尺其夾深尺二寸榫以石毋勿平牖以版
毋弗密鑿以印記稽以守調毋弗必且壹而贏縮謹矣議既定
徧上於院司觀察大尹皆報可功裒役征奉令貫行自時厥後
狐廚汾曲之閒不圩而杭稻茂不雨而麻麥熟墟落綿繹風煙
浩渺江天湖景如墮目前且也經界旣正洽比亦興閭左始知

天時人事良非偶然民之躋登茲者庸非其慶也邪公以大儒師表當代其爲冷吾晉也晉中修學好古之士爭從之到官多異績名傾一時繫囚趙三不稜劇盜也護縣薛經歷介卸篆輒挈命犯王申保吉年娃越獄跳去薛憂懣須公至以相屬公謝病三日不至益急不知所爲趙三不稜黨眾亦意尹且病未卽視事弗戒也然公蚤出重貲購知其所欲適亟假郡捕前半夕疾馳百二十里至曲沃郭南以俟趙三不稜羣就酒家胡未卒飲役前持之奮刃格拒顛數人墜地忽樓上下百炬齊明則赫然襄陵縣鐙也迺伏地就縛比邑人迎新尹尹已尺組繫原盜人矣遠近以爲神河東歲患狼俗愚言神物不可擊擊且尋報復席氏女將出閨爲所嚙又兩造訟噬其一讞以不成公大憤

惋募野虞獵戶捕之得者予錢萬猶無獲迺親檄禱西山神祠
所謂雙靈龍澍者也約十日驅狼盡否則仆神瀆其廟人戶震
惴捕益亟時嚴秋氣寒風日蕭肅天忽大雩霧旬日人得跡獸
所出沒攢火鎗擊之無脫者半月得狼百有七患遂絕橫汾霜
降後則輿梁成士女落之歌舞彌口潦復大至濤瀧洶湧勢將
漂沒公遽出祭之應時衰落平陽總兵某至暴抗也挾軍與勢
以八百里台符行縣調吉州兵公拒不受日襄陵至吉州二百
三十里亂峯際天澗岡竄窳夏有谿谷之漲冬有冰凌之阻僮
佼壯夫解鞵扳緣上下然且月有斃踣以故境獨不置驛營有
急法當發塘兵不得行縣鋪曷以八百里台符爲某忿牒大府
大府督過謂且干嚴劾公奮然曰方今南方糜爛於盜又使北

方騷擾於兵是天下無完民也民不堪擾日習知南方事幾日而不爲亂亂起非令誰任其咎等劾也今甯誤軍興不敢激民變大府無以難他日與總兵旅見於郡總兵反揖之曰明府利害公正容曰某何敢特不知利害耳關氏錯居河東郡邑皆壯繆侯裔解州世襲翰林院博士某數以訟脅族人財至襄陵以干公公廟門當弊獄關神廟許百姓聚觀日日闔廟闔會者數千人立階下日隅中公袷服人以博士及其族上升堂再拜抗聲祝曰侯以義烈成神明千百世後述侯事者足羞鄙夫之顏其義烈然也今世遠無以庇賴其子孫勢當以屬令令涼德不能化誨使有門內之獄以爲神明羞皆令之罪也某皇恐求罷訟公責之曰若祖異姓如骨肉若迺同室操戈矛若祖不以金

帛易恩誼若於門內索金帛且若系則世襲也官則翰林也收
官不忠忝世不孝不忠與孝賄雖積人將不食汝餘吾不難詳
褫汝擇賢繼侯世顧臯狀出且辱州里輕朝廷辭氣慷慨聲淚
俱下於是階下羣唾曰汝誣其祖而欺其族又以勤我公何以
爲人矣某媿欲死兩手自搏叩額無算口喃喃自詛詈及出觀
者一時迴首不忍睇其面由是邑無親屬訟者公無事卽出行
縣驄從不設老蒼頭控憲衛一吏囊筆札一伍伯負糗糒自隨
而已所至捩循妯娌老稚暱近如家人迎路獻茗菴瓜果有遮
訴者索木机坐道與決判牘以某甲喚某乙無敢不至詰慰曲
直能引伏則已恆終日不答一人曰細故毋傷夙好也其餘頗
讀書日程以勸學勸保甲新令以督蒞追社倉粟二萬石以備

災禁火葬罪同姓之昏以正俗更不可枚舉邑故晉腴壤時諺
有金襄陵之稱後稍凋劫有司猶取盈無廢告幫稱壽率輦千
百金公一切禁絕廚無特殺廳事無夜火日市蔬圃菜數束肉
一片共幕師而已澹泊質素寢已化俗優人百戲至徙之佗邑
其風操如此蓋公於作宦通塞肥瘠是非謗譽當世所講求探
刺者諸不解校智營神運行臥坐起酬對手口所指述夢寐所
縈繞皆在小民便宜疾苦欲一一自我行去之民亦相率喻其
誠駁一詞下一教藜寫而聚觀朝令而夕徧野夫臧獲能道之
市井或傳會爲美談於其去也若奪嬰兒於慈母之懷而禁其
牽索也者聞信也而驚及期也而憂儒生乞畫像岷庶留鞞鐙
頌愛述德投文字繖蓋之屬纍纍空積雖慰遺之不能止也出

署之夕農輟其耒市空其肆扳留萬人遮馬首不得前及城門
門爲之陲渡汾橋橋爲之折父老持觴榼伏餞頂蹠相舐人語
鼓吹聲相亂里婦村媪亦紉小兒匍匐跪道不遠而至旬公摩
兒頂曰耶試拊之好育養也距郡三十里蓋兩晝夜乃得達當
陲橋時郡邑弟子襴衫博帶百十人掖輦而過公遜讓諸生謂
籃輿固弟子職弗舍也邑人旣不獲留公公去遂祀之於鄧伯
道祠春秋報祭弗絕烏虜公在任僅百九十日宜民之效遺愛
之深至於如此盛矣哉近世以來未嘗有也余旣心重公尤喜
公利民能爲經久遠得古昔叔敖灌雩婁國僑正封洫遺意信
乎儒者之政異乎俗吏之爲之也爰詮次顛末其詳具於碑陰
餘事附見一二又永言以銘之俾百代下讀者咸知敬仰公世

外方先生集
世無變其遺法公名次琦字稚圭下 永進士廣東南海人晉士
所稱後朱夫子也銘曰

業業壺山煙雲洩蓄溢爲靈源膏吾井牧高印汗邪可稻可麻
一漑之饒穰穰滿家旱魃爲厲燎原赫熾是褻是穢此焉豐歲
飢鴻嗷嗷流捐憂勞以飽以飫此焉樂郊孰民與利長瀾盛沸
胡不均宏沾施大惠堙我石田踞爾沃洲不占勿幕乃刺相矛
幾世創夷幾人岸獄擾擾觸蠻茫茫慘黷天哀我民降此惠君
繫惟惠君百里之仁惠君之來讓其耆皓作此不祥以速汝天
惠君之來荒度降升雨沐風纏櫟趨楮行 國有租庸地有徑
術計租定地阪險原隰量地分泉日時杪忽仿古遂人黷若畫
一民曰愉哉迷始悟今鹿食呼羣雅取萃芩鳴鳩均養詩美桑

林曾是謹嚆化爲謳吟邑居廉讓戶講鄒魯設尊康衢恢宅治
宇社配樂公人呼召父君政之成南風在絃君名之光北斗在
天陂稱僕射湖號郎官我懷惠君胡斯萬年

咸豐三年歲次癸丑六月甲戌朔廿六日己亥建

稚圭先生畫像記

嗚呼賢者所係於人國顧不重哉用其人足以圖治用其言亦足以禦亂若有人不用有言不信則淪胥顛覆之禍捷發於眉睫之間不可振救迨生民糜爛患中國家斯世乃嘖嘖於大賢知幾之早潔身之遠而太息痛恨於當軸之人謂夫徒薪來告明明有此彼昏不知竟憤憤以至斯也嗚呼此何及也哉君子之仕也非以私市也東坡蘇氏所謂苟可尊主庇民則忘身爲之是也君子之有言非以衒異也亭林顧氏所謂以明道救世者是也然則君子無救世之柄乃不得已而有言至於言亦不售君子始無望矣昔王通以太平十二策干隋文不用遂賦詩東歸教授龍門帝猶謂恨遇生晚一再徵之竟不起陳亮上中

興書時方諱言兵僅授館職亮慨然曰吾爲國家數百年治亂豈爲一官卒不受是故用其人以戡難者古有之矣陽明平宸濠是也用其言以決幾者古有之矣昌黎策淮西是也人與言均失而亂亡侵辱不旋踵者古有之矣王仲淹之於隋陳同甫之於宋是也吾師稚圭先生以道德學術高天下令襄陵煦民若子女民亦愛之如爹訓諸生督誨諄諄可畏而親或雜以談嘲游燕使皆醉義忘歸比去士女持扶挽留號咷數十里不得則乞畫像以祀諸生又刻石於縣學之敬一亭當是時部民雖不忍公平固謂公旣仕晉去當復來否則大其施亦將及我不謂先生竟拂襁歸也先是南方盜起先生猶在襄陵王子冬寇東下厯破武昌安慶金陵北至揚州氛雖遠先生卹然憂之謂

宜綢繆全晉聯絡關隴爲保障一方計大約謂雍冀爲天地積
高之府勢踞建瓴與爲合從則我免腹背之敵關隴得唇齒之
依况晉中富實甲海內內而馬牧金鐵硝磺芻粟之產饒給於
軍實外而蒙古察哈爾之兵踊躍於徵需長安稱陸海豪戶亞
晉中而河西之武力關外之防秋皆足備緩急也一旦有警甘
督出商漢陝撫據潼關與吾爲犄角吾撫軍則率北鎮勁旅拒
河爲固踞茅津太陽之間仍命廉使率南鎮控太行以防河北
其餘若遼州之十八盤平定之井陘口五壺之黑山龍泉等關
可丸泥封也北邊幸無事將軍引綏遠旗兵入鎮會垣與藩侯
居守副都統移駐大同以鎖鑰北門我師之出平蒲爲正澤潞
爲奇正扼其亢奇據其背以守則固以征則彊是故漢南有賊

甘督爲主秦晉赴之河北有賊我師爲主關隴赴之豫中有賊我與甘軍之赴陝撫者亦如之堅瑕一氣折衝千里此常山蛇勢也於以鞭箠楚蜀控引河洛援中原以屏蔽京師蓋桓文之勳也其條目又有止徵調請便宜嚴賞戮作忠義右軍謀選鋒銳講拊循禁科派保殷富息流移諸政乃爲三難五易十可守八可征之策洋洋萬言以府主全州何公撫軍所信也再三言之何不能用癸丑三月代還乃自奏記如所以告何公者加迫切焉不省先生遂引疾無何揚州賊由鳳亳趣豫跨河撲懷慶八月折而西入晉境逕陷垣曲絳縣曲沃進屠平陽府又殘洪洞潞城黎城以出喋血千里蹂躪及畿輔

天子遂以輦轂爲憂謀臧不從其禍蓋至於此先生之學平實

敦大不涉叢碎亦不爲性命高談居家則孝友居官則惠慈以
及物爲功以忘己爲大以無欲爲至器量閎邃渾渾然喜怒不
形當辭受取與去就之交則介然有執處眾中尤簡重及夫談
經世大略則援證今古會文切理鴻邕疏析聽者心目爲開璫
嘗妄測先生謂行古道而不固用儒術而不疏高峻似河汾而
篤實過之豪邁似永嘉而深穩過之需次七年不形缺缺一語
不合投劾遂歸樂則行之憂則違之先生信侗乎遠已璫等不
獲終從先生遊道梗負笈未可必佗日者登首陽上太行躡孔
子迴車之蹟以望南天見有雲氣歔蒸若散若連若往若還終
不離膚寸之間者是我先生蝸寄之廬蟠龍之淵也哉咸豐三
年陽月門人太原王璫記

先方ノシテトニ集

十一
卷十

愛棠錄

謹案愛棠錄八卷晉人美先生也鄭箋云召伯聽訟不重
煩勞百姓止舍小棠之下而聽斷焉國人被其德說其化
思其人敬其樹先生宰襄陵百九十日閒行縣日多離離
虜經術之用甘棠芟說之風也觀其所錄不惟襄陵人思
之晉人皆思之矣今以所錄事見水利碑者省之附其碑
未及或視碑較詳者詩歌之尤者俾百世下攷諸集末焉
教諭宋時憲紀邑侯朱公禱雨而雨詩云佗邦甚旱繼以雹此
獨和甘弭災患農毗泥首吏士歡我侯忠孝神明貫馨香治績
配先公盛事兩朝光簡翰侯人世從祖諱讓明萬厯中守夔州
治行稱最大旱禱雨應時下時呼爲
朱水事見
四川通志

拔貢翟良璧美朱令君詩云使君紫陽裔名過朱伯厚不為豪

帥奪太原鎮帥某驕橫甚乃至不受巡撫節制軍興擾驛站公

百姓帥媿屈州郡賴甯受辱金誘向宰襄者祝壽告幫俱歲再

安人謂公仁者之勇舉舉則醜入千百金公悉禁

止倡辦者以賊論又故事新進弟子員贊縣庭各廿有四金稿

從四金蓋以助棚規也公謂士寒峻為多概子獨免今歲充文

武生員五十二名計免千四百餘金且好生以為殺殺者乃自

著為例刻石學門尤令士林稽首至地

咎公治獄尤仁恕鞠尹紹仁京控一案活百四十七人保全數

人囚劉長輻公至乃引伏將出死流涕謂化俗中牟令富民南

觀者曰死自吾分恨翁來遲吾致陷此也

陽守異蹟以流傳為神明父母公神奇之蹟不可勝舉最異者

而邑境獨大有年縣幾無訟而鄰封赴愬者相屬道路又每讞

疑獄旬月間即流聞郡國優伶輒集為戲劇如包龍圖况太守

平陽教授忻州董宇偉送襄陵朱使君詩云閉戶塵合轍刻舟

陋拘墟古錢不適用安用爭鎊銖可言卽可行懷哉古通儒
拔貢劉侃送朱令君詩云滔滔江河下仰望黃鵠舉吁嗟聖道
南海濱有鄒魯

前任宗學教習翟良琛送朱使君詩云廉鯁從來有如公得未
曾威生銅面具清抱玉壺冰饕餮羣皆伏貔貅氣不矜秋高華
峯隼嶄絕見眉棱又云省訟傳呼少觀民燕處稀印牀花自落
行憶雉還飛衙苦青衣散官劬赤子肥如何虞芮質越境至如
歸其卒章云泉林高臥久物色到袁安疾苦詢民隱文章接古
歡計難參馬服貧不累豬貅淵盡酬知己吾生老伐檀
稟生陳邦傑送朱令君詩云直以性情孚岸獄更無關節到文
章又云閉關人物殷勤訪講院文章子細論

生員方鎮送邑令朱稚圭先生詩云一事感孚眞最捷平生不
近四知金

蔣錫慶送朱令君詩云勿遺利於地勿壅利於人矧狐谷之壤
十萬人千畝原隰龍鱗

謹案水利碑稱實得水田三萬四百畝有奇據此詩則水
田實數尤鉅

咸豐三年十月中議大夫 內閣侍讀學士陽曲郭景僖襄陵
舊令朱使君祠詩序言使君旣去官縣人禋祀之不衰僕過平
陽訪君遺躅父老皆流涕感而敘之詩云虎觀遺鴻筆雄疆借
繭絲艱難才不世中外理無私廟寫生金像名甄陘石碑有恩
酬俎豆無計返旌旗昔者程明道伊今陸隴其何當後車載璜

玉起熊羆

闔邑紳士公獻聯句云在所損乎在所益乎三思而後行必以告新令尹非其義也非其道也一介不以取此之謂大丈夫鄧庄村紳民公獻聯句跋云邑尊老父師甫下車卽脩建鄧公伯道祠墓以興教化紳等感激無地謹達下情

祭朱子襄先生文

維光緒八年正月某日兩廣總督張樹聲廣東巡撫裕寬謹以
清酌庶羞之奠致祭於子襄先生之靈曰大道堊鬱士失其馳
羣囂眾欲以儒爲些疇經不韋疇立不隨天地之紀匪善焉歸
惟君嶽嶽起自南海晞古思齊聖豈余詒昔尹襄陵人稱惠君
撥煩蠲苛剗駁還純平水瀾瀾以漑以蕃桀黠擅利覺生不均
下車覩士爰定水則置門管渠謹稽闔闢主伯羣僖芘芘黍稷
始君未至固盜潛跳猝拚其逋若馬圈牢君之在官洗手奉職
日營心注民依是恤有不便民忼慨矢辭合實強項氣撓健兒
禁水弭害誓神驅狼一誠所孚疵癘消藏弊獄闕廟發言琅琅
觀者如堵萬背盡裂彼不孝子搏頰出血風動化流民用大蘇

俾農服田土興絃歌時巡郊野笑語妯妯或質所爭就壘理論
百九十日政成而去攀遮塞涂如嬰失哺億眾尸祝豐碑仡樹
盜駭中原僨不可羈君感時艱上言便宜師截其來可踣於巖
當路泄泄君乃拂衣比寇入晉果如君畫惜哉斯人鴻冥其翼
居恆誦法繫程與朱務踐厥實悉吐其餘學者景從不肖畏義
相率以善莫知所自吾曹薄德來忝大邦不有仁賢其曷以威
峩峩高山皎皎空谷方資清尚用敦末俗何寤邇者剝運斯丁
胡天不弔實我老成君之經綸秀魄四徹其施於世不及十一
君之學術粹然巨儒明不自翹遺書有無磊磊中懷儻俾大禩
唐虞三代豈不如昨抑其所爲夫既有然於君奚嫌無忤前賢
獨是吾曹欲咨無所蒸黎莫歸士夫喪巨歔歔瞻望雪涕難收

豈伊其私邦國之由含哀泚筆言告九幽嗚呼哀哉尚饗

今ナニヤケルニモ



一三

身

禮山紀聞

簡朝亮曰朱先生年譜蓋書其大者也譜成雜記其餘君子之章彪彪作續瓠葉可歌雖微不廢作禮山紀聞

凡二十有二條

先生六歲族伯雲中過塾示先生屬對曰老子龍鍾先生率應曰大人虎變

有以賓館請者先生以其紈袴家也辭之徐佩韋大令就之中歲而辭之君子謂大令知誼先生知幾

有嫺黨登科來謁坐而言曰予幸登科假佗國學生名也溢予若干歲矣先生心賤之笑曰斯不獨必得其名抑且必得其壽先生曰科名不足以重人當自樹立則人重科名爾

先生嘗謂故人曰何錢癖也故人曰予之癖愛錢猶子之癖不

愛錢也先生笑曰子何以答錢神故人酒爲集句曰我生託子以爲命天下何人不識君

同鄉岑亡友之子幼孤先生卹之友子長遊越南贏金還鄉饋先生夥先生納茶數掬皆反其餘

先生赴試廣州渡白鷺潭中流疾風發舟將覆檣顛先生坐自若也方持茗飲無微傾者

先生曰古云精神福澤之源幼安省譽三朝晏起昔里甫先生見晏起者每警之云在牀曰尸何不祥也

先生方壯有交游喜談諧自矜得女弟子先生正言曰西河簡齋老子婆娑皤然白髮女弟子從之游至今猶譏於莊士况少年者邪其人謝之酒曰寓言云爾顧愛我之忠孰有如足下者

序

先生居都門邑館同人譚紀文達筆記曰鐵蟾之疾見一采球大如車輪中有麗女遂擦而亡文達以謂鐵蟾愛奇鬱爲心疾不其然邪先生曰非也北史徐謩傳云武成帝酒色過度病發自云初見空中有五色物稍近變一美人食頃變爲觀世音徐之才云此色欲虛勞所致處方服之頓愈然則鐵蟾之疾近女之過非以愛奇也

道光二十有一年秋先生會試南歸同年何孝廉以昔年砌於舟次殞樁南安及是其弟度嶺迎喪牙人索而困之將徒手歸矣先生至伏贈傾貲且言於郭照磨遣役護行千里喪歸

先生會試南歸次臨城驛雨後嚴寒覆車數四人馬陷泥淖中

更殘饑踣從者潛逃輿夫扶羸不起迺大哭先生整衣立路孺
徐語同人曰我輩苟佗日見用可放膽作好官去脫有萬一遷
謫苦況不過爾耳此一夕固試劍厓鍊金石也

先生西入晉至井陘關謁漢壽亭侯席自誓於神曰某若不追
吳隱之包孝肅諸人有載晉一錢歸者明神殛之及南歸如所
誓

襄陵席氏之女將登迓車而狼噬焉先是先生布令曰狼殺人
人猶不殺狼虜然邑人無敢動者朔日先生及邑廣文祭廟旣
畢廣文戲謂先生曰女也席氏未遇才郎先遇豺狼奈何先生
於是殺狼之心尤摯矣

先生居晉中丞屬聽事楹書先生題曰聖代卽今多雨露諸君

何以答昇平粵人林大令宦晉以事部遞先生贈曰更爲後會
知何地各有前因莫羨人先生南歸晉人請留別先生賦曰且
欲近尋彭澤宰不妨長作嶺南人皆集句也

歐陽小韓孝廉赴澄邁儒官與一妻一妾偕涂遇先生立而言
先生曰詩云無小無大從公于邁孝廉大笑

試榜錄成有鄉老走鬻於鄉鬻已道過禮山或人見焉先生與
之坐或語刺刺也門人異之已而野僧叢弊鄉人不知也先生
發之繇鄉老也鄉老游食饑而多聞

鄉人關凌雲弄煙江疊嶂圖跋曰告我後人永弄斯圖雖千金
不易也亡何子孫鬻之三易至先生迺眠其跋歎而藏之卒訪
其子孫之賢者還之不收其直

鄰鄉龍江劉方伯士奇在有明時美治行拜賜璽書其書文待詔徵明爲之也有重賈鬻於先生者或求轉鬻先生靳焉私謂人曰吾獲之將還之他人未必然也於後劉氏子孫有從學者遂還之問所直終不言餽薄不受

同治十有二年秋有流星其光如晝斯須有聲或以問先生不答已而詰曰子曾讀漢書序問者曰未也踰年 國卹問者驚悟檢漢書然後歎天文志之符也

先生飯蔬食闍人日汰其糶有過先生者精食而客之客嘗至先生以其舊游七十年也主客相忘加饌仍蔬食故人食不下咽謂曰何自苦如是虛先生曰吾以彌其齒也

朱氏祖祠先生題其額擘窠大書或問之曰濠歐虞閒也又題

其東廂曰誦先人之清芬

附錄

補禮山論事一首

豈謂周書闕詩從句首安舉空羣市骨朝退獨忠肝李報齊侯

好相求漢宰官夷吾天下計首計戎馬虜汝目中觀辛受碑陰

白鄒訪道士丹七方通在六排律見三端

朱九江先生集卷十終

再傳弟子校葉於讀書草堂